

41
M E T E O R O -
L O G I C O R V M 301

ARISTOTELIS
LIBRI QVA-
TVOR.

*

Francisco Vatablo
interprete.



APVD SEB. GRYPHIUM
LVGDVNI,
1546.

MILTON
MAGNIFICENT

THE
MILTON
MAGNIFICENT

THE
MILTON
MAGNIFICENT

THE
MILTON
MAGNIFICENT



THE
MILTON
MAGNIFICENT

THE
MILTON
MAGNIFICENT

ARISTOTE- 302

LIS METEOROLOGICORVM

LIBER PRI-

MVS.

Francisco Vatablo interprete.

Eorum quæ hæcenus dicta sunt, & quæ deinceps sit descripturus, expositio.

CAPVT I.



E primis igitur naturæ causis, ac omni naturali motu, & insuper de stellis superalatione pulchre, ritq; dispositis, nec non de corporeis elementis quot, & quæ sint, & de mutua eorum transmutatione, item de ortu, ac interitu communi, dictum est antea. *Hic Ari. quæ hæcenus dicta sunt, & quæ deinceps dicturus est cõplectitur.*

Restat autem adhuc quædam huiusce discipline portio contemplanda, quam priores uniuersi Meteorologiam, id est eorum quæ fiunt in sublimi scientiam, appellabant: cuiusmodi sunt, quæcumq; per primi elementi corporum naturam quidem, sed quæ tamen minus sibi constet, in eo potissimum loco eueniunt, qui in conuersionis stellarum uicinia situs est: uerbi causa, de lacteo circulo, cometis, ostentis conflagentibus, discurrentibusq; nec non de hisce quæ æri, & aquæ promiscuas esse affectiones affirmare possumus: & insuper de hisce, quæ terræ species, ac partes aut earundem affectus existunt: ex quibus, uentorum, ac terræ motuum causas contemplantur, & omnium quæ, dum ea mouentur, cooriri solent: inter quæ alia addubita-

mus,

tophica
u. f. adu.
f. epur.
mus, alia modo quodam attingimus. Super hæc de fulmi-
num casu, typhonibus, præteritis, cæterisq; circularibus
affectibus, qui corporum concretionem eorundem obueniunt.
Quibus pertractatis, speculabimur si quid de animalibus,
ac plantis tam uniuerſim quam ſeorſum dicere, uia & ra-
tione, qua cœptum eſt, queamus. Ferè enim his dictis, res
uniuerſa, qua de agere ab initio inſtituimus, finem erit af-
ſecuta. Sic ergo ſumpto initio, de iſſis prius dicamus.

f. in El.
Quod cœlum cauſa ſit effeatrix impreſionũ apparentiũq;
de quibus eſt tractaturus, aqua uerò ac terra materiã præ-
beant, Et quod terra comparatione circumſtantium cor-
porum parua ſit exiſtimanda.

CAP. II.

Hic Ari. qua
diuerſitas conti
nentia ſit inter
cœlum & ter-
ram oſtendit.

El. ſan. ſit
Cum enim antè definitum ſit à nobis, unum quidem
principium de numero illorum corporum eſſe, ex qui-
bus natura eorum conſtat, quæ in orbem commeant, & alia
corpora quatuor ob principia totidem eſſe, quorum dupli-
cem eſſe motum alterum à medio, alterum ad medium dici-
mus: atq; cum hæc ſint quatuor, nempe ignis, aër, aqua
& terra, quod ſuper hæc omnia inuenitur eſſe ignem, quod
ſubſidet terram, duo etiam eſſe quæ perinde ut illa inter
ſeſe habeant (nam aër igni inter cætera proximus exiſtit,
aqua terræ) totus proſectò mundus terræ undiq; incum-
bens ex hiſce conſtat corporibus, circa quem quæ conſin-
gere ſolent affectiones, ſumi oportere cenſemus. Eſt autè
neceſſario mundus iſte ſupernis lationibus ferè continuus,
ut inde uis eius uniuerſa regatur: Ea ſiquidem cauſa, prima
putanda omnibus eſt: unde motus principium exiſtit. Ad-
hæc quæ perpetua eſt, nec motus finem ratione loci habet,
ſed in fine ſemper eſt. Quinetiam hæc omnia corpora cer-
tis diſcreta ſunt ſpacijs. Quare ignem, & terram, & quæ
hiſce cognata ſunt, eorum quæ in inferiore mundo contin-
gunt, ut in genere materiæ eorum quæ ſiunt, cauſas exiſti-
mare,

mare addeceat: quod enim subijcitur, patiturq; hoc nuncu-
pare modo consueuimus. Sed quod ita causa est, ut unde
principium motus: ad eorum uim, quæ assidue mouentur re-
ferendū est. Repetitis igitur positionibus, definitionibusq;
quas prius diximus, de lacteo circulo, cometis, & cæteris,
quæ hisce cognata sunt, edisseramus. Dicimus itaq; ignem,
aërem, aquam, & terram, ex sese mutuo gigni: & eorum
perinde quodq; in quoq; potentia inesse, ut & cæterorum,
quibus unum quippiam, idemq; subijcitur, in quod ultimum
resolui solent. Principio igitur addubitauerit quispiam de
uocato aëre, quam eius naturam in mundo terræ circumsu-
so sumere oporteat, & quem sibi ille uendicet ordinem ad
reliqua, quæ elementa corporum nuncupantur. Siquidem
quanta sit terræ moles ad ambientes magnitudines, haud-
quaquam obscurū est. Iam enim per syderalis scientiæ theo-
remata deprehensum à nobis est, terram esse multò item
quàm stellas quasdam, minorem. Aquæ uerò naturam, nec
congregatum in unum, sequestratamq; cernimus, nec fieri
potest ut ab eo, quod circa terram situm est corpore sepa-
retur, scilicet à manifestis maris partibus, fluminibus, & si
qua est altitudo profunda, quæ nobis manifesta non sit. Ita-
que quod inter terram, stellasq; in ultimo locatas interpa-
tet utrum unum quoddam esse natura corpus, an plura exi-
stimandum est? Et si plura sint, quotnam sunt, & quæ sint
locis determinata. De primo igitur elemento nobis prius di-
ctum est, quibus sint uiribus, & cur totus ille, qui circa la-
tiones supernas existit, mundus, illo corpore differtus est.
Quæ opinio non modò nostra est, sed prisca quædam, ma-
iorumq; existimatio esse uidetur. Nam quem uocamus æthe-
ra, antiquam sibi adoptauit appellationem, quam Anaxa-
goras idem quod ignis uocabulum significare, putasse mi-

Cap 3
negatorem uir-
tutem solum
modum uolunt
suum

anax.

ad totum aërem habeat est necesse. Nihil autem inter est, si quis ea non ex sese uicissim gigni, æquas tamen uireis habere dicat. Nam hoc pacto uirium æqualitatem, magnitudinibus eorum competere perinde est necesse, atq; si ex sese mutuò gignerentur. Patet igitur, neq; aërem solum, neque interpatentem oppleuisse locum.

Quæstiones, Quomodo ignis & aër ordinentur ad cælum.

Quare qui à superioribus astris in uicina terræ loca sit calor, uehementior sit, quàm in aeris regione media, aut supra.

Et cur in summa aëris regione nubes non fiant. C A P. III.

Reliquum est autè allatis antè dubitationibus dicamus quonam pacto elementa duo, aër inquam, ac ignis, ad primū corporis positum sita sint. Et quam ob causam calor à supernis stellis ad loca, quæ sunt circa terram profluat. De aëre igitur prius locuti, sicuti admonuimus dicamus de inceptis etiamnum de hisce rursum. Itaq; si ex aëre aqua cororitur, & ex aqua aër: quanam de causa nubes supero in loco non consistunt? Nam eo magis interibi nubes consistere addecebat, quo longius à terra locus ille distat, & algidi-
or est, propterea quòd neq; adeò propè stellæ existat, quibus calorifica uis inest, neq; prope radios à terra refractos, qui quod seruore caloris constitutiones segre gent, uapores in nubem cogi prope terram uctant. Etenim nubium astrictiones ibidem fieri solent, ubi iam radij propterea desinūt quòd in uastum aërem effundantur, disperganturq;. Igitur aut non ex quouis aëre aqua fieri assolet, aut si ex quouis similiter fiat, qui circa terram est, non modò aër, sed ueluti uapor existit. Proinde in aquam rursum cogitur.

At uerò si uniuersus aër tantus existens sit uapor, aëris naturas, & aquæ multum excedere uidebuntur, si supra interualla corpore quodam plena sint, nec fieri possit ut igni, propterea quòd assiccata iam forent cætera omnia;

204

per eundem locum
hij in locis inferius

Hic Ari. quæ-
stiones aliquas
de igni & aëre
mouet.

Cur summa re-
gio aëris nubi-
um exars.

sed reliquum sit, ut aëre oppleta sint, & quod telluri undiquaq; adiacet, aqua: nam uapor non nisi aquæ secretio existit. Ad hunc igitur modum, de hisce addubitatum sit. Nos autem quæ simul, & ad mox dicenda, & ad nunc dicta conducant desinientes, dicamus. Quod enim supero in loco consistit, & ad lunæ globum usq; porrigitur, corpus esse diuersum ab igni, & aëre, dicimus. Verum enim uerò in eo alius magis, alius minus purum esse, ac syncerū differentiaq; sortiri, & in primis qua desinendo, ad aërem, mundumq; terræ circumquaque incumbentem pertingit. Cum autem primum elementum, & corpora quæ in eo sunt, in orbem feruntur, semper id quod ex infero mundo, ac corpore illi continuum est, ui motus disgregatum accenditur, atq; calorem efficit. Sic autem mente concipiamus addecet, hinc item sumpto exordio. Nam corpus, quod superæ conuersioni subest, ueluti materia quædam, quæ potentia sit calida, frigida, arida, & humecta, cæterasq; alias omneis affectiones, quæ has comitantur subeat, sit, ac est eiusmodi ratione motus, & immobilitatis, cuius causam principiumq; diximus antea. Grauißimum igitur corpus, atq; frigidissimum, terra inquam, & aqua, in medio, & circa medium segregata existunt. Circa quæ illa quoq; sunt, quæ hisce hærent, aër scilicet, atq; id, quod quamuis ignem assueuimus appellare, ignis tamen haudquaquam est. Siquidem ignis caloris exuperantia, ac ueluti firuor existit. Verum aduertere oportet, eius quod à nobis aër dicitur, uocaturq;, quod uaporem referat, terræq; exhalationē habeat, partem unam, quæ circa terram est, ueluti calentem, humidamq; esse: alteram, quæ superior est: calidam iam esse, atq; aridam. Nam uaporis natura humecta, calidaq; est: exhalationis, calida, & arida. Estq; uapor, potentia ut aqua:

uaporis
exhalationis
natura

aqua: exhalatio, potentia ut ignis. Cur igitur nubes supero in loco non consistant, hanc esse causam existimandum est, inibi non aërem solum, sed potius ignem esse. Nihil autem uetat per lationem quoq; orbiculari præpediri nubes, quò minus supero in loco consistant. Nam circumfundens aër uniuersus, quicunq; non intra eam capitur circumferentiam, quæ efficit ut tellus tota rotunda sit, fluat est necesse: uidemus enim nunc quoq; in stagnantibus terræ locis uentos cooriri, qui etiam montes altissimos haudquaquam transcendunt. Diffluit autem in orbem, prolabiturq; aër, quod cum ipsius uniuersi conuersio secum trahat, rapiatq;. Nam ignis supero elemento, aër autem igni continens est. Ex quo etiam fit, ut motus inhibeat, quò minus in aquam concreseat aër. Verum semper quæcunq; aëris particula pondus habere cœperit, extruso in superum locum calido, deorsum ruit: & alia, in parte sursum una causa exhalante igni emicat. Ac ita continuè, aëre aliud, aliud igni oppletum perseuerat: & eorum quodq; aliud subinde, atq; aliud euadit. Quòd igitur nec nubes supero in loco fiant, nec in aquam concretio, item quonam pacto de loco inter stellas, terramq; medio sentire oporteat, & quonam sit locus ille corpore diffractus, tot dicta sint. At de calore genito, quem Sol præstare solet, magis quidem per se, & exactè conuenit in commentario de sensu dicere. Nam calor, affectio quædam sensus existit. Sed quam ob causam oriatur calor, cum corpora illa cœlestia, haudquaquam eiusmodi suapte natura sint, dicendum nunc quoq;. Videmus itaq; motum posse aërem segregare, atq; incendere, intantum ut sæpius & quæ motu cientur, liquefieri uideantur. Vt igitur tepor gignatur, atq; calor, Solis latio duntaxat, satis est efficere. Nam, & celerem esse lationem, nec longius ab-

S. 1. 1. 1. 1. 1.

305

Alig. 5. 2. non.
1. 1. 1. 1. 1. 1.
p. 1. 1. 1. 1. 1.

esse oportet. Stellarum igitur latio celeris est, sed abiuncta procul. Luna uero, deorsum quidem est, pigra tamen. At solari lationi utraq; hæc abunde competuit. Porro calorem unà cum ipso Sole potissimum gigni consentaneum est rationi, sumpta ab hisce, quæ hic fiunt, similitudine. Etenim cum quædam hic ui feruntur, uicinus aer maxime, calidus effici solet: id quod haud sine ratione contingit. Nam solidæ rei motio, aerem in primis segregare potest. Igitur tum hanc ob causam caloris feruor ad hunc pertingere locum affolet: tum quod ignis aerem complexus, motionis ratione crebriter segregetur, dissipeturq; atq; ui deorsum feratur. Quod autem superus locus nec calidus sit, nec ignitus: uel stellarum discursus sufficiens sunt indicio: illic enim non fiunt, sed infero in loco: quanquam quæ ualidiore motu cidentur, ut ocyus ita plenius ignescere solent. Ad hæc Sol ipse, qui calidus cum primis esse uidetur,

*quid astra
non sunt
aëre calida*

Summa 2^a c^o candidus apparet, non igneus.

De causis autem quæ flammas in summo aëre faciunt, de formis et motu siderum, Tab. 2^a & Cap. 10.

Flammæ cur in summo aëre appareant.

CAP. IIII.

*Hic Arist. de
ignis et aeris in
ordine ad cælum
determinat.*

HIs autem pertractatis, quam ob causam flammæ ardetes, & stellæ discurrentes, et uocati à quibusdam torres, et capræ circa cælum uisuntur, dicamus: hæc enim omnia idem sunt, atq; eadem de causa, intensione tamen ac remissione disparantur. Horum autem, & aliorum complurium principium, est hoc. Incalescente namq; à Sole terra, halitum fieri non simplicem, uti quidam putant, sed geminum, necessarium est: alterum, uaporosum magis, alterum magis spiritosum: humidi quidem halitum, quod in terra, & super terram existit, pauorem: terræ uero præ aridæ existentis, anhelitum sumidum: è quibus, qui spiritosus est eum caloris beneficio inuehi: qui uero humentior, subsidere ob grauitatem. Et propterea id omne, quod à lunari ambitu ter-

re circumfunditur undiq; , eleganter hoc pacto digestum est. Nam statim sub ipsa coeli conuersione situm est, quod calidum, aridumq; est, quem nuncupamus ignem: siquidem nomine uocat, & cuilibet fumidæ secretioni competit: attamen quia quod tale est, ex omni corporum genere maxime succendi, ac conflagrare suapte natura potest, ideo sic uti nominibus est necesse. Sub hac uerò natura, collocatus est aer. Nosse autem oportet hanc ueluti succensionem, quam nunc ignem diximus, circa eius sphaeræ extremum, quæ terram ambit, extensam esse: quo fit, ut cum exiguum fortè fortuita motum nacta fuerit, sepe summi modò in ardescat. Nam flamma, seruor est spiritus aridi. Talis igitur constitutio, cum à circulari motu aliquo pacto agitata fuerit, qua potissimum parte ardori concipiendo idonea, accommodaq; est, eatenus succenditur. Succensionis itaq; positu, aut multitudine, discrimen obuenire solet. Nam si longitudinem, latitudinemq; habeat succensio, sæpius uidetur flamma collucens, propemodum ita ut in aruis sit succensis calamis. Sin autem longitudinem duntaxat habeat, tum fiunt quos uocant torres, necnon capra, & uagæ utcunq; stellæ. Nam si in longitudinem magis, quàm in latitudinem succensio porrigatur, cum quasdam ueluti scintillas dispuere uidetur, & interim ardet: quod quidem ideo contingit, quia minutatim quidem, sed priore parte ignem obiter excipit: id est, quod capra nominatur: cum uerò hac affectione caret, torris. Sin uerò exhalationis longitudo in multas simul, & exiguas parteis disseminata sit, & latitudo, atq; crassitudo se consimiliter habeant, tum fiunt quæ creduntur uulgo uagari stellæ. Interdum igitur exhalatio, motionis opéra deflagrans, ea ipsa gignit. Interdum ab aëre ob refrigerationem consistente, calidum

secern

3. in mixta
in a. m.

Flamma.!

1. x

andor
in a. m.
in a. m.
in a. m.

secernitur, extruditurq;. Vnde etiam fit, ut eorum delatio projectioni magis, quàm incensione assimiletur. Dubi-

16. *Quod si dnm
flamma
glauca.* taucrit enim quispiam, utrum stellarum excursus haud aliter prouenient, quàm lucernæ subdita exhalatio è flamma

supera inferam lucernam reacendit (mira enim est eiusce rei celeritas, ac iactui assimilis: nec perinde fieri uidetur, quasi alius, ac alius subinde oriatur ignis) an corporis cuiuspiam eiusdem profectiones existant? *Mibi* sanè uidetur,

Solus eos præter utrunq; fieri. Nam & perinde fiunt, ut flammæ ardentis lucernæ, per fumum in extinctam irruptio lucernam efficitur: & nonnulla, quòd extrudantur, ideo pro-

ijci solent, ceu nucléi, qui è digitis elabuntur, dissiliuntq;: adeò ut in terram, mareq; de ferri tum noctu, tum interdum, cum sudum fuerit, uideantur. Sed in partem elabuntur

infernam, propterea quòd densatio propellens, ea deorsum uersus excutiat. Proinde ipsa quoq; fulmina in præceps ferri solent: hæc enim omnia, secretio, quæ extrusionis ratione committitur, non incensio, gignere solet: quippe cum natura calidum omne, insitum habeat ut sursum uersus feratur. Quæcunq; igitur superiore in loco consistunt, con-

flagrante fiunt exhalatione. At quæcunq; in inferiore, secretionem exhalationis proueniunt, quòd ea cum sit humidiuscula frigeat, atq; coagmentetur. Nam hæc cum coit,

spissaturq;, deorsum uergendo, id propellit, ac contorquet infernè, quod caloris est particeps. Ratione uerò positus utcunq; exhalatio suo in situ forte fortuna latitudinem ha-

buerit, atq; altitudinem: ita demum aut sursum, aut deorsum, aut ad latus comseat. Sed magna ex parte in obli-

*Quod si dnm
flamma
glauca.* quum, quod duabus cicatur latitudinibus, ui quidem, infernè: natura autem, supernè cuncta enim eiusmodi per dimetientem lineam ferri solent. Quocirca & discurrentium stella

rum

302

rum delatio magna ex parte obliqua redditur. Omnium igitur horum causa, tanquam materia, est exhalatio. At tanquam mouens, interdum supra latio, interdum aëris con-
 crescentis coagulatio. Hæc autem omnia infra lunam fiunt. Argumento est ipsorum celeritas, eorum motui persimilis; quæ à nobis iaciuntur, lacertisq; nostris contorquentur, quæ uidentur planè multò, stellis, luna, sole, meare celerius: quòd non procul à nobis distent.

Imaginum multarum, uelut hiatusum, fouearum, colorum
 cruentorum nocte apparentium causæ.

CAPVT V.

Hic Arist. phā-
 rasmatum cau-
 sus ostendit.

Porro multa in cœlo quandoq; phantasmata, uisaq; con-
 sistere cernuntur, nec nisi nocte serena, uelut hiatus, *fouæ*, colores sanguinei: quorum omnium eadem quoq;
 causa existit. Nam cùm palàm superus aër adeò consistat
 ut flagret, & incendium quandoq; emergat eiusmodi, ut
 flammam ardere quandoq; ut quasi torres, aut stellas pro-
 currere arbitremur: nihil est absurdi, si aër idem concre-
 scens uarios præ ferat colores. Nam tam lumen minus per-
 densius transparens corpus; quàm aër refractionem susci-
 piens, colorum uarias, ac multiplices faciet uisiones. In pri-
 mis uerò punicei, et purpurei: quòd hi potissimùm mistura
 ignei, candidiq; alteri superindito, temperari solcant. Indi-
 cio sunt stellæ, quæ si oborientes, occidentesq; per æstum,
 aut alioqui per fumum spectentur, puniceæ apparent. Idem
 quoq; refractione efficient, cùm speculum fuerit eiusmodi,
 ut nequaquam figuram, sed colorem suscipiat. Sed cur hæc
 paruo temporis spacio edurent: constitutio, quæ citò absumi-
 tur, in causa est. Hiatus autem lumine interrupto, cærulei,
 atriiue coloris interuentu, efficit et aliqua uideatur inesse
 profunditas. Atq; ex eiusmodi etiam torres frequenter exci-
 dunt: nimirum ubi amplius concreuerit. Sed cùm adhuc coit,
 hiatus

hiatus uisionem ingerit. In summa atrum candido permistū
ceu flamma fumo, multas colorum uarietates committit. In-
terdiu igitur sol eos fieri prohibet. At noctu cateri præter
puniceum, quia concolores sint, uisum defugiunt. Igitur stel-
larum transcurentium, eorum quæ incēdio fiunt, et omnium
in supero ostentorum, quæ sunt eiusmodi, ut repentinas in-
gerant uisiones, has esse causas putare operæpretium est.

De Cometis, priscorum opiniones, ac solutiones
ipsarum.

CAPVT VI.

*Hic Arist. pri-
scorum opinio-
nes de Cometis
ponit, soluitq̃.*

1. Cometae

PORRò de Cometis, & uocato lacte edisseramus, allatis
prius ad ea, quæ ab alijs dicta sunt, dubitationibus,
Anaxagoras igitur, atq; Democritus Cometæ esse asse-
runt, stellarum errantium coapparitionem, cum, quia pro-
pius accesserint, sese tangere mutuò uidentur. At eorum
nonnulli, qui Italiam habitant, Pythagoreiq̃ uocitantur,
cometen ē stellis errantibus unam esse dicunt: uerum non
nisi longo interposito tempore comparere in cælo, & pa-
rum ab Sole digredi. Id quod etiam Mercurij stellæ ob-
uenit. Nam quia non admodum ab Sole recedit, sepe cum
se uisendam præstare deberet, occultatur. Proinde non nisi
longo tempore interiecto cerni solet. Hippocrates autem
ille Chius, & eius discipulus Aeschylus, non secus quam
hi dixere, uerum non à sese habere comam, sed dum errat
interdum eam ratione loci assumere, dicunt: nimirum cum
ab humore, quem ad se attrahit, Solem uersus aspectus no-
stcr refrangitur: quia uerò inter cætera sydera tardissimè
à Sole relinquitur, non nisi plurimo temporis interiecto, ita
denum apparere, ut cum eodem ex loco, toto suo circulo
relictum ab Sole cernitur: ac ipsum ab Sole descri, et ad au-
strum, et ad septentrionis. In intermedio igitur tropicoru
loco, aquam ad sese non attrahere, quòd ea ibi ob Solis la-
tion

tionem feruere caloris absumpta sit. Cum uerò ad austrum accedit, talis humoris copia perfrui. Verum quia supera circuli portio parua est, infra longè maior, non posse aspectum hominis refractum, ad Solem peruenire, siue is austrino tropico propinquus feratur, siue in æstiuo solstitio existat. Quocirca nec in hisce quidem locis cometen ipsum gigni. At cum ab Sole ad aquilonem digressus fuerit, comam accipere: quia circuli portio quæ supra horizontem est, magna sit: quæ uerò subter, exigua: tunc enim aspectum hominis ad Solem facile pertingere. Hisce autè omnibus euenit quædam communiter, quædam separatim impossibilia dicere. Primò igitur, qui cometen, è stellis errantibus unam esse astruunt impossibilia dicunt. Nam stellæ uagæ omnes, ab Sole in signifero relinquuntur. Ac cometæ non pauci extra signiferum uisi sunt. Deinde & plures uno sæpe simul facti sunt. Ad hæc si ob refractionem comam haberent, quemadmodum Hyppocrates, et Aeschylus aiunt, aliquando sydus hoc etiam citra ullos crines apparere oportuit: quandoquidem & ad alia loca ab Sole digreditur: cæsariem autem non ubiq; gestat. Nunc autem præter quinq; illas stellas, nulla in cælo uisa est. Sed hæc frequenter simul omnes supra horizontem eleuatæ uisuntur. Nec minus cometæ: cum omnes hæc quinq; apparent, quàm cum non apparent, sed quædam Solem subeunt, plerumq; facti conspiciuntur. Ad uerò ne id quidem uerum est, cometen sub ipso septentrione solum fieri. Insuper & Sole circa æstiuum solstitium existente. Nam & magnus ille cometes, qui haud ita multò antè factus est, quàm Achaia terræ motu quateretur, & in eam maris inundatio introrumperet ab occasu æquinoctiali eniuit. Et in Austrina cæli regione multi iam facti sunt. Porro magistratum gerente Athenis Eucle Molonis filio,

mensæ

308

Cometæ an ex errantibus.

the radior

Ende

Yacynthos. mense Ianuario, Sole circa solstitium hybernum existente, in regione cœli sub septentrionibus, crinitum sydus apparuit: quamvis et ipsi affirmant, fieri non posse ut tanta re fractio fiat. Commune autem est hisce, & illis, qui cometen stellarum errantium coniunctionem, atq; contactum esse astruunt, primò quidem è numero stellarum cœlo adherentium nonnullas comam accipere. Qua in re, non *Aegyptijs* modò præstanda fides est (nam & illi id aiunt) sed & nos uidimus. Nam stella quædam ex hisce, quæ in cœnicæ ~~coxa~~ *coxa* sunt, comam habuit, languidam tamen, atq; obscuram. Qui enim eam intentis oculis aspectabant, splendorem agnoscebant exiguum: qui uerò sensim conspectum in eam quasi obiter iactabant, maiusculum. Adhæc quotquot nostra tempestate uisi sunt, sine occasu supra horizontem euauerunt, paulatim ita emarcescentes, atq; absumpti, ut nec unius stellæ corpus, nec plurium relinquerint.

Aristo. Nam & magnum illud sydus, quo de suprâ mentionem fecimus, tempore hyberno, rigente gelu, atq; cœlo sereno, uesperis, Aristeo Prætoris apparuit. Ac prima quidem die uisum non est, quòd ante Solis occasum delituerit, postea autem apparuit: nam quàm minima fieri potest distantia, Solem reliquit, & mox occubuit. Lumen uerò ad tertiam usq; cœli partem, instar saltus porrigebatur, unde & uis nomen accepit. Porro ad usq; baltheum conscendit Crionis, inibiq; dissolutum fuit. Atqui Democritus opinionem suam astruere contendit. Nam post cometarum dissolutionem sydera quædam fuisse conspecta asseuerat. Ad hoc haudquaquam interdum fieri, interdum non fieri, sed semper oportebat. Præterea ipsi quoq; Aegyptij stellas errantes, tam inter se, quàm cum fixis, coire aiunt. Atq; ipsi iam semel, atq; iterum uidimus Iouis stellam in Geminis exist

existentem, quandam subiisse, ac eam occultasse: sed cometem factum, nequaquam. Insuper & ratione hoc ipsum patet. Nam stellæ tametsi maiores, minores'ue apparent, attamen per se indiuiduæ uidentur esse. Vt igitur si indiuisibiles essent, suo cōtactu magnitudinem haudquaquam maiorem redderent: sic etiam cū indiuisibiles non sint, sed apparcant, suo coitu, ac concursu nihilo maiorem præferre molem uidebuntur. Quas igitur de ipsis causas diximus, falsas esse, etiam si non per plura, at per hæc, abunde perspicuum est.

De Cometis: eorum causis, ac differentia. *Aristoteles* *cap. 4* CAP. VII.

CVm autē de hisce, quæ sensui peruia non sunt, satis esse iuxta rationem demonstratum putemus, si ad id quod fieri possit ea reduxerimus, ex hisce quæ in præsentia dicuntur, existimauerit quispiam de hisce maximè ad hunc modum usu uenire. Supponimus enim mundi terræ circumfusi primā eam omnē partem quæ orbiculari subest lationi, exhalationem esse calidam, aridamq;. Eam autem, & insuper aëris, quæ suo in sinu fouet, ac ambit, haud parum circularis latio, ac motus secum circa terram raptat, uersatq;. At interim dū illa fertur, ac mouetur hoc pacto, quæ fortè fortuna fuerit bene temperata, sæpe incenditur: ob quod & illos sparsorum syderum discursus fieri dicimus. Cū igitur ob superiorum corporum conuersionem in eiusmodi densitatem igneum inciderit principium, neq; tam uehementer multum, ut continuò, & diu exurere queat, neq; porrò tam debile, ut statim extinguatur, sed ualidius, & quod diutius possit permanere, simulq; contingat ut subuolet in eum locum probè temperata exhalatio, aptaq; ut incendatur: tum id, sydus crinitum fit, quamcunq; figuram surrecta exhalatio contraxerit. Nam si un-

b B

diq;

Hic Arist. de cometis, eorūq; diuersitate determinat.

Cometa ~~est~~ ^{est} dique similis fuerit, cometes (id est stella crinita, & coma-
~~um modo in uertice, hispida)~~ ^{um modo in uertice, hispida} nuncupatur. Sin autem
~~oblonga, pogonias~~ ^{oblonga, pogonias} (quasi dicas, barbata, & cui inferio-
~~re ex parte in speciem barbae longae promittitur iuba)~~ ^{re ex parte in speciem barbae longae promittitur iuba}
~~uocitatur.~~ ^{uocitatur.} Ut autem huiusmodi latio, stellae latio: sic
& statio stellae statio uidetur esse. Idem enim prope-
modum fit, ac si quispiam torrem, aut paruum ignis prin-
cipium, in palearum cumulum, aceruumq; immiserit, atq;
iniecerit. Nam & stellarum discursus, huic rei persimi-
lis apparet. Citò nanq; ob succensae materiae accommo-
dantiam, in longitudinem sequela quadam serpit. Itaque si
id edurarit, nec transeundo emarcuerit, qua potissimū par-
te succensio denset, lationis profectò initium, excursionis
fiet finis. Tale est & crinitum sydus, utpote quod, non
aliter quàm stellae discursus, principium in se, finemq; ha-
beat. Cum igitur constitutionis principium in ipso infe-
riore loco existit, per se cometes apparet. Cum autē sub
aliqua stella aut errantium, aut cœlo affixarum, motionis
opera constiterit exhalatio, tum ex hisce quæpiam, fit co-
metes. Nec enim coma, ipsis adheret stellis, sed sicuti co-
rona circa solem, ac lunam apparent, sydera ipsa quauis
aliò demigrent, sequētes, ubi aer adeò densatus est, ut hæc
affectio sub solis itinere fieri queat, sic & astris ipsis co-
ma, ceu corona existit. Verum corona, tali colore ob re-
fractionem insignitur. At coma, colorem quem præferūt
in sese habent. Cum igitur iuxta stellam aliquam talis con-
cretio facta fuerit, cometes eodem quo stella motu ferri ui-
deatur est necesse. Cum uerò per se constiterit, tum sub-
sicens, & relicta uidetur. Nam latio mundi, qui circa ter-
ram est, agnoscitur eiusmodi. Hoc autem maximè in-
sinuat cometen nō esse perinde ut coronam, refractionem
quandam,

quandā, quæ in succēſione pura, ac nitida ad ſyduſ ipſum, aut quemadmodum Hippocrates affirmat, ad ipſum ſolem fiat, quod & plerunque cometes per ſe, & ſæpius quàm circa ſtellas quasdam definitas fieri ſoleat. Sed de area, hoc eſt corona, poſterius cauſam dicemus. Quòd autem ignea ſit cometarum conſtitutio, hinc coniectare licet.

Nam ſi plures fiant ſtatus, & ſcālores portendunt: perſpicuum enim eſt, eos ideo gigni, quòd eiſmodi ſecretio redundet intantum, ut neceſſariò aër aridior efficiatur, & ſublatus humidum copia exhalationis ſeruidæ adeo diſcutiatur, ac diſſoluatur, ut non facile conſiſtere, ac denſari in liquorem poſſit. Sed de hac item affectione dilucidius ſumus dicturi, cū loquendi de ſtatibus tempus affuerit. Cū igitur crebri, ac plures apparent, ſicuti dicimus, aridus admodum, & ſtatuſus redditur annus.

Cū uerò rariores, & magnitudine non perinde inſigni conſpiciuntur, haudquaquàm ex æquo tale quippiam fieri ſolet: uerumenim uerò exceſſus quidam ſtatuum uel in duratione, uel in magnitudine, magna ex parte committitur.

Quandoquidē & cū lapis ille, qui apud Aegopotamos oſtēditur, ex aëre cecidit, uento ſublatus excidit interdū, comete quoq; illis noctibus flagrante. Atq; circa id temporis, quo magnum illud crinitum ſyduſ apparuit, ſicca fuit hyems, & aquilonia. Necnō æſtus ille maris, qui Achaiam inuaſit, ob ſtatuum contrarietatem factus eſt. Nam ſinum ipſum aquilo occupat: & extrà, ingens ſpirabat auſter. Præterea Nichomachꝫ Athenis imperāte, circa æquinoctialē circulū paucis diebus cometes apparuit, ex ortu ſuo nequaquā ueſperi facto: quo adhuc regnāte, uētum illum, qui circa Corinthum debacchatus eſt, factū ſeſe accidit. Cur autem plures non fiant comete, nec ſæpe,

Hippocrates

310

Astron.

Lapis apud
Aeg. flum.
ostendit.Cometes cur non
plures oriatur

curq; extra tropicos potius fiant, quàm intra, in causa est solis, astrorumq; latio, quæ nō modò calidum secernit, uerum etiam id segregat, quod consistit. In primis uerò causa existit, quòd in lactei circuli regionem, plurimæ exhalationes congregentur.

Cap. V

*Hic Arist. pri-
scorum opinio-
nes de lacteo
circulo refert.*

De Circulo lacteo Priscorū opiniones. ^{Cap. VIII.}

Iam uerò qualiter, & quam ob causam fiat lac, necnon quid sit, dicendum est. Sed prius quæ ab alijs de hoc quod dicta fuere, percurramus. Quidam igitur ex his, quos Pythagoreos uocitant, uiam esse hanc aiunt. Alij cuiusdam astri de cœlo lapsi, iuxta cœli conflagrationem, quā sub Phaëthonte ferunt accidisse. Alij solis, quem per hunc circulum aliquando ferri dicunt. Hunc igitur locum ueluti combustum, aut quampiam aliam id genus affectionem passum esse, ab eorum latione uolunt. At illud per absurdum est, non animaduvertere, si ea foret causa signiferum quoq; , & quidem potius, quàm lactis circulū, haud aliter affectum esse oportere: quippe cū erroneas omnes, & non sol duntaxat, in eo ferantur. Totus autem circulus, nobis est cōspiciuus: semper enim eius semicirculus nocturno tēpore apparet, sed nihil id genus subijisse uidetur: nisi si qua ipsius particula lacteo circulo sese applicuerit.

*Anaxagoras
& Democritus.*

Anaxagoras uerò, atque Democritus, lac esse quorundam syderum lumen asserunt: solem enim dum sub terra fertur, ex stellis quasdam non aspicere. Quæcūq; igitur ab sole aspiciuntur, earum lumē non uideri: inhiberi enim à solis radijs. Quibuscunq; autem tellus ipsa obsistit, quo minus à sole aspiciantur, harum proprium lumen esse lac aiunt. Sed quod impossibile sit, patet. Nam lac, assidue idē in eisdem existit astris: apparet enim maximus, circulus. Quæ autem stellæ à sole non aspiciuntur, semper diuersæ sunt,

sunt, propterea quòd sol haudquaquam in eodem maneat loco. Oportebat igitur, migrante sole transferri & ipsum lac: nunc uerò hoc fieri minime uidemus. Adhuc si, què admodum in cœlestium rerum cōtemplationibus demonstratum est, ita sese habeat, & solis magnitudo maior sit quàm terra, & distantia stellarum à terra multiplicatio maior sit, quàm solis ab eadē, quemadmodum solis à terra, quàm lunæ maior est alicubi non procul à terra turbo ille, qui à sole initium sumit, radios committet, coniungetq;: nec terræ umbra, quam noctem appellant, ad astra pertinet, sed solem sydera omnia circumspicere, & eorum nulli terram obsistere, necesse est. Est autem præterea de lacte, tertia quædam opinio. Quidam enim, lac ipsum perinde atq; crinitum sydus, esse refractionē nostri aspectus ad solem, dicunt. Sed & hoc fieri nequit. Nam si & uidens, & speculum, & totum id, quod conspectui obuiam est, quiescant, in eadem speculi parte, eadem uisionis portio apparebit. Sin uerò speculum, & res conspecta in eadem ad id quod uidet acquiescit distantia, sed inter se nec æquè celeriter, nec eodem semper intervallo moueantur, fieri profectò non poterit, ut eadem uisio in eadem speculi parte conspiciatur. At stellæ, quæ in lacteo circulo feruntur, & sol quem uersus refractione fit, & similiter, & ex æquo à nobis distantes, & à seipsis autem minime, manentibus nobis mouentur. Interdum siquidem media nocte, interdum diluculo, exoritur Delphin: Lactis autem partes, eadem in unaquaq; manent. Atqui non oporteret, si lac emphasis atq; uisio esset, imò ne in eis quidē locis hæc foret affectio. Præterea noctu in aqua, & id genus speculis lac spectantibus apparet. Sed qui fieri potest, ut tum aspectus in aduersum, solē uersus refrangatur? Patet igitur ex

hiscē, lacteum circulum neq; meantium ullius uiam, neque stellarum quæ non uidentur iubar, neq; refractionem esse. Hæc autem sola ferè sunt, quæ ad hoc usq; æui ab alijs tradita sunt. Nos uerò resumpto quod subieciimus principio, dicamus. Dictum enim est prius extremam æris particulam uim ignis habere, ut ære motus opera discreto, constitutio secernatur eiusmodi, qualem crinita item sydera esse dicimus. Operæ pretiū autē est intelligamus, tale quippiam fieri, quod in illis cū ipsa talis secretio, haud quāquam per se, sed sub aliqua stella, aut cœlo adfixa, aut errante fuerit facta. Tum enim eiusmodi cometæ cernūtur, propterea quòd stellarum lationem sequātur, perinde atq; solem talis secretio, in qua per refractionem, coronam apparere dicimus, ubi fortè fortuna fuerit ita tēperatus ær. Quod autem circa unam stellam contingit, id circa totum cœlum, superamq; lationem uniuersam fieri accipiamus oportet. Nam si unius stelle motus succendere queat, non etiam fuerit absurdum cunctarum lationem, tale quid cōmittere, ac ignem excitare, præsertim in qua cœli parte dēfissimæ, & plurimæ et maximæ sunt stellæ. Igitur significet ob solis, & erronū lationē, huiusmodi constitutionē tenuat, ac dissoluit. Proinde pleriq; cometæ extra tropicos fiūt. Præterea neq; circa solē, neq; circa lunam coma fieri solet. Nā ocysus eiusmodi concretionē discernūt, quā ut cōsistere queat. Ipse autē circulus in quo lac, spectantibus apparet, & maximus est, & ita situs ut posito tropicos haud parum excedat. Adhæc locus ipse maximis, splendidissimisq; stellis et insuper hisce quas sparsas nuncupāt, oppletus est (quod & oculis cernere licet) adeò ut his de causis assidue, ac semper tota hæc coaccruetur concretio. Cuius rei signū est. Nam in huius circuli parte altera, quæ

cand

Cap. 6-
De lacte comæ
extra quædam
propria.

et al. dicitur
et dicitur
et dicitur
et dicitur

Galienus
dicitur
et dicitur

candorem duplicato maiorem præfert, maius lumen est: in hac enim maiores, densioresq; stellæ sunt, quàm in altera: quasi non alia ulla de causa iubar, quam ob stellarũ latitudinem, fiat. Nam si hoc in circulo fiat, in quo plurimæ sunt stellæ et huius ipsius circuli magis in ea parte, quæ multis, ac magis stellis diffarctæ apparet, hanc esse causam affectionis familiarissimã existimare par est. Sed tum circulũ, tum stellæ, quæ in eo sunt, ex descriptione contẽplemur.



Quas autem sparsas uocitant, non licet in pilã ad hunc intrudere modum, quòd nullam ulla unquam habeat positionem, quæ oculo notari possit, id quod in cœlũ aspectantibus dilucidum est: in hoc enim circulo solo, quæ inter latera iacèt, stellis plena sunt eiusmodi: in alijs uerò circulis,

stellis, ut patet, huiusmodi uacant. Quare si causam cur cometæ appareant, quasi mediocriter dictam recipiamus: & de lacteo candore haud aliter habere sentiendum est. Quæ enim ibi affectio circa unâ stellam existit, hanc eandem circa circulum quempiam effici contingit. Estq; lac ipsum (ut ita dixerim) ueluti definitum: facta per secretionem maximæ circuli coma. Et proinde (ut iam dictum est) non multi, neq; sæpe fiunt cometæ, quod talis constitutio in hunc semper locum, & continuè excreta sit, & per singulas excernatur circuitiones. De hisce igitur, quæ in mûdo terræ circumfuso, qui supernis adheret lationibus fieri solent, de stellarum discursu, flâma ardente, & insuper de crinitis syderibus, ac uocato lacte, dictum est: tot enim ferè sunt affectiones, quæ circa huncce locum apparent.

De causis pluriæ, nubisq; ac caliginis differentia. CAP. IX.

DE loco uerò ab isto positione secundo, à terra uerò primo (hic enim promiscuus aquæ, & aëris locus existit) & hisce, quæ in superiore eius parte contingunt, agendum est. Oportet autem & horum principia sumamus, & causas omniū similiter. Principium igitur ut mouens, præcipuumq; & omnium primum, circulus ille est, in quo manifestè solis latio, quæ segregat, congregatq; eo quod terræ propius, remotiusue fiat, generationis, atque corruptionis causa existit. Manente terra, humor qui circa eam est, in uaporem à solis radijs, & ab alio calore superno cōuersus, in sublime tēdit. Calore uerò, cuius opera surrigebatur, uaporem deserente, atq; altero in superum locum disperso, altero etiā extincto, quod longius in aërem, qui super terrā est, euehatur: uapor, frigore cōtracto ob caloris destitutionem, atq; loci naturam, rursum consistit, & ex aëre fit aqua, quæ postea quàm genita est,

tur

Hic Arist. de causis pluuiæ deq; nubis, & caliginis differentia, determinat.

rursum in terram defertur. Est autē halitus, qui ex aqua ortum habet, uapor. Qui uerò ex aëre in aquam mutari solet, nubes. Nebula autē, nubis in aquā cōcretæ superfluitas. Proinde, serenos dies potius, quā pluuioſ, portēdit: quippe quæ ueluti nubes infœcunda, & semine exhausta existat. Circulus autem iste, solis circulum imitatur: simul enim ille ad latera, & iste sursum & deorsum mouetur. Atq; considerasse oportet hunc ueluti fluuiū aëris, & aquæ promiscuū, in orbem sursum ac deorsum fluere. Nam cum sol prope terrā fertur, uaporis fluuius in sublime effluit: cum uerò sedimouit, aquæ fluuius in terram defluit: quod citra ullam intercapedinem haud absq; ordine fieri solet. Quare si priores Oceani nomine, inuolucris causa utebantur, hunc fortassis fluuiū dixerint, qui circa terram fluit. Humore autē semper in altū ui caloris scandente, & rursus deorsum ad terram ob refrigerationem ruente, cōtingentibus affectibus, & eorū quibusdam differētijs propriè nomina posita sunt. Nam cum minutatim descendit, stillæ cum per partes maiusculas, pluuia nuncupari solet.

Roris, ac pruinæ causæ.

CAP. X.

EX eo autem, quod interdiu euaporat, quantumcunque attolli in sublime nequiuerit, ob caloris ipsum eleuātis, ad uaporem qui surrigitur, paruitatē cum rursus descendit concepto per noctem frigore, ros & pruinā uocatur. Pruinā quidem, cum uapor fuerit ante congelatus, quā rursus in aquam concreuerit. Fit autem per hyemem, & potissimū frigidioribus in locis. Ros uerò, cum in aquam uapor fuerit densatus, & nec tepor tantas uires habuerit, ut quod sublatum sit assiccare: nec itidem frigus, ut ipsum uaporem gelare, propter uel loci, uel temporis naturam calentiorem quiuerit. Ros enim per tempe-

Hic Arist. de roris & pruinā causis determinat.

b B 5 rtem

riem magis, inq; temperatioribus locis nasci solet: pruinæ, uti dictum est, contrà. Constat enim uaporem aqua esse calidiorem: quippe qui subleuantem adhuc ignem habeat.

Quare pruinæ concretio ad frigiditatem pertinet maiusculam. Fiunt autem ambo, non nisi serena nocte, & à uentis silente. Nam neq; cùm sudum, serenumq; non fuerit, attolletur quicquam, ueq; spirante uento consistere poterit. Quæ ideo fieri, quia uapor non longè à terra surrigatur, indicio est, pruinam in montibus nõ gigni. Huius rei duæ sunt causæ. Vna hæc est, quòd è locis humilibus, & aquosis in sublime attollitur. Proinde calor euehens, quasi qui pondus ferat maius, quàm suis congruat uiribus, in locum admodum altum surrigere illud nequit, sed haud procul à terra rursum dimittit. Altera, quòd aër, qui in locis editioribus est, maximè fluit, agiturq; atq; constitutionem eiusmodi dissoluit, ac dissipat. Fit autem ubiq; ros flante austro, nõ aquilone, præterquàm in Ponto, ubi cõtrà usu euenit. Nam spirante aquilone, ros fieri solet: austro, non solet. Causa autè similiter habet atq; illud, quòd temperatis, non hybernis tēporibus ros gignitur. Etenim temperiem auster importat, aquilo hyemem: algidus enim est, qua re exhalationis calorem suo frigore extinguit. At in Ponto non tantum temperiem committit auster, ut uapor cooriri queat. Sed aquilo frigore suo circumobstans, calorem congregat, adeò ut calor maior uehementius uaporè eliciat. Quod etiam extra Pontum fieri, sæpenumero cernere licet. Nam putei flante aquilone, quàm austro, largius uaporem euomūt: uerùm aquilonij flatus antè calorem præfocant, quàm ut ulla uaporis copia cõsistat: at austrini exhalationem astringi sinunt. Porro aqua non perinde hic concrefcit, atq; eo in loco qui nubes complectitur.

Niuis

Niuis causa, & accidentia.

CAP. XI.

Hic Arist.

TRia siquidem corpora consistentia ob frigus, aqua, nix, grando, illinc uenire solent: quorum duo pari ratione, ac eisdem de causis, quibus ea quæ fiunt non procul à terra, effici assolent, intensione tamē, ac remissione, multitudine, & paucitate discrepant. Nix namq; & pruina, item pluuia, & ros sunt idem: uerū illud multum, hoc paucum existit. Nam pluuia fit ex multo uapore frigescente. Cuius causa est tum loci, tum tēporis amplitudo, in quo, & ex quo colligitur. Ros uerò paucum quid existit: nam constitutio, singulorum dierum, & locus, paruus existit: quod & ortus celeritas, & parua multitudo significant.

qua sint niuis causa, earumq; generationē & accidentia declarat.

314

Nix & pruina: & pluuia & ros idem

Consimiliter pruina & nix, sese habent. Nam cum nubes fuerit cōgelata, nix: cum uapor, pruina emergit. Quo circa uel temporis, uel regionis frigida indicium existit: non enim, nisi frigus dominaretur, cōgelasceret: cum multam adhuc retineat caliditatē. In nube namq; multus adhuc calor inest, qui ex eo superest igni, qui à tellure humorē in uaporem conuersum sustulit. At grando illic quidem fit: in quo autē loco uapores non longē à terra inuehuntur, hæc deficit. Nam (sicuti diximus) ut illic nix, ita hīc pruina: itē ut illic pluuia, ita hīc ros enasci assolet. Sed ut illic grādo, ita hīc simile nullum ē regione assignari potest: cuius causa, cum de grandine dixerimus, erit perspicua.

cap 2

Grando ubi generetur, & quo tempore magis.

CAP. XII.

Hic de grandine Arist. de terminat.

Sumere autem simul oportet, & quæ circa eius ortum contingant, & quæ haudquaquam seducant, quæque haud præter rationem esse uideantur. Grando namq; glacies est: concrescit autē aqua per hyemem. Ipse uerò grādines uere, & autumnō potissimum fieri solent, deinde & æstate, hyeme autem rarenter, & tum cum non admodum

maturationis frustrum tempore

mag

1264

magnum fuerit frigus. Atque in totum grandines, in locis temperatioribus fiunt: niues, frigidiusculis. Metas autem egreditur rationis et illud, aquam supero in loco congelari. Nam neque fieri potest, ut aqua ante congelata sit, quam ortum subierit: aut per ullum temporis spatium in sublimi suspensa maneat. At uero neque prout stillæ ob paruitatem supernè insident, atque in aëre uersantur, perinde ut ipsi quoque aquæ, sæpe terra, et aurum ob partium subtilitatem innatant, sic in aëre pluuia inuehitur. Coeuntibus autem copuluribus paruis, magnæ stillæ decidunt. Quod grandini obuenire nequit: non enim concreta, liquidorum more, coalescere queunt. Quod aqua tanta in alto mansisset, liquet: nam alioqui haud quaquam tanta fuisset congelata. Sunt igitur quibus huiusce affectus, ac generationis causa, hæc esse uideatur: nubem cum in superiorem locum, qui iccirco frigidior est, quod solariū radiorum à terra refractiones inibi desināt, fuerit propulsa, perueneritque illuc, in aquam densari. Quocirca et æstate, inque æstuantibus locis, grandines gigni potius uolunt: quod tum calor longius à terra nubes sursum uersus propellat. Contingit autem in locis admodum editis, grandinem nequaquam fieri: quanquam illic fieri oportebat, uti et niuem in altis fieri locis maxime uidemus. Præterea sæpe uisæ sunt nubes circa terram cum ingenti sono ferri, adeo ut id terrorem incuteret hisce, qui audiebant, uidebantque, quasi maius quippiam esset futurum. Interdum autem et postquam eiusmodi nubes absque sono apparuerunt, fit grando multa, et magnitudine incredibili, et figura nequaquam globosa: propterea quod eius delatio tempore paruo absumatur, tanquam prope terram facta concretionem, et non perinde ut illi aiunt. At uero necessarium est, potissimam con-

cret

*Grandinæ
non sublimi
non fieri.*

cretionis causam, magnas efficere grandines: siquidē grādo glacies est, id quod cuius perspicuum existit. Magnæ autem sunt, quæ nequaquam rotundam habent figuram: quod argumento est, grandines non procul à terra cōcreuisse. Nam quæ eminus decidunt, circumfractæ, quod per longum ferantur intervallum, ut figura rotundæ, ita magnitudine minores euadere solent. Patet igitur concretionem non ideo euenire, quòd nubes in superiorem locum, qui multo frigore riget, propellantur. At cū hic mutua calidi ac frigidi pugna, antiperistasis fieri uideamus (ob quod ut æstuant tempore subterranea loca, frigida sunt, ita gelante calida) hoc ipsum in supero quoque loco fieri putandum est. Proinde frigus tēpore calidiusculo, introrsum per antiperistasis coactum ob circundantem calorē, interdum celeriter aquam è nube facit. Quocirca & multò maiores stillæ, & aquæ impetuosiores, æstuantibus diebus quàm hyberno tempore fiunt. Impetuosiores nanq; dicuntur, cū densiores ex alto ruunt: quod profectò euenire solet ob concretionis celeritatem. Hoc autem ipsum, contra fit, quàm Anaxagoras dicat. Is etenim nubem, cū in frigidum ascendit aërem, hoc pati asserit. Nos uerò ubi descendit in calidum: & tum maximè, cū in maximè calidum. Cū autem frigus adhuc magis in profundum coactum fuerit ab exteriori calore, quàm fecerit, aquam congelat magis, emergitq; grando: quod accidit ubi aquæ in imum lationem congelatio anteuerit. Nam si aqua tanto in tempore descendat, & frigus, cū sit uehemens, in minori congelaciauerit, nihil uetat aquam, cū adhuc erat in sublimi, fuisse gelatā, si gelatio breuiori, quàm delatio, tempore absoluetur. Item quòd propius, ac repente magis concretio facta fuerit, eò & aquæ impetuosiores

siores, & stillæ, atque grandines maiores euadunt, quoddam per breuem ferantur locum. Grandesq; stillæ, non densæ cadunt eadem de causa. Minus autem grando æstate, quam uere, aut autumnno, magis tamen quam hyeme fieri solet: quoddam aer per æstatem sit aridior, uerno tempore adhuc humidus, autumnno iam humescat. Fiunt autem (quemadmodum diximus) grandines etiam circa æstatis calcem haud alia de causa. Nonnihil autem facit ad concretionis celeritatem, præcedens aquæ concalescentia. Quandoquidem quæ prius incaluit, ocius refrigerari assolet. Quocirca multi cum calidam celerius refrigerare uolunt, prius insolant. Item accolæ Ponti cum supra glaciem domunculas extruunt, quod piscium uenatui incumbant (uenantur enim, inter scissa glacie) aquam calidam arundinibus circumsundunt, quoddam celerius duretur in gelu. Nam glacie ut plumbo utuntur, quoddam immotæ persistant arundines: consistens autem aqua, calida celeriter efficitur in seruidis regionibus temporibusq;. Flunt etiam circa Arabiam, & Aethiopiam per æstatem, & non per hyemem, aquæ: eæq; impetuosæ, ac eodem die sæpe, eandem ob causam. Nam per Antiperistasin, quæ ob uehementem regionis æstum committitur, citò rigent. Sed de pluuia, rore, niue, pruina, gramine, quam ob causam fiant, quænam item sit eorum natura, tot à nobis dicta sint.

De Ventis, Fluijs, ac Fontibus.

CAP. XIII.

Hic de uentis, fluijs, & fontibus Aristot. determinat.

DE uentis autem, flatibusq; omnibus, & insuper de fluijs, ac mari, allatis prius de hisce aduersus nos ipsos dubitationibus, dicamus. Nam ut de cæteris alijs, sic & de hisce, nihil eiusmodi à maioribus dictum accepimus, quoddam non uel quiuis dicere queat. Sunt autem qui aërem motum subeuntem, fluitantemq; esse uentum, & hunc eundem consistit

consistentem nubem, rursum, aquamq;: tanquam eadem sit flatus, & aquæ natura, necnon uentum motionem aëris asserant. Quocirca & ex eorum numero, qui doctè loqui uolunt, quidam uentos omneis unū esse uentum aiunt, quia omnem aërem, qui motum subeat, eundem, atque unum esse contingit. Sed cum nullam subeat differentiam, uideri tamen differre, propter loca unde semper fluit. Perinde dicentes, ac si quis omnia quoque flumina, unum esse flumen putet. Quocirca plerique citra inquisitionem melius dicunt, quàm qui disquisitione adhibita ad hunc dicunt modum. Nam si tam amnes, quàm flatus uniuersi ab uno corriuarentur primordio, forsitan qui ita dicunt, quippiam dicerent. Sin uerò hic, & ibi similiter res habeat, lepidè quidem hoc dictum esse, non tamen uerè, perspicuū existit. Quandoquidem hoc congruam habet considerationem, nempe quid sit uentus, quo pacto nascatur; quid uentum moueat, unde sit uenti exordium, & utrum haud secus, quàm è uase quodam effluere uentum accipere oporteat: idq; tantisper fieri, dum uas sit inanimatum, quasi ex utre dissiliret, an perinde ut ipsi quoq; pictores uentos depingunt ex seipsis flatus initium emittentes. De fluuiorum autem generatione, haud dissimilem quidam habent opinionem. Etenim aquam solaribus radijs leuatam in sublime, cum plura rursum, aggregata, congestaq; fuerit in terræ uisceribus, tanquā ex aluo prægrandi erumpere, & aut fluuios omneis ex una, aut alium ex alia scaturire, nec ullam gigni aquā, sed quæ hybernis mensibus in huiusmodi cōceptacula collecta fuerit, hanc in anniū euadere multitudinē, arbitrantur: & ob id, putant maiores semper hyeme, quā æstate profluere. Et quosdam perennes esse, quosdam minimè. Quorum enim congesta

aqua

Antijggrinio

principia

aqua ob conceptaculi magnitudinem adeò multa existit, ut sufficiat, nec prius absumatur, Quàm tempore hyberno rursus pluuia aqua superueniat, absq; ulla intercapedine fluere dicunt. Contrà, qui minora habent cōceptacula, hos ob aquæ paucitatem antè assiccari, euacuato nimirū uase, quàm cœlestis superueniat aqua. Atqui liquet quòd si quis uelit, ficto antè conspectum ueluti susceptaculo, quod per singulos dies fluentem continenter aquam capiat, atque multitudinem contemplari, tota quæ effluit in annū aqua recepta magnitudine molem terræ exuperabit, aut certè parum deficiet. Attamen complura eiusmodi in plerisque terræ partibus euenire cōstat. Verumenimvero absurdum fuerit, si quis nō putet eandem ob causam ex aëre aquam etiam in terræ uisceribus nasci, ob quam suprà terram fieri assolet. Quare si hic aër ad uaporis naturam accedens, ob frigus in aquam densescit: idem hoc ab ea quoque, quæ in terra est frigiditate euenire, ac fieri, & non solum aquam eam, quæ in illa sequestrata sit fluere, sed continuè fieri censeamus operæ pretium est. Præterea dato quòd aqua quotidie ortum non subeat, sed in ratione rerum sit, haudquaquā tale esse fluuiorum exordiū, nimirum stagna quædam sub terra semota, ut quidam aiunt, oportet: sed ut in eo quoque quī est supra terram, loco, exiguæ aspergines coagmentantur, quæ rursus alijs coeunt, & tandem copiosus imber decidit, sic etiam in terra grandiores guttas ex paruis factas stillare primum, necnon fluuiorū principia esse, quasdam ueluti scaturigines aquarum, quæ in unam aliquam terræ partem concurrant. Quod experientia ipsa declarat. Nam qui aquæ ductus struant, scrobibus, atque cuniculis aquam deducere, tanquam ab excelsis sudante terra, solent. Quocirca & amnium fluxus

mon

*Fluuiorum
capia.*

montibus corriuari cernuntur. Atq; plurimi, & maxim
 amnes, è maximis defluunt montibus. Parimodo & monti-
 bus, locisq; excelsis uicini sunt fontes plurimi: in planis ue-
 rò, latisq; campis pauci admodum sine fluuijs fiunt. Mon-
 tana siquidem & edita loca, tanquam spongia quædam lo-
 cis incumbencia humilibus, pauxillatim quidem, sed multis
 ex partibus effundunt, stillantq; aquam. Nam & magnam
 aquæ ex alto cadentis copiã intra se admittunt (quid enim
 interest, concaua ne sit, & supina, an deuexa, & prona
 montium circumferentia? utroq; enim pacto æqualem cor-
 poris molem amplectetur) & uaporem egredientem in su-
 blime frigefaciunt, rursumq; in liquorem cogunt. Quocir-
 ca amnium maximi (sicuti diximus) è maximis profluere
 montibus uidentur: quod hisce, qui terræ ambitus contem-
 plantur, perspicuum existit. Etenim uniuersi, quos non
 contingit dicentes eosdem. & spectatores fuisse, ex hisce,
 quæ à singulis percontando acceperunt, eos ad hunc de-
 scribere modum. In Asia igitur è monte Paropamisso plu-
 rimũ, maximũq; amnes defluere uisuntur. Cæterum hic,
 communi consensu, omnium eorum maximus est, qui ad hy-
 bernum uertuntur orientem. Nam eo iam superato, exterũ
 mare cernitur, cuius finem, quicitra incolunt, haudquaquã
 habent perspectum. Ex hoc itaq; inter cæteros amneis, Ba-
 ctus, & Choaspes, & Araxes deflunt, à quo Tanais, qui
 pars eius est, in Mæotim lacum corriuatur. Fluit etiam &
 Indus ex eo monte: maximum ex omnibus fluminibus aqua
 rum agmen euoluens. Ex Caucaſo uerò & pleriq; alij tam
 numero, quàm mole exuperantes defluunt, & Phasis. Cau-
 casus autem mons est eorum, qui ad æstiuum solis exortum
 uergunt, multitudine, pariter atq; celsitudine maximus. Cel-
 situdinis autem argumentum inde colligi potest. Nam tum

ab eo loco, quem Bathea (hoc est profunda) Ponti uocant, tum ab hisce, qui Mæotici lacus ostium nauigio subeunt, eruntur. Præterea summæ eius partes noctu, mane in quâ, & uesperis, ad tertiam usq; partem radijs illustrantur solaribus. Multitudinis uero, quia cum multas sedes habeat, in quibus & populos multos inhabitare, & lacus magnos esse dicant, attamen eas omnes ad summum usq; cacumen cognitas esse asserunt. Porro ex Pyreneo (hic autem mons est Celtica regionis, æquinoctialē occasum spectans) Ister & Tartessus defluunt: hic, extra Herculis columnas: ille, totam interfluens Europam in Pontum effunditur Euxinum. ~~Ex~~ cæterorum autem amnium numero, plurimi ad septentrionem ē montibus Hercinijs profluunt, qui tam altitudine, quā multitudine maximū in hoc tractu habentur. Sub ipso autem septentrione ultra extremam Scythiam, montes Rhiphæi appellati, siti sunt: de quorum magnitudine, fabulosa admodum sunt, quæ feruntur. Plurimi igitur, & cæterorum post Istrum fluuiorum maximi, inde (ut aiunt) effluunt. Simili autem modo in ipsa quoq; Africa, alij, Aegon, atq; Nyses ex Aethiopum montibus defluunt: alij, qui inter celebratos maximi sunt, amnis inquam Chremetes nomine, qui in exterum mare exoneratur, & Nili fluentum primum ē monte, cui Argenteo nomen est, ortum habent. Ex hisce autem, qui Græciam alluunt, Achelous ē Pindo, unde & Inachus effluit. At Strymon, Nestus, & Hebrus, qui tres numero omnes sunt, ē Scombro ducunt originem. Multa itidem flumina ex Rhodope cooriuntur. Atque similiter cæteros quoque amnes fluere quispam deprehendat: uerū testimoniij gratia hosce diximus. Quicunq; enim amnes ē paludibus fluere uidentur, ex eius modi profectō redduntur, quas ferē omnes sub montibus,

aut

Europa

Pyreneus
GalliaHercinijs
montesScythia
Rhiphæi

Africa

Aethiopum
montes

Aegon

Nyses

Chremetes

Nili

Græcia

Pindo

Inachus

Strymon

Nestus

Hebrus

Scombro

Rhodope

aut locis, quæ molliter assurgunt, esse sitas cōtingit. Quòd igitur censendum non sit fluuiorum primordia haud secus, quàm ex sequestratis quibusdā cauernis fieri, constat. Nec enim terræ locus ut ita dixerim sufficeret. quemadmodum nec nubium, si eam duntaxat, quæ est in ratione rerum fluere oporteret, nec elaberetur una quidem, & altera rursum gigneretur, sed semper ex ea quæ in rerum natura existit, promeretur. Item illud, ad montium rādices fonteis esse, testatur locum aquam propterea distributim reddere, quòd ea ad exiguum quid, ac paulatim ex multis confluat guttulis. Quæ etiam ratione, amnium fontes effici consuevere. Verum enimvero & talia esse loca, ceu stagna, quæ aquarum multitudinem contineant, sed non tanta, ut illud accidere queat, haudquaquàm magis fuerit absurdum, quàm si quis fluuiorum fontes manifestos esse putet: serè enim è fontibus plurimi effluunt. Censere igitur stagna, & itidem fontes, uniuersum aquarum corpus esse, simile existit. Quod autè terra talis habeat hiatus, atq; discessiones, flumina ipsa, quæ sese condunt, declarant: quod quidem multis in locis terræ accidit, ut in Peloponneso: plurima enim sunt eiusmodi circa Arcadiam. Causa autem est: Nam quia montosa est ex alucis in mare effluxum nullum habet: oppleta namq; loca, & effluxum minimè habentia, annibus transitum in imū inueniunt, uim afferente ea, quæ ex alto aduenit, aqua. In Græcia igitur parua admodum talia fiunt. At sub monte Caucaso stagnum existit, quod accolæ mare uocitant, id enim multis fluminibus, ijsq; ingentibus receptis, manifestum non habens effluxum terram subit, ac demum iuxta Coraxos, circa uocata Bathea Ponti, acceptas euomit aquas: hæc autem sunt immensa quædam altitudo maris. Nā nemo unquam uadum, demisso fune, reperire quinit. Hic

312

Peloponnesus
ArcadiaGræcia
CaucasusCoraxos
Profunda fons.

itaq; longe à continenti trecētis serè stadijs, longo tractu, non tamen continuo, sed tripartito, potulenta redditur aqua. Item amnis quidem haudquaquàm Rhodano minor, in agro Ligustico absorbetur, rursumq; alio in loco emergit. Rhodanus autem fluuius est, qui non nisi nauigio transmitti potest,

*Liguria
Rhodanus*

Cap. 2^o

Cur loca ita mutantur, ut ubi prius ubi terræ fuerint, nunc flumina sint, & contra. Et de Cataclysmis in uniuersum.

CAP. IIII.

*Hic Arist. de
cataclysmis de-
terminat, oscen-
ditq; quare flu-
uioꝝ alij per-
ennes, sunt alij
non.*

PORRÒ non semper eadem telluris loca, uel aquosa sunt, uel arida, sed mutationem iuxta annum ortum, ac defectum subeunt. Et ideo, quæ continenti uicina sunt, & quæ mari, permutari solent: nec semper hæc terra, illa mare omni permanent tempore: sed ubi terra erat, illic mare nascitur: & ubi nunc mare est, illic rursum terra erit: ordine tamen quodam ac ambitu, fieri ista existimandum est. Horum autem principium, causaq; existit, quòd interiores quoq; telluris partes, perinde atque animantium, plantarumq; corpora, iuuentutem, atq; senectutem habeant. Verum istis hoc per partem subire, nequaquam contingit, sed simul totum iuuenescat, atque senescat necesse est: terræ particulatim hoc idem ob frigus, atque calorem accidit. Hæc igitur, accrescere simul, atq; decrescere propter solis calorem, conuersionemq; assolent. Qua etiam de causa, telluris quoque partes, uireis sibi uendicant differentes. Proinde ad aliquod usque tēpus aquosa permanere queunt, deinde assiccantur, atque senescunt rursum. Alia porrò loca reuiuiscunt, & secundum partem aquosa reddi solent. Sed cum loca aridiora sunt, fontes deleantur necesse est: quæ cum accidunt, amnes primum è magnis pusillos fieri, deinde tandem inarescere oportet. Quinetiam cum ann

*Amnes quæ
crescunt.*

amnes aliò commigrant, & hinc quidem euanescent, sed alijs in locis pari magnitudine erumpunt, permutari mare necessario accidit. Vbi enim mare fluuiorum auctu redundat, inibi, cum recedit, aridam committat necessarium existit: contra ubi multis scatens fluxibus assiccatur, inibi rursum, cum accedit, stagnare. At quia omnis quæ circa terram fit generatio, non nisi successione, & tempore respectu uitæ nostræ oppido quam longo, fieri solet, ista nobis haud quaquam aduertentibus fiunt. Atque prius gentes uniuersæ intereunt, percuntque, quam horum mutatio ab initio ad finem usque memoria teneri queat. Maximas itaque, celerrimasque clades prælia aduehant, alias morbi, nonnullas sterilitates: & hæ quasdam statim magnas, quasdam lentas adeo, ut tallium quoque gentium transmigrations nos lateant: propter ea quod alij regionem deserunt, alij eousque sustinent, quoad nullam amplius multitudinem alere regio queat. Inter primam igitur, nouissimamque loci derelictionem, tempora interueniant adeo longa par est, ut nemo meminisse possit, immo incolumibus etiamnum hisce qui remanserint, longi temporis iniuria obliuio irrepsit. Eodem modo latere quoque existimandum est, quando primum singuli populi, quæ permutata essent, & arida & palustribus, aquosisque facta, inhabitare coeperint. Hic enim incrementum paulatim multo in tempore fieri assolet, ita ut memoriam diffugiat quinam primum, quo tempore, & qualiter habentibus locis uenerint: sicut & circa Aegyptum accidit. Etenim locus iste, totaque regio, quæ fluminis tantum inuictu nata est, semper aridior effici uidetur. At propterea quod paulatim arescentibus paludibus uicina loca incoli coepere, temporis longitudo initium obliterauit. Omnia igitur Nilii ostia, præter unum Canobicum, manu instituta, non ab

oegypti

ostia xili
Canobicum

Thabe anne facta, uidentur. Quinetiam antiquitus tota Aegy-
Homerus ptius urbe, quam Thebas uocant, constabat: id quod & Ho-
 merus declarat, qui non adeò multò (ut ita dixerim) post
 eiusmodi mutationes floruit. Nam loci illius mentionem
Mempby facit, tanquam necdum, aut omnino, aut certè tanta existen-
 te Memphi. Par est autem, id ad hunc contingere modum.
 Siquidem humilia loca mortales posterius incolere coepe-
 runt, quàm edita. Nam ea loca, quæ cœno, quod annis sub-
 inde conuchit, uiciniora sunt, diutius palustria sint neces-
 se est, propterea quòd semper extrema plenius allui so-
 lent: at id mutatur, atq; rursus in melius euadit. Nam
 quæ inarescunt loca, ad bene habendum properant. At
 quæ prius erant bene temperata, si insuper asiccet, tum
Inda
Olygia
Mycenarum
prolium
 Mycenæorum regionem usu euenit. Etenim Troianis tem-
 poribus, Argiurum regio, quòd palustris esset, pauculos
 alere poterat: cōtrà Mycenæorum ager pulchrè habebat:
 ideoq; honoratior habebatur. Nunc autem ediuersò,
 ob quam diximus causam. Nam hæc sterilis facta est, atq;
 admodum inaruit: illius quæ tunc erant sterilia, quòd aquis
 essent obruta, nunc fertilia sunt effecta. Quod igitur in il-
 lo loco, qui paruus est, accidit: hoc idem etiam circa loca
 magna, regionesq; integras accidere censeamus oportet.
 Sed qui pauca respiciunt, uniuerſi mutationem quasi cœli
 ortum sit, causam esse eiusmodi affectuum, arbitrantur.
 Quocirca & mare ipsum, minus fieri quatenus siccet, aiunt
 quòd nunc plura loca quàm prius, ita sese habere cernantur.
 At hoc partim uerum est, partim non uerum. Multa enim
 sunt, quæ prius erant aquosa, nunc autē continentia addita
 sunt. Sed & contra res agitur. Nam si considerare uelint,
 mare terram multis in locis occupasse comprient. Attamē
 huius

huiusce rei causa, ad mundi generationem haudquaquam referenda est. Ridiculū enim foret ob paruas, breuesq; mutationes, uniuersum moueri asserere. Porro terra moles, atq; magnitudo, ad totū cælum nihil profecto existit. Verū horum omnium causam existimemus oportet, quod ut elapsis certis temporum spacijs, inter anni tempora hyems ita magno quodam circuitu hyems magna, & imbriū excessus fieri soleat. At hic non semper eisdem in locis efficitur, sed perinde ut uocatum diluuium, quod tempore Deucalionis accidit. Etenim hoc circa Græciam maximè, & eam potissimum partem, quā antiquam Hellada uocitant, factum est: hæc autem ea regio est, quæ circa Dodonem, & Acheloum existit: hic siquidem multis in locis defluxū mutauit. Habitabant etenim inibi Selli, & qui tunc appellabantur Græci, nunc autem Hellenes. Cum igitur talis imbrium exuperantia acciderit, ad longum tempus sufficere censeamus oportet. Item quemadmodum amplitudinem cauernarum, quæ sub terra sunt, causam esse affirmant, cur annium alij perennes sint, alij haudquaquam, ita nos ipsi excelsorum locorum magnitudinem, eorumq; densitatem, atq; frigus, eiusce rei causam esse dicimus: hæc enim atq; plurimum receptant, tegunt, gignunt. Quibuscunq; autem fluuijs incumbentes mōtium productiones, pusillæ sunt, aut fungosæ, aut lapidosæ, aut argillosæ: hosce hoc pacto antè deficere putamus oportet, quā eos, in quos humoris delatio fiat eiusmodi: ut magis queat reddere perennes locorum humiditates: hi enim progressu tēporis assiccari magis uidentur: alteri nempe, qui aquis abundant, minus quousq; circuitus eiusdem constitutio redeat. Cum autem sit necesse quandam esse mutationem uniuersi. Non tamen ortum, ac interitum, siquidem ipsum permaneat, necessarium est (sicut

*Ad Græciā
Selli
Græci
Hellenes.*

ipsi dicimus) non semper loca eadem mari aut amnibus hu-
 mectari, atq; siccescere: quod re ipsa, quæ fieri assolet, li-
 quidò constat. Tota nanq; Aegyptiorum regio, quos
Aegypti hominum antiquissimos esse dicimus, facta, ac amnis opus
 esse uidetur. Idq; regionem ipsam dispicienti palàm est.
Rubrum Item quæ rubro mari contermina sunt, id abunde in-
 dicant. Nam quidam è regibus, ex eo nauigabilem alucum
 perducere in Nilum tentauit: is enim per totum quod in-
 ter flumen, & rubrum mare interest ductus, non parua ip-
 sis commoda adferret: quod primus ueterum Sesostris ag-
Sesostris gressus fuisse memoratur, sed excelsius mare rubrum com-
 perit, quam terram Aegypti. Quamobrem ille prius,
Darius & mox Darius fodere desijt, ut ne immisto maricorrum-
 peretur aqua Nili. Patet igitur hæc omnia unum mare con-
Libya tinuum fuisse. Quocirca & Libya regio illustrata Ammo-
 nis oraculo humilior uidetur, atq; depressior, quàm subsidē
 tis loci ratio postulet. Perspicuum enim est, quòd quia li-
 mum, aut quippiam eiusmodi aquarum uis intulit, stagna
 facta sunt, & tellus arida: quodq; inibi relicta, stagnansq;
 aqua, successu temporis assiccata, iam prorsus euauit. At
Mæotis uerò & quæ ad Mæoticum lacum pertingunt, amniū con-
 uectu intantum excreuere, ut naues multò minore nunc,
 quàm anno abhinc sexagesimo, quæstus gratia ingredian-
 tur. Quare ex hoc ratiocinari promptum est, quod ut à pri-
 ma statim origine pleriq; lacus, ita et hic quoq; amniū opus
 sit, quodq; tandem ut totus assiccetur, sit necesse. Prætrea
Bosphorus Bosphorus assiduè fluit: quòd ille limo oppleatur. Atq; quo
 nam pacto hæc cōtingant, ipsis quoq; oculis adhuc contue-
 ri licet. Nam postea quā fluxus citra Asiam littus fecerat,
 quod ab eo ad Asiā interueniebat, paruū initio stagnū effi-
 ciebatur, mox inare scebat: postea uerò littus aliud citra lit-
 tus

tus illud, & citra stagnum emergebat, idq; semper ad hunc modum cueniebat similiter. Hoc autem cum saepenumero fiat, necesse fuerit, ut procedente tempore tanquam flumen euadat, quod tandem etiam exsiccabitur. Patet igitur cum tempus nunquam deficiat, & uniuersum sempiternum sit, nec amnem Tanaim, nec Nilum semper fuisse, sed loca unde profluunt fuisse olim arida: nam eorum opus, terminum habet, tempus non habet. Id quod similiter et de cæteris quoq; fluminibus dicere congruet. At uerò si amnes ortū habeant atq; occasum, nec semper eadem terræ loca scateant aquis, ipsum quoq; mare simili modo mutari oportet, quod cum asfiduè alia deserat, alia inuadat, patet non semper uniuersæ terræ tractus eosdem, hos mare, illos continentem esse, sed tempore cuncta permutari. Igitur cur eadem telluris partes nec aridæ semper, nec itidem nauigabiles existant, & quam ob causam ista usu cueniant, similiter & cur amnium quidam perennes sint, quidam haudquaquam, dictum est.

Tanais
Nily.

ARISTOTELIS

METEOROLOGICORVM

LIBER II.

De Maris generatione opiniones tres.

CAP. I.



DE mari autem, & quam sit eius natura, & quam ob causam tam ingens aquarum copia salsa sit, atq; etiam de prima eius generatione, dicendum. Igitur ueteres, quiq; diuina tractant, mari fontes tribuunt, ut tam maris, quam terræ primordia, radicesq; habeant. Sic enim fortasse quod dicitur magis tragicum esse, atq; ueterandum arbitrati sunt, quasi pars hæc haud

Hic ponit Arist.
antiquorum de
maris genera-
tione opiniones.

Hæc dicitur opinio
de origine maris.

CC 5

parua

parua quædam portio sit uniuerſi: atq; totum reliquum cœ-
 lum, locum hunc ambire dicunt: & ob id, cum honorabiliſſi-
 mum eſſe, rationemq; principij ſubire putant. At qui hu-
 mana ſapientia antecellunt, ij mare ortum eſſe ſtatuunt.
 Aiunt enim totum eum locum, qui circum undiq; terræ in-
 nititur, principio humidum, mox ſeruore Solis reſiccatum
 fuiſſe, quod in uaporem tranſit, flatus, conuerſionesq; Solis
 ac lunæ efficere, quod ſuper eſt, eſſe mare. Vnde etiam ſit,
 ut mare minus reddi aſſiccatione putent, tandemq; fore ut
 aliquando prorſus inareſcat. Inter quos, nonnulli mare
 eſſe ueluti ſudationem terræ, quæ Sole recaleſcit, falſumq;
 proinde haberi aiunt: etenim ſudor ſalſus eſt. Alij ſalſedi-
 nis cauſam terræ tribuunt: nam ut aqua per cinerem tranſ-
 miſſa ſalſa redditur, ſic etiam mare propter terram eiuf-
 modi ſibi admuſtam, falſum eſſe uolunt. Verum fieri non poſ-
 ſe ut fonteis mare habeat, iam per ea, quæ uera ſunt, contem-
 plemur oportet. Aquarum enim, quæ circa terram ſunt,
 aliæ ſunt fluitantes, aliæ ſtagnantes. Fluitantes quidem
 omnes è fontibus dimanant: de quibus antea diximus, intel-
 ligi oportere fontem eſſe principium, non à quo, quaſi è ua-
 ſe quodam promatur aqua, ſed in quod primum, quæ aſi-
 duè ſit, eodemq; fluit, concurrere, atq; coagmentari ſoleat.
 Stagnantium uerò aliæ ſunt collectitiæ, atq; ſubſidentes, ut
 paluſtres, & lacuſtres, quæ multitudinis, ac paucitatis ra-
 tione inter ſe diſcrepant: aliæ fontanæ, quæ omnes manu
 productæ ſunt: uerbi cauſa, quæ puteales nuncupantur:
 omnium enim fontem, quam fluxum, ſublimiorem eſſe con-
 uenit. Ex quo ſit, ut quædam ſponte fluant, ut fontanæ, &
 fluuiatiles: quædam artis auxilium deſiderent. Igitur aqua-
 rum diſſerentiæ tot numero, talesq; habentur. Quibus ad
 hunc modum deſinitis, ut mare fonteis ſortiatur, fieri ne-
 quaq

quaquam potest: nam mare in horum generum altero esse nequit, quippe cum nec effluidum sit, nec manu factum. At fontanæ omnes alterum ex his subire consueverunt. Nec ullam tantam aquæ fontanæ copiam, sponte sua stare uidemus. Adhæc cum plura sint maria, quæ nullo ipsa in loco inter se copulari, siue permisceri soleant (quorum rubrum quidem, cum eo quod extra Herculis columnas iacet, parum communicare uidetur: Hyrcanum uerò, & Caspium, & ab extero mari seiuncta esse, & circumquaq; accolae habere) fontes profectò haudquaquam latere possent, si quo in loco ea haberent. In angustijs autem fluere mare uidetur, sicubi ratione terræ ambientis in ætrem ex amplo coeat, propterea quòd ultrò citroq; sæpe libratur: quòd in magna aquarum uastitate deprehendi non potest. At si angusto meatu sit, quia non longè refugiât terræ, quæ in uasto parua est, illic magna cernatur, aquæ liberatio necesse est. Totum autem id mare, quod intra Herculis columnas concluditur, sectando terræ cauitates, atq; omnium multitudinem profluere solet. Nam Mæotis in Pontum influit, Pontus in Aegeum: cætera uerò ab istis maria id minus aperte faciunt. Hoc autem illis accidere solet, tum ob annuum multitudinem (amnes enim plures Pontum Euxinum, atq; Mæotin subire solent, quàm maris interni tractum multò maiorem) tum ob altitudinis breuitatem. Nam mare, ut incedit, semper altius esse cernitur: siquidem Pontus Mæotide altior existit, Ponto Aegeum, Aegeo Siculum: omnium altissima, Tyrrhenum, atq; Sardonium. At æquora extera, ut breuia sunt ob lutum, ita flatibus nō sollicitantur, quòd mare incauo sit. Igitur ut per partes telluris è locis excelsis amnes fluere cernuntur, ita etiam è totius terræ locis editioribus, quæ ad septentriones uergunt, plurimum aquarum agmen

coorir

322

Rubrum mare
Columnas HerculisMare Hyrcanum
Caspium

Mæotis

Pontus

Aegeum

Siculum

Tyrrhenium

Sardonium

cooriri affolet. Quamobrem et extera maria, quædam minime alta sunt, quod aliò suas refundant aquas, quædam altiuscula habentur. Quod autem ea terræ portio, quæ ad septentriones posita est, excelsa sit, indicio uel id esse potest, quod non pauci ex hisce, qui olim sublimium rerum studio si fuere, Solem non subter terram ferri, sed circa eandem, atq; locum istum crediderunt: disparere autem, atq; noctem committere, quoniã terra ad ursam excelsa sit. Igitur quod fieri nequeat, ut mare fonteis habeat, & quam ob causam ita fluere uideatur, tot, ac talia nobis dicta sint.

^{et affluat}
De loco maris, & quare à fluminibus ipsum ingredientibus non reddatur maius: ^{non reddatur maius: ~~non reddatur maius: non reddatur maius~~ ARIST. II,}

*Hic Arist. de
maris loco, &
cur tot flumini-
bus ipsum ingre-
dientibus maius
nō reddatur de-
terminat.*

DE generatione uero ipsius non quando ortum subie-
rit, atq; sapore quænam causa sit salitudinis, & ama-
ritudinis, dicendum est. Causa quæ maiores nostros compu-
lit, ut mare uniuersæ aquæ corpus, atq; originem esse puta-
rent, hæc est. Videbitur enim consonum esse rationi, ut to-
tius aquæ corpus quoddã sit, à quo cum detrahatur, abscē-
dit, & cæteris admiscetur, perinde ac cæterorum quoq; ele-
mentorum congesta moles est, atq; initium, quod multitudine
constat: ut ignis, in sublimi: æris, in loco ab igni secundo:
terræ in eo, circa quem omnia istic aperte sita sunt. Qua-
re eadem quoq; ratione, ut patet, de aqua quæramus, ne-
cesse est. Tale autem corpus nimirum quod perinde ut cæ-
terorum quoq; elementorum corpora, alicubi uniuersum
iaceat, præter mare, nullum esse uidetur: amnium enim cor-
pus neq; totum alicubi situm est, neq; stabile est, sed quoti-
die semper fieri uidetur. Ex hac itaq; dubitatione, mare
tum humoris, tum aquæ uniuersæ principium esse uisum
est. Quamobrem & amneis ipsos quidam non modò in
mare delabi; uerum etiam è mari fluere, asserunt: *salsam
enim*

enim aquam, cum percolatur, potu idoneam reddi aiunt. Huic autem opinioni alia dubitatio aduersatur: curnam uidelicet hæc aqua, quæ consistit, potulenta non est, sed salsa, si ea totius aquæ origo sit, atq; principium. Causa pariter & huiusce dubitationis solutio erit, & primam de mari existimationem rectè accipi efficiet. Cum enim aqua terram ambiat, proinde ut aquam aër, et aërem ignis (hic enim omnium ultimus, tam aliorum, qui plurimi sunt, quàm nostra sententia existit) atq; Sol isto feratur modo, ob idq; mutatio proueniat, & ortus, simul atq; interitus, quantum profectò aquæ leuissimum sit, dulcissimumq; assidue eximi, in uaporem conuerti, & deniq; in altum seuocari uidetur: quo in loco ubi frigoris beneficio constiterit, rursum ad terram delabatur: quod semper eo modo, quo dictum iam est, natura solet efficere. Quibus fit, ut etiam priores omnes ridendi sint, quotquot Solem humore ali existimarunt. Ob quod nonnulli Solem etiam conuerti aiunt, utpote cui non semper eadem loca nutrimentum parare queant: id quod Soli accidere, aut eum corrumpi esse necesse uolunt: nam ignem illum, quem uidemus, tandiu ardere, quandiu habuerit alimentum dicunt, et ei alimentum humorem tantum esse: quasi humor ille, qui subducitur, usq; ad Solem pertingat, aut non secus, atq; flamma, quæ fit in sublime feratur: à qua, sumpta similitudine, de Sole quoq; ad hunc sensere modum. Ad id haudquaquam simile est, nam flamma per continentem humidi in siccam mutationem fieri, non ali, solet: nullo enim (propè dixerim) tempore, eadem manet: hoc autem Soli accidere non potest: quoniam si perinde nutriatur, ut illi aiunt, non solum, ut patet, in dies, sicuti Heraclitus asserit, sed continuè semper nouus erit. Præterea subductio illa humoris, quæ à Sole fit, aquis ignis opera incaléscentibus,

per

Heraclitus

persimilis habetur. Si ergo ignis aquæ subditus, ea non nutritur, nec Solem aqua ali putare par est, etiam si totam in uaporem calfaciendo uertcrit. Absurdum quoq; est, eos Solis tantummodo curam habuisse, reliquorum autem syderum, quæ tot, tantaq; numero, ac magnitudine habentur, salutem neglexisse. Eadem autem à ratione aberrant hi, atq; illi qui cum ab initio terra esset humecta, incalescente à Sole ea mundi portione, quæ circa terram est, aërem ortum esse, totumq; cælum incrementa suscepisse, atq; nunc eundem flatum suppeditare, cæliq; conuersiones efficere dicunt. Semper enim aquam, quæ superna petierit, rursum in terram delabi aperte cernimus, etiam si non quotannis, & in quaq; regione similiter reddatur. At tamen ratis quibusdam temporibus, quicquid humoris diluti, fuerit assumptum, reddi solet, quasi corpora superna minimè alantur, nec humoris pars altera aër iam inde à generatione permaneat, altera rursum in aquam euadat, corrumpaturq; sed similiter totus dissoluatur, ac denuò in aquam consistat. Igitur pars quæ potu idonea, dulcisq; tota sursum ob leuitatem trahitur: salsa, præ pondere, ut suo in loco, subsidet. Id enim & decenter fuisse addubitatum (absurdum enim fuerit, aquam perinde ut cætera elementa, locum non habere) & hanc eius esse solutionem, putare oportet. Quem enim occupare locum mare cernimus, is maris locus non est, sed potius aquæ: uidetur tamen locus esse maris, quia quod salsum est ratione ponderis in imo manet, quod potulentum est, atq; dulce existit, in sublime propter suam leuitatē, scandere assolet: quomodo in animantis corpore fieri nouimus.

Nam tametsi cibus omnis qui in animalis corpus ingeritur, dulcorem præferat, humidi tamem subsidens, excrementitiaq; materia, amara, salsaq; deprehenditur: pars enim

enim dulcis, potuq; idonea, quam natiuus calor ad se trahit, in carnes, aliamq; partium constitutionem pro cuiusq; natura transire, & absumi solet. Igitur ut in animantis corpore, si quis uentrem putet non esse humidi alimenti locum, quòd citò euanescat sed excrementi, quoniã hoc remanere cernatur, haudquaquam probè existimauit: sic et de ipsius aquæ loco dicendum est, hìc enim, me a quidem sententia, aquæ locus est. Vnde fit, ut amnes uiueri, et quicquid aquæ gignitur, eò influant. Nam & ad id quod cauissimum est, fluxio effici solet, & terræ locum eiusmodi more occupat. Verùm ipsius aquæ pars altera tota feruore Solis attolli solet: altera relinqui ob eam, quæ dicta iam est, causam. Porro ueterem illam questionem mouisse, cur nam uidelicet tanta aquarum copia nusquam compareat, cùm innumeri immensiq; amnes quotidie in mare defluant, nec ipsam ullatenus accrescat, quanquàm metas non egreditur rationis, si quis tamen intendere uelit. eiusce rei causam faciliè agnoscat. Nam aquæ mensura eadem, longè lateq; diffusa, collectaq; haudquaquam æquabili tempore reficcatur: quinimo hoc, an illo disponatur modo tantopere refert, ut hæc diem integram edurare queat, illa perinde ac si quis aquæ cyathum unum super mensam ingentem extenderit, tota interrim dum eam contemplantur, euanescat. Quod annibus etiam solet. Nam cùm assiduè amnes toti, ac uniuersi fluant, semper ea aquarum portio, quæ ad locum immensum, latissimumq; peruenit, citò nec aperte coarescit.

Quod auem de mari, & annibus scriptum in Phædone est, fieri non potest. Inquit enim Socrates plerasq; ciuitates esse, quæ omnes sub terra sibi inuicem obuiant, irrumpuntq; : esse uerò aquarum omnium fontem, atq; principium uocatum Tartarum, quandam nimirum circa medium

334

Hæd.

Tartaria

dium aquarum multitudinem, à quo tam profluentes, quàm stabiles aquæ omnes emanant. In singulos autem amnium riuos propterea influere, quòd assidue quod primum est, atq; principium, fluctuet. Nam nec fundamentū habere, nec firmamentū, sed semper circa medium spiras agere: atq; cum mouetur sursum deorsumq; in amniū riuos exundare, atq; influere. Nonnullas item plerisq; in locis stagnare cuiusmodi nostrum etiam mare esse. Omnes autem ad principium unde fluere cœperint, in orbem relabi: multas quidem per partem eandem, quasdam uerò per contrariam quàm elapsæ fuerint: uerbi causa, si ab ima fluere cœperint, in superam illabi: esse uerò ad medium usq; descensum: ulteriorem enim prolapsum omnibus fore ascensum. Porro aquam saporis, coloresq; retinere pro terrarum qualitate, per quas fluxerit. Fit autem hac ratione, ut amnes non ad eundem semper locum fluant. Si enim ad medium confluant, à quo sanè effluunt: non potius infernè, quàm supernè fluent, sed ad utramlibet partem Tartarus fluctuans inclinabit. Atqui si hoc contingat, id quod aiunt eueniet. Sursum uersus incedere flumina, quod fieri nequit. Præterea undenam erit aqua, quæ ortum subit, quæq; rursus in altum rapitur? totam enim eam eximere necesse est si semper idem aquarum modus seruetur. Quantum enim aquæ effluit, tantundem ad principium relabitur. Atqui flumina omnia quotquot in alia non influunt, in mare desinere uisuntur: in terram, nullum: sed quanquàm sese condunt, tamen rursus emergere solent. Amnium autem ij magni euadunt, qui per caua longo itinere labuntur: multos enim amneis, quorum uas loco, ac longitudine intercipiunt, recipere solent. Quam obrem Ister, & Nilus, amnium qui in hoc mare exedunt, maximi habentur. Atq; de amnium cuiusque fontibus alias

*in l. y
Ister*

alias alij causas asstruunt, quoniam in eundē multi immit-
tunt. Itaq; hæc omnia effici non posse, apertum est: præser-
tim cum etiam inde originem mare habeat. Quòd igitur
locus iste aquæ, non maris locus sit, item quam ob causam
pars altera, nempe quæ potu idonea est, haudquaquam
nisi cum fluit manifesta sit, altera remaneat: denique cur
mare aquæ finis potius, quàm principium existat, perinde
ut in corporibus excrementa, nutrimenti omnis, & maxi-
mè humidi finis sunt, tot nobis dicta sint.

De maris salsedine opiniones. ^{et præsertim de} quomodo ea gignatur,
unde fontes ac flumina diuerfos sapes habean, ac colores.

CAP.

III.

DE maris autem salitudine, & idem ne semper mare sit, an aliquando non fuerit, & aliquando non erit, *Et sic de maris salitudine Arist. determinat.* sed deficiet (sic enim quidam opinantur) dicamus oportet.

Id igitur omnes fatcri uidentur, nempe quòd factum sit, si totus etiam mundus ortum habeat: pariter enim cum eo maris ortum faciunt. Quare perspicuum existit, si uniuersum sempiternū sit, de mari quoq; haud aliter esse sentiendum. Qui autem mare decrescere (sicuti Democritus asserit) tandemq; defecturum censet, atq; ita sibi persuasit, nihil ab Aesopi fabulis dissentire uidetur. Is enim Charibdim, cum bis aquas exorbuisset, primò quidem montes, mox insulas aparuisse, & ad postremū ubi sorbuerit, terram prorsus asiccatum iri, cōmentus est. Verūm Aesopo in nautam irato, eiusmodi fabulam dixisse congruebat: hisce autem, qui ueritatem rimantur, minus. Quam enim ob causam prius remansit, siue hoc propter pondus acciderit, quomodo etiam quidam horum aiunt (in promptu enim est, eiusce rei causam perspicere) siue etiam propter aliud quippiā, patet esse necessarium, ut eandem ob cau-

d D

sam

sam ipsum reliquo tēpore permaneat. Dicant enim oportet, aut quòd aqua à sole sublata nunquàm descendet, aut si descendet, necesse erit ut uel semper, uel quādiu illud accidet mare remaneat: rursusq; illud quod potulentum est, prius esse sublatum oportebit. Quare nunquam asiccabitur: quod enim in cœlum prius ascēdit, id in mare descendere anticipabit: nihil enim refert semel ne, an pluries hoc fieri dicatur. Si quis igitur solis lationem interquiescere statuatur, quidnam id erit, quod uim habeat asiccandi? Sin uerò eam esse sinat, semper ille suo accessu partem potabilem (uti diximus) educet, rursusq; suo recessu dimittet. Hanc autem de mari sententiam ex eo sumpsere, quòd multa loco sicciora nūc, quā prius, appareāt. Cuius rei causam diximus, nēpe quòd hic affectus propter aquæ exuperantiam, quæ stato quodam tempore obuenire solēt, non propter uniuersi, partiumue generationem, accidit. Rursusq; contrā eueniet: & cū facta fuerit aqua, rursus exciccabitur. Atq; id ita per circulum semper ire necesse est: sic enim existimare, rationi magis consentaneum est, quā ob id totum cœlum permutari. Sed de hisce plura, quā par erat, diximus. De maris autem falsugine dicendum fieri non posse, ut qui mare semel generarint, aut omnino ipsum generant, falsum esse statuatur. Nam siue mare residuum extet omnis eius humoris, qui circa terram existit, & à sole subuehi solct, siue in aqua multa, & prædulci tanta uis saporis propter terræ cuiuspiā eiusmodi ammistionem insit, non minus ipsum, ubi aqua in uaporem conuersa rursus descenderit, quā prius falsum esse, cū multitudo æquabilis habeatur, necesse est: & si non prius, nec posterius quoq;. Quòd si etiam prius falsum erat mare, continuo erat dicendum quidnam in causa sit:

Et insuper, cur si tunc in altum ascenderit, nunc quoq;
idem minimè patiatur. At uerò & hisce, qui salsuginis
causam terræ tribuunt (eam enim, dum ammiscetur, mul-
tos habere sapes aiunt, adeò ut ab omnibus conuecta
mare salsum ob admistionem reddat) non item flumina
ipsa salsa esse, absurdum existit. Quì enim fieri potest, ut
eiusmodi terræ mistio, affectum adeò euidentem, conspi-
ciumq; efficere in tanta aquarum multitudine queat, in
quaq; autem parte nequeat? Constat enim mare, totam
fluuiatilem aquam esse: nihil enim à fluuijs differre, nisi
quòd salsum sit, uidetur: quod idè, illis obuenit eo in loco,
in quem confluunt uniuersi. Pari etiam modo ridiculum
fuerit, si quis cum mare terræ sudorem esse dixerit, dilu-
cidum quippiam dixisse putet, perinde ut Empedocles. Is
enim ita locutus, quo ad Poësin, satis forsitan dixit (quip-
pe cum translatio poëtis amica sit) quo ad cognoscendam
naturam, non satis. Hic enim minimè constat, apertum ue-
est, quonam pacto è dulci potu salsus sudor proueniat:
utrum abeunte quopiam, ceu parte dulcissima, solummodo:
an permistio, quomodo in aquis per cinerè colatis euenit.
Causa eadem & excrementorum generi, quod in uesicam
colligi solet, competere uidetur: quippe quod amarū, sal-
sumq; euadat, cum tamen qui bibitur humor, & quem ci-
bus continet, dulcis sit. Itaq; si ut aqua, quæ per cinerem
transmittitur amara fit, sic & urina, atque sudor amaro-
rem contrahunt: urina quidem, quòd facultas eiusmodi
unà cum ea deferatur, qualis est salsilago illa, quæ etiam in
uasis subsidere uidetur: sudor uerò, quia facultas illa pa-
riter cū eo è carnibus sequestretur, humore scilicet, qui se-
se foras promit, quod tale est è corpore ablucendo dera-
dente: perspicuum est quòd in ipso quoq; mari, quod è ter-

Mare an hunc
sudur.

Urina et sudor
salsus.

ra cum humore misceatur, salitudinis causa est. Verum in corpore talis est pars ea cibi, quæ subsidet, propter concoctionis uacuitatem. At in terra quonam pacto hoc ipsum insit, dicendum erat: atq; omnino quæ fieri potuit, ut tanta aquarum copia è terra dum siccet, calefieretq; , excreta sit? eam enim, partem quandam esse exiguam respectu eiusce, quæ in terra relicta est, cõuenit. Præterea cur non etiam nunc terra, siue maior, siue minor, sudare cum resiccatur soleat: humiditas enim & sudor, amara fiunt. Nam si tunc, & nunc quoq; oportebat. Ad id nequaquam accidere uidemus: immò terra, cum humida est, resiccatur: cum uerò sicca, nihil tale pati solet. Quæ igitur fieri potuit, ut terra cum circa primam sui generationem humecta esset, sudorem obarescendo emisserit? Quin potius par est, sicuti nonnulli aiunt, humore plurimo abeunte, & solis beneficio in cælum scandente, quod reliquum fuit esse mare. Nam fieri non potest, ut tellus cum humecta est, sudet. Quæ igitur salitudinis causæ narrantur, rationem uidentur effugere. Nos autem eodem quo & prius sumpto initio, dicamus. Cum enim halitum esse duplicem, alterum humidum, alterum siccum positum sit, eum eiusmodi affectuum principium esse arbitrari oportere constat. Quinimo & de quo quæsisse prius necesse est, utrum etiam mare permaneat, semper eisdem numero partibus constans, an specie, & quantitate subinde mutatus, perinde ut aër, aqua potabilis, ignis: horum enim quodq; aliud, & aliud subinde euadit, multitudinis tamen eorû species haud aliter ac flammæ, & profluentium aquarum fluxus, manet. Hoc itaq; apertum, atq; probabile existit, fieri inquam non posse, ut non eandem hæc omnia habeant rationem: & mutationis celeritate, tarditateq; inter se distent, gignan

gnanturq; ac intereant: quod tamen non absq; certo quodam ordine, hisce omnibus eueniat. Quæ cum ita habeant, de salfore quoq; causam reddere enitendum est. Itaq; eiusmodi saporem ob commistionem quãdam prouenire multis constat indicijs. Quod enim in corpore minimè concoctum est, id falsum, amarumq; haberi solet: quod idẽ etiam prius diximus. Nam cibi humidi excrementũ, minimè concoctũ est. Eiusmodi sunt sedimenta omnia, sed præcipuè illud, quod in uesticã delabitur. Cuius rei indicium est, quod tenuissimũ sit: quæ autẽ concoctionem admisere, constant, crassaq; sunt. De inde sudor, in quibus idem illud corpus, quod hunc sapore parit, unã cũ superuacaneo humore excernitur. Pari modo & in hisce, quæ exurũtur, res habet: quod enim calor non euicerit, id omne in corporibus excrementũ sit, in exustis cinis. Quamobrẽ & mare è terra perusta factũ esse, nonnulli asserũt. Ceterũ ita quidẽ dicere, absurdũ est: esse tamẽ ex tali factũ, à ueritate nequaquã abhorret. Nam ut in hisce, quæ diximus, ita in ipso quoq; uniuerso, quod ex ijs, quæ nascuntur, atq; per naturã fiũt, non aliter quã ex ijs, quæ ignẽ sentiũt, relinqui solet, esse terrã talem animaduertendum semper est. Quinimo & omnẽ aridæ telluris halitũ esse eiusmodi, putandum est: ea enim hanc ingentem halituum copiã suppeditat. Cũ autem halitus uapidus cum arido permistus (ut diximus) in nubem, & aquam cogitur, necessariò accidit ut semper quẽdã non parua huiusce facultatis portio intercipiatur: & rursum pariter cum pluuiã de orsum firatur, idq; semper fiat, ordine quodã, quantum fieri potest, ut quæ apud nos sunt ordinẽ participet. Vnde igitur in aqua falsitudo proueniat, dictum est. Ob odq; imbres, tam quos Auster affert, quàm qui autũnalia primi sunt, salsiusculi sunt.

Auster enim tā uehemētia sua, quā flatu astuosissimus uētus est, & calidis, siccisq; locis spirat. Quare parū uaporis sibi asciscit, et proinde seruidus extat. Nam & si eiusmodi non sit, sed unde spirare incipit frigidus habeatur, nihilominus dum se longius protrahit, propterea quòd multū sicci halitus è uicinis locis secū rapit, calidus est. At aquilo, ut qui ab uliginosis flare locis soleat, uapidus est, ideoq; frigidus. Hic tamen, quòd nubes propellat serenus est, in locis oppositis, pluuius: pari modo & auster Afris sudus est, nobis pluuiam importat. Talis igitur facultas in aqua, quæ deorsum ruit, non parū cōfert. Atq; per autumnū salsi imbres fiunt: quæ enim plus ponderis obtinent, ea priora deferātur, necesse est. Quare quibus eiusmodi terræ copia inest, ij celerrimè descendunt. Ob idq; mare calidum est. Nam adusta omnia, potentia in se aliquid habent caliditatis, calcem, cinerem, sedimenta animalium, humidum inquam, simul & aridum intueri licet. Et animalium, quæ uētres habent calidissimos, sedimenta calidissima esse usu euenit. Igitur mare hac de causa subinde salsius reddi solet. Semper autem ipsius portio quædam unā cum parte dulci, attollitur: uerū tantò minor est, quantò in ipsa quoq; pluuiæ, pars dulcis salsam exuperat. Ex quo fit, ut semper æquale (quod in totum dixerim) habeatur. Quid autem aqua maris, quæ in uaporem conuertitur, potulentæ euadat, quodq; pars ea, quæ naturam induit uaporis, cum rursus concreuerit, nequaquam in liquorem cogatur, quā maris naturam retineat dicere conemur. Hoc idem in cæteris quoque alijs euenit. Nam & uinum, & cætera succorum genera, quotquot in uaporem mutari, in humorem rursus concrefcere solent, aqua fiunt. Affectus enim cæteri, aquæ propter quandam commistionem, competūt:

Et quaecumq; id fuerit, quod ei permiscetur, talem in ea
 parere saporem assolet. Sed de hisce aliis, cum opportu-
 nior dabitur occasio, erit considerandum. Nunc catenus
 dicamus oportet, nempe quod cum mare in rerum natura
 sit, assidue quippiam ab eo in altum scandit, potuq; ido-
 neum, ac dulce redditur, quodq; per imbreis ex alto in
 imum labitur, iam aliud effectum, nec id praeterca existens
 quod fuerat sublatum, quod deniq; mare potulentae par-
 ti ratione ponderis subsidet. Ob idq; nec ipsum instar
 amnium deficere, nisi locorum ratione assolet: quod idem
 pari utrisq; modo accidere necessum est. Nec semper eade
 nec terrae, nec maris partes permanent: sed tota duntaxat
 moles. Etenim in hunc modum de ipsa quoq; terra exi-
 stimare par est. Nam pars alia ascendit, alia rursus descē-
 dit. Quinetiam loca commutant, quae per summa innatare,
 quaeq; in ima rursus deferri assolent. Porro falsitudinem
 in rei cuiuspiam admistione consistere, palam est, non ex
 ijs tantum, quae dicta sunt, uerum etiam si quis uas è cera
 affirmatū in mare demittat, obturato prius re tali osculo,
 ut nihil interhiet, per quod mare introfluat: quae enim sese
 uasi per ceteros parietes insinuat aqua potulentae euadit:
 ut terrena portio ita et quod falsitudinem sua admistio-
 ne committit: sequestratū cum percolatur aqua assolet: id
 enim tum ponderis (salsa enim quàm dulcis grauior est)
 tum etiam crassitudinis causa extat. Etenim aquae crassitu-
 do, corpulentiaq; tantam asferre differentiam potest, ut na-
 uigia a quo rerum, quae cōuehūtur, oncre pressa in amni-
 bus ferè demergi uideātur, in mari modicè sese, atq; ad na-
 uigandum peropportune habeant. Quamobrem nonnulli
 eorum, qui in amnibus nauicis onerāt, ob eā ipsam igno-
 rationē damnum subicere grauiissimum. Quod autem quip-

Marii aqua per
 aduē potulenti

Haec ab indy
 de re submā
 ni flangi 05
 in mari.

piam admistum sit, illud argumento esse potest, quod eius moles crassuscula est: nam mare, propè quasi lutū est, tantam rei corpulētā copiam continet: si quis enim aquam indito sale uehemēter salsam fecerit, in ea oua, etiam si plena sint, innatant. Hoc idem, circa ipsa quoq; salsamenta moliri solent. Quod si in Palæstina sit, ut quidam ferunt, lacus eiusmodi, in quem si à quoquam homo uinctus, aut iumentum iniiciatur, per summa natat, nec in aquis mergitur: is profectò testimonio fuerit hisce, quæ iam dicta sunt: adiunt enim adeò amarum, salsumq; esse lacum, ut piscis nullus innascatur, & uestimenta purget, si quis madefacta concusserit. Quæ omnia, eorū quæ diximus signa sunt, nempe quod corpulentum quiddam falsitudinem pariat: & quod id quod inest, terrenum sit. Etenim in Chaonia fons quidā aquæ falsiusculæ, habetur, qui haud longè ab ortu in amnem dulcem quidem, at piscibus uacantē influit. Nam, ut aiunt incolæ facta ab Hercule optandi potestate, cum is ab Erithia uaccas abigens rediret, salem pro piscibus elegerūt, qui ipsis è fonte fieri solet: huius enim aquæ portionem quandam postea quàm decoxere, quiescere sinunt, quæ frigefacta, ubi unā cum calore humor euaporauit, in salem non densum, grumosumq; , sed niuis modo laxum, atq; subtilem uerti solet: quod genus salis imbecilliorē, quàm cetera, uirtutem obtinet, largiusq; adhibitum gustum ingerit suauē: colore item non æquē cādido, existit. Aliud huic rei proximum, Umbri moliuntur quendam enim locum habent, in quo arundines, & iunci enascuntur: quorum cinerem decoquere aqua soliti sunt, donec exiguū supersit humoris, qui ubi refrixit, in salis copiam euadere solet. Quicumq; autē amniū fontium uel fluxus falsi sunt, eos maxima ex parte aliquando incaluisse, deinde

339

Vnde fons
flumini dicitur
Syracus, ab
effluens.

deinde ignis principium extinctum fuisse, censendum est: terram uero, per quam transmissi colantur, cineris, & cal-
cis naturam adhuc retinere. Sunt etiam plerisque in lo-
cis tam fontes, quam amnium fluentia, quæ uaria saporum
genera præferunt: quorum omnium causam esse igneam uir-
tutem, siue facultatē, quæ in eis est, aut innascitur, statuen-
dum est. Nam terra dum ignem sentit, quod plus minus id
pati soleat, uarias saporum, colorumq; formas contrahit:
quippe quæ aluminis, calcis, & cæterorum id genus uirtu-
tibus plena reddatur: per quæ dum transmittitur aqua,
quæ dulcis est, permutari solet. Et quædam acescit, quo-
modo in Sicilia agro Sicanico euenire uidemus. Inibi enim
oxalme (quam acidam muriam interpretor) gignitur, qua
ut aceto in quibusdam epularum generibus uti solent. Est
autem & circa Lyncon, fons quidam, cuius aqua acida est.

Sicania
Sicilia
Lyncon
Scythia.

Circa Scythiam alius, qui amaras euomit aquas, quæ
uniuersum amnem, in quem incidunt, amarū reddunt. Ho-
rum differentiæ, hinc apertæ sunt. Sed qui sapor, ex qui-
bus temperaturis exultent, seorsum per se alio loco dictū
est. Igitur de aquis, & mari, quas ob causas assidue sem-
per sint, quæ nam sit eorum natura, qua ratione, ac uia per-
mutentur, tum etiam de plurimis affectibus, quos commit-
tere, aut pati per naturam ipsis accidit, propè diximus.

Sicilia 2^a cap.

Ventorum causæ, ac generatio.

CAP. IIII.

DE uentis autem initio, quod iam prius diximus, sum-
pto, dicamus. Duæ enim sunt nostra quidem senten-
tia halitus species: alter humidus est, alter siccus. Ille ua-
por nuncupatur: hic, in totū nomine caret: particulari ta-
men utentes, uniuersaliter cum ueluti fumū uocemus ne-
cesse est. Cæterum nec humidū sine arido, nec aridum sine
humido esse potest: uerum hæc omnia ita secundum exupe-

Hic uentorum
causas, eorumq;
generationem
Aristo. decla-
rat. ex halitibus
duæ sunt sp.

d D s ration

rationem uocari solent. Itaque cum sol ipse orbito feratur,
 & ubi propius accedit, humorem ui caloris subuehat: ubi
 autem longius dinouet sese, uapor qui sublatus fuerat, rur-
 sum in aquam refrigerationis beneficio concreseat (qua de
 causa, imbres hyeme potius, quam aestate fiunt: & nocte,
 quam interdiu: sed non uidetur, propterea quod imbres no-
 cturni magis, quam diurni lateant) aqua autem illa, quae
 ad ima deferri solet, tota in terram distribuatur, terra uero
 ipsa multum ignis, atque caliditatis in sese habeat, atque
 sol non solum cum humorem, qui per summa telluris resi-
 det attrahat, uerum etiam terram ipsam calefaciendo as-
 ficiet: cumque halitus (id quod iam dictum est) duplex sit,
 alter uapidus, alter fumidus, utrumque profecto halitum
 fieri necessarium est: quorum qui humorem continet lar-
 giorum imbrium primordium, quemadmodum antea dictum
 est, existit: qui aridus est: flatuum omnium principium, at-
 que natura. Haec autem ad hunc eueniant modum esse ne-
 cesse, ex ipsis etiam affectibus certum est. Etenim halitum
 differentiam recipere, necessum est. Atque solem, & ter-
 rae caliditatem ea ipsa efficere, non modo possibile, uerum
 etiam necessarium existit. Cum autem species utriusque
 diuersa sit, patet quod inter se discrepant. Nec uenti ea-
 dem ac imbrium natura existit, perinde ut quidam aiunt:
 eundem enim aërem si moueatur, uentum, si concreseat,
 aquam esse uolunt: uerum ex hisce aër (quemadmodum
 antea diximus) gigni solet. Vapor enim humidus, algi-
 dusque est: nam facile terminos suscipit, ut humidus: at quia
 aquae est, suapte natura ut aqua non calefacta frigidus exi-
 stit. Fumus uero, calidus, & aridus. Quare ex hisce, tan-
 quam ex symbolis, constituitur aër: qui humidus, calidusque
 est. Etenim absurdum fuerit, si aër iste, qui quemque am-
 bit

bit, dum motu cietur, flatus fiat, & unde uis fuerit agitatus. uentus exultet, & non ut amneis esse existimamus non qualitercunque profluente aqua etiam si multa sit, sed. quod profluit, id à fonte ortum ducat oportet, sic de ipsis quoque uentis res habere dicatur. Nam ab aliqua ingenti ruina, magna aëris copia, quæ nec principium habeat, nec fontem moueri potest. Quæ autem fieri assolent, ea, quæ diximus, approbant. Nam quia continuè quidem, sed plus ac minus fieri, & maior, minor uel halitus affolet, semper. nubes, ac spiritus per singula anni tempora, pro cuiusque natura efficiuntur. At quia interdum uapidus, interdum. ficcus & fumidus altero longè amplior assurgit, aliquando pluuij, & humecti redduntur anni, aliquando flatuosi, & squalibundi. Quandoque igitur squalores, imbresq; multos, simul & per magnum, continuumque tractum fieri, quandoque per parteis, euenit. Sæpe enim regio, quæ circumquaque adiacet, temporarios recipit imbres, aut etiam plureis: at in hisce parte, aliqua squalor est. Quandoque ediuersores agitur: nam cum tota, quæ in circuitu est regio, aut modicis potiatur aquis, aut potius squalore fatiscat: una quædam portio immensam aquarum copiam recipit. Cuius rei causa est, quòd magna ex parte eandem affectionem longè, lateque diffundi, ac serpere consentaneum est: quia uicina loca situm ad solem retinent consimilem, nisi peculiarem quandam sortita sint differentiam. At uerò interdum hac in parte ficcus anhelitus, in altera uapidus, uberior gigni solet: nonnunquam uice uersa accidit. Huius autem ipsius causa est, quòd halitus, uterq; in proximæ, sibiq; continuæ regionis halitum incidit. Verbi causa, ficcus per suam fluit regionem, humectus sibi proximum inuadit: uel etià ad locum quendam remotiorem

tiorem ui uentorū propulsus accedit. Interdum ille manet, & idem, qui ei cōtrarius est, agit. Atque sæpenumero illud euenit, nempe quod quemadmodum in corpore hominis, si alius superior sicceat, inferior contrario habitu est: ediuerso: si inferior sicca sit, superior humecta, frigidaq; est: sic & in ipsis quoque locis antiperistasis fit, & exhalationum genera cominuantur. Præterea ut post imbrem flatus magna ex parte oriri eo in loco soliti sunt, in quo illum fieri contigerit: ita superueniente imbre, consternuntur. Hæc enim propter principia, quæ dicta sunt, euenire necessum est. Nam ab imbribus terra dum calore suo, quam superno resiccatur, halitū profundit, qui nimirum uenti materies esse solet. Atq; ubi secretio eiusmodi in rerum natura fuerit, obtinent uenti: quibus ponentibus, propterea quod pars calida seuocari, atq; superum in locum efferri semper assolet, uapor refrigeratus consistit, spissescitq; atq; in humorem uertitur. Quinetiam ubi eundem in locum pulsæ nubes sunt, & frigus intro se colligēs circumfuso calori obluetatur, oritur aqua, cuius beneficio siccus anhelitus refrigerari solet. Ergo ut imbribus uenti sopiuntur, ita ubi uenti desistūt, imbres gigni propter has causas assolent. Adde quod non aliud causæ est, cur à septentrione, & meridie flatus, potissimum oriantur. Omnes namq; uentorum plurimi, Aquilones, & austri spirare solent. Nam sol hæc una loca non adit, sed ad ea sese applicat, ab eisq; dimouet: ad occasum uerò, & exortū assidue fertur. Quamobrem nubes in cursus solis lateribus consistere solent: atq; sole accedente, humor exhalat: aduersam in partem abeunte, hyems imbresq; excitantur. Itaq; ob solis lationem, quæ solstitia petuntur, deserunturq; æstas, hyemsq; fiunt: & aqua in altum rapi, rursum in nubem

conu

*Flatus eorum qui
sunt in septentrione
et meridie
dic.*

conuerſi ſolita eſt. At cū aquæ plurimum in hiſce locis deſcendat, ad quæ ſol uergit, & à quibus, ſeſe remouet, hæc autem ſunt quæ ſeptentriones uerſus, atq; meridiem poſita ſunt: atque ubi tellus aquas recipit uberiores, ampliſſimam inibi halituum copiam fieri neceſſum ſit, perinde ut è uiridi ligno ſumum depromi copioſiſſimum uideamus, halitus autem ipſe uentus ſit, ratione euenit optima, ut inde flatuum plurimi, principaliſſimūque exoriantur.

Qui autem à ſeptentrionibus mittuntur, Aquilones: qui à meridie, Auſtri dici ſolent. Porro ſpiritus tramite ferri obliquo aſſolent: nam circa terrā ſpirant, cū tamen habitus ipſe per directum ſeratur, quod totus circumfundens aër flatuum lationem conſectetur. Quocirca quæret quiſpiā, utro ex loco, ſuperòne, an infero flatibus initium ſit? Nam de ſuper uentorum motio eſt: & antè quàm ſpirent, illuſtratur aër, ſi nubilus, caliginosusue ſit, quippe cū nubis motio, flatuſ initium prius, quàm apertè ad nos uenerit, portendat, tanquam flatuſ de ſuper originem habente. Cū autē uentus, quædam ſicci halitus, quē tellus profundit, copia per terram currens ſit, motionis initium ab alto prouenire, materiei, & ortuſ ab imo, planum eſt. Nam qua parte quod aſcendebat, inclinari: inde ſui curſuſ cauſam ſortitur. Nam latio eorum, quæ à terra remotiora ſunt, potior, ac domina exiſtit. Et in ſuper, exhalatio ab imo ſurſum uerſuſ recta linea fertur, cunctaq; plus roboris habent, cū in propinquo ſunt. At ortuſ principium, ad terram referri debere, in aperto eſt. Porro flatuum initia multis exhalationibus ſenſim coeuntibus exultare, quomodo amnium fontes terra humorem fundente fiunt, experientia quoq; ipſa conſtat. Omnes enim uenti, ibi minimi ſunt, unde ſinguli ſpirare cœperint. At ubi longius

Regio septentrionalis
hinc longius se protraxerint, ingenui uenire solent. Præterea regio, quæ septentrionibus subdita est, per hyemē tranquillatur, nec ullum flatum sentit. At quod paulatim expirat, atq; eodem illo in loco latet, id ubi præterijt, iam spiritus euadit illustris. Igitur natura uenti quænam sit, & quo pacto oriatur, tum etiā de squalore, & imbriū abundantia, item quam ob causam post imbreis flatus & surgant, & sternantur: & cur Aquilo, & Auster sæpiissime spirent, adhæc de uentorum cursu, dictum iam est.

Cap 2^o

Cur cessent uenti quandoq; moueātur quādoq;. Vnde, & quo tempore quisq; flare soleat. *et de p. v.*

Hic Arist. cessationis uentorum, commotionisq; causas exponit, quinque item zonas declarat.

Porro sol & comprimit, & excitat flatus. Etenim exhalationes, cum imbecillæ sunt, atq; parua tabescit: & ampliore suo calore, earū calorē, qui minor est, discernit, atque dissipat. Adde quod terrā prius asiccat, quàm secretio uniuersa orta sit, haud aliter ac magnus ignis paruū cremabile, si quod inciderit, ante quàm fumum edat, deurit. Ob has igitur causas, non minus sol flatus compescere, quàm quō minus ab initio oriantur obistere solet: nam quia halitus emacerat, uentos ponere facit, quia celeriter terram asiccat, fieri prohibet. Quapropter circa Orionis exortū, & ab eo usq; ad Anniversarios, & Præuios, aër maximè consilescit. Ad summum, uenti tranquillitas duabus de causis prouenire solet. Nam aut quia exhalatio frigoris beneficio extinguitur (ut sit cum ualidum gelu coortum est) aut quia æstus opera elanguescit. Medijs autem temporibus creberrimè cœlum à spiritu silet: aut quia nondum quicquā exhalat, aut quia halitus iam abiit, necdum alius affluit. At Orioni & cum oritur, & cum occidit, incertus, ac difficilis esse propterea uidetur, quòd eius exortus, & occasus tum cum tempora cuariant, commutan

Triginta dies de aëre.

mutanturq; ille æstate, hic hyeme, accidant. Idq; propter syderis magnitudinem, diebus edurat pluribus. Omnium autem mutationes turbulentæ propter uarietate existunt. At Anniuersarij post solstitium, & Caniculae exortum, & non tum cum sol maxime accedit, receditue, aspirare solent: atq; interdiu spirant, noctu desistunt. Causa, quod sol cum proximè est, terram prius asiccat, quam ut ulla oriatur exhalatio. At cum paululum receßit, iam modicus exultat calor adeo ut congelatæ aque deliqueant: & dum terra cum suo, tum solis calore inarescit, in quendam uoluti fumum, & exhalationem transeant. Noctu uero desinunt flare, quoniã tum congelata omnia liquefieri cessant, propter noctium frigus. Cæterum nec id quod gelu induratum est, nec id, quod siccitatis habet nihil, exhalat: sed quod cum siccitate cõiunctam obtinet humiditatem, id cum recalescit, inhelitum reddere solet. Nonnulli autem addubitant quam ob rem Aquilones constantius perflant post æstium solstitium, quos Etesias (id est Anniuersarios) uocant: Austri uero post hybernum nequaquam. Hoc autem minimè alienum à ratione est: nam tempore opposito appellati Leuconotifunt, non tamen adeo continui. Iccirco latentes occasionem præbent inquirèdi. Causa quod Aquilo à locis sub septentrionibus positus ueniat, quæ aquarum, & niuis copiosæ plenasunt, quibus à sole colligatis post æstiuū solstitium potius, quam in ipso solstitio, Anniuersarij flare soliti sunt. Nam & ipsi quoq; æstus ita fieri solent, nō cum sol proximè ad septentriones accedit, sed cum diutius concalescit, & adhuc in propinquo est.

Pari etiam modo Auiculares (quos Græci Ornithias, ab aduentu auis, uocant) post hybernum, æquinoctiū spirare soliti sunt. Hi enim Anniuersarij imbecilli sunt, minores

tamen

tamen, atq; tardius quàm Anniuersarij flare solent: nam septuagesimo die aspirare incipiunt, propterea quòd sol cum procul abest, roboris minus habeat. Non autè similiter continui perflant, quoniā quæ in summa telluris parte iacent, imbecillaq; sunt, ea per id tempus secerni, atq; erui solent: quæ uerò conglatiata sunt, plus caloris desyderāt.

*Pars uera
Solitudo*
Quamobrem hi intermittēdo flare tantisper soliti sunt, quoad rursum Anniuersarij in solstitio æstatis spirēt: quādoquidem ab eo tēpore semper uentus quàm maximè constanter flare solet. Auster autem ab æstiuo solstitio, & non ab altera ur̄sa spirat. Nam cūm terræ habitabilis segmenta duo sint, & altera ad sublimiorem uerticem, qui apud nos est, altera ad alterum, & meridiem posita sit, atque tympani speciem præferat: talem profectò terræ figuram, lineæ à centro ipsius ductæ dissecant, atque turbines duos efficiunt, quorum alter apud tropicum, alter apud semper conspectum uerticem basin, sed uterque in medietate terræ mucronem, obtinet. Eodem pacto ad inferiorem uerticem alij duo turbines telluris dissectiones faciunt. Hæ autem, inhabitari solæ queunt. Nec fieri potest, ut quisquam ultra solstitium incolat, non enim in septentrionem umbræ iacerentur: nunc autem loca prius inhabitabilia redduntur, quàm ut absumantur umbræ, aut mutant semet in meridiem. Pars autem orbis septentrionibus subdita, præ rigore habitari nequit. Fertur etiam Corona quoque ipsa, circa huncce locum: nam nobis supra uerticem esse uidetur, cūm ad meridiei lineā peruenit.

Quo fit etiam, ut hoc tempore telluris ambitus ridiculè depingāt. Nam parti orbis terrarum habitata, figuram tribuunt orbicularem. At hoc fieri nō posse, ratione pariter atque experientia cognitum. Nam quòd in latitudinem

dinem definita sit, circulum tamen continentem præferre per temperiem queat, tum ratio ipsa commonstrat (quippe cum non per longitudinem, sed in latum nimio rigore, atq; incēdio prematur: adeò ut nisi mare nonnusquam loci prohibeat, peruia tota sit) tum ea quæ circa nauigationes, & itinera uidemus. Nam longitudo à latitudine haud parum differt: quod enim à columnis Herculis ad terram Indicam usq; porrigitur, eo quod ab Aethiopia ad Mæotin usq; & extremas Scythiæ parteis pertingit, maius quàm quinq; ad tria est, si quis tam nauigationes, quàm uias, quatenus taliū certitudo sumi potest, metiri uelit. Atqui partem orbis terræ habitatam, in latum ad loca usque inhabitata exploratam habemus. Nam hic, præ frigore, illic præ æstu, habitari præterea nequit. Quæ uerò ultra Indiam, & columnas Herculis iacent, coniungi perinde quasi continens foret tota telluris habitata portio, haudquaquàm uidentur. Cum autem necesse sit ut locus quidam ad alterum polum similiter sese habeat, atq; is quem incolimus ad eum, qui supra nos est, constat quòd ut cætera alia, ita spirituum quoque statio, proportionē respondebit. Quare quemadmodum nobis Aquilo, sic & illis uentus quidā ab ea quæ inibi est uersa aspirat, quē huc penetrare haudquaquàm possibile est: quando ne iste quidem Aquilo, totam quæ apud nos est partem orbis terrarum habitatam, peruadat. Aquilonius nanq; flatus, ceu abterraneus est. At quia hæc habitatio ad septentriones posita est, ideo Aquilo frequentissimè spirat, sed tamen & apud nos deficit, & progredi longè non potest. Quandoquidem circa mare Australe, quod ultra Africam iacet ut hic Aquilo, & Austër spirant, sic illic Vulturius, & Fauonius uicissim absq; inter capedine semper flare solent. Itaq; austrū ab altero polo non uenire,

343

Columnæ
Herculis.India
Aethiopia.
Mæotis.
Scythia.

Aquilus

Africa
Mare australe.

apertum est, quando ne ipse quidem ab hyberno solstitio spiret: nam alium ab æstiuo uenire oporteret: sic enim proportionis ratio exigit. Nunc autem, inde nullus aspirare solet: solus enim unus spirare ex illis locis uidetur. Quare ne cessariò sit, ut uentus qui ab exusta terrarum parte spirat, Auster sit. Locus autem ille, propter solis uiciniam, nullum habet humorem, aut pabulum, quod per liquefactionem flatus anniuersarios committat. Verùm quia locus ille multò amplior est, atq; longè lateq; patet, Auster uehementior, crebrior, & magis æstuosus, quàm Aquilo existit: atq; ille huc magis, quàm hic illud penetrare solet. Quanam igitur Austri, & Aquilonis causa sit, & quonā pacto sese alteruter ad alterum habeant, dictum est.

De uentorum situ, qui sint inter se contrarii: de ipsorum natura, & complexionibus.

CAP. VI.

Hic Arist. de uentorum situ, natura, & complexionibus determinat.

DE uentorum autem situ, qui quibus aduersantur quos simul flare cōtingat, & quos non, tum etiam qui, & quot sint, adhæc de cæteris affectibus, qui in problematis particularibus dicti non sunt, nunc agendum. Situs rationem ex descriptione contemplari oportet. Describatur igitur ut res ipsa clarior euadat, horizon circulus, & proinde rotundus. Intelligendum autem est, alterum ipsius segmentum, quod sub nobis est, habitari: nam & id ipsum ad eundem diuidere modum licebit. Supponatur autem primò, quæ plurimum distant loco, loco contraria esse: quomodo quæ specie plurimum distant, specie contraria sunt. Distant autem plurimum loco, quæ per dimetientem lineam è regione posita sunt. Sit igitur A occidens æquinoctialis: B uerò ei ex aduerso respoudens, oriens æquinoctialis. Sitq; alia diameter, quæ hanc ad rectos secet angulos: cuius pars altera, quæ est G, sit ursa: altera è regione aduersa,

sa, quæ est H, meridies. Item P, æstiuus exortus: E, æstiuus occasus. Porro D, hybernus exortus: C, hybernus occasus. Ducatur autem diameter ab F, ad C: item à D, ad E. Cum igitur quæ plurimum distant loco, contraria loco sint, plurimum autem distant, quæ per diametrum: necessario fit ut flatuum hi inter se contrarij sint, quicunq; per diametrum dispositi sunt. Flatus autem ipsi, iuxta locorum positum uocari hoc pacto solent: ab A, Fanonius, nam A, occidens æquinoctialis existit: à B, Subsolanus, huic contrarius, nam à B, oriens æquinoctialis est, à G, Aquilo & Septentrio, quippe cum hac in parte ur̄sa sit: ab H, Auster, huic contrarius, nam & unde spirat meridies est, & H & G contraria sunt. cum per diametrum distent: ab F, Cæcias, nam F, æstiuus exortus existit, contrarius autem ei est, non qui ab E spirat, sed qui à C, nempe Africus, nam Africus ab occasu brumali mittitur. Hic autem illi contrarius est, nam ab eo per diametrum distat. à D, Vultur̄nus, quippe qui ab exortu brumali uenit, atq; Austro uicinus est. Ob idq; sæpe numero Euronoti aspirare dicuntur. Huic autem aduersatur, non qui à C, nomine Africus, sed qui ab E spirare solet, quem alij Argesten, Olympiam alij, alij Scirona uocant. Hic enim ab occasu æstiuo adflat, & solus Vultur̄no per diametrum respondet. Igitur uenti, tum qui per diametrum dispositi sunt, tum qui contrarios obtinent, hi sunt.

c E z

Sunt

G



H

Sunt item alij, quibus contrarij flatus nulli sunt: ab I quem Thrasciam nuncupant: is enim media regione inter Corū, & Septentrionē spirat. à K, quem Mesen uocant, hic enim inter Septentrionem, & Cæciam est. Cæterum diameter K, iuxta polum semper conspectum esse solet, non tamen exactè sub eo existit. His autē flatibus contrarij nulli sunt, Mese uidelicet (nam à puncto M, spiraret aliquis: id enim per diametrum distat) atq; Thrasciæ: flaret enim à puncto N, quippe cū id ex aduerso respondeat. Nisi ab eo pūcto ueniat, & non longe progrediatur quidam uentus, quā accole Phœniciam uocant. Venti igitur principalissimi, definitiq; hi sunt, atq; hoc digeri ordine assolent.

Cur



Cur autem à septentrionali plaga plures uenti, quam de partibus meridianis prodeat, causa est: quod pars orbis terre habitata ad septentriones posita est, quodq; in eam partem plus aquarum, & niuis, quam in austrinam (propterea quod hæc sub sole, atque eius cursu iacet) depellitur, quibus in terram liquefcentibus & à sole, ac terra incalescentibus, necessario accidit ut exhalatio amplior, & quæ latius diffundi queat, hac eadem de causa oriatur. Sūt autem è flatibus, quos iam diximus, Septentrio propriissime & Thrascias, & Meses, Aquilo. Cacias uero Subsolanus, & Aquilonis communis habetur. Qui à meridie spirat & Africus, Auster. Qui ab æquinoctiali exoritur mittitur atque Vulturnus, Subsolanus. Phœnicia uero

*Cur à Septentrione
plures uenti.*

communiter ad Subsolanum, & Austrum pertinet. Qui ab occasu, & is quem Græci Argestem, nostri Corum uocant, Fauonius. Omnino autem ex hisce, alij Aquilonij, Austrini alij, nuncupari solent. Fauoniani Aquiloni tribuuntur: frigidiusculi enim sunt, quod ab occasu ueniant. Subsolanij Austro: nam calidiusculi sunt, propterea quod ab exortu aspirant. Supta igitur à frigore, & calore, ac æstusdifferentia, spiritus ad hunc nominarunt modum. Ab ortu autem flantes, calidiores sunt ab occasu flantibus: quia sol diutius supra illos sistitur: hoc uero citius deserit, tardiusque cum ad locum accedit. Ventis hunc in modum dispositis constat fieri non posse, ut aduersi simul spirent, nam per diem metientem distant: alter igitur alterius ui pressus, cessabit. At qui non ita fronte aduersa positi sunt, eos simul flare nihil obstat, ut F D. Atque ob id, nonnunquam secundi ambo ad idem signum simul flare, non eodem ex loco, nec flatu eodem, solent. Porro contrarijs temporibus flatus, contrarij maximè spirant. Verbi causa, circa æquinoctium uernum Cæcias, & omnino qui ultra æstium tropicum collocati sunt, circa autumnale, Africus. Item circa solstitium æstium, Fauonius: circa hybernum, Vulturius. Incidunt autem in alios maximè, atque compescunt, Septentrio, Thrascias, & Corus, propterea quod è propinquo ueniunt. Quinetiam hi omnium maximè crebri, ac ualidi spirare solent, & proinde inter reliquos maximè liquidi & illustres existunt. Nam cum de propè maximè spirent, ui sua reliquos flatus sternunt, & discussis nubibus, quæ coalescere cœperant, cælum sudum, apertumque reddunt. Nisi fortè etiam impenditò frigidi sint: tunc autem sereni non sunt. Nam si frigidi magis, quàm uehementes fuerint, prius nubes gelu indurant, quàm ut eas repellere possint.

sint. At Cæcias sercuius non est, quòd in se reflectatur: unde
 & illud prouerbiū dici solet, Vt Cæcias nubem: perinde
 ad se trahens. Porro pro solis discursu uicissitudo spiri-
 tum agi, ipsis in sibi proximos transeuntibus, assolet pro-
 pterea quòd id, quod primordio contiguum est, mouetur à
 sole potissimum. Initium uerò flatuum: ut sol ambit. Flatus
 autem contrarij aut idem, aut contrarium efficiunt. Verbi
 gratia: Humidi, Africus, & Cæcias, quem aliqui uocant
 Hellepontiam. Sicci, Corus, & Vulturnus, quem Subsola-
 num uocant: hic inter initia siccus est, ad postremum aquā
 mittit. Niuālis, Mæses, & Septentrio maximè: nam hi fri-
 gidiissimi sunt. Grandines Septentrio importat, & Thra-
 scias, & Corus. Aestiuosi, Austro, Fauonius, & Vultur-
 nus. Nubibus obducunt cælum: densioribus Cæcias, & ra-
 riusculis Africus. Cæcias, quia & in se reciprocatur, ac re-
 dit, & Aquilonis & Vulturni communis est. Quare, quia
 algidus est, uaporem compingendo, nubes constituit: quia
 uerò ratione loci Subsolanus est, multum materiæ, ac uapo-
 ris, quem propellat, habet. Sereni, Septentrio, Thrascias,
 & Corus. Causa, dicta prius est. Fulgura præ cæteris adue-
 hunt, & hi quos diximus, & Mæses. Nam quia haud qua-
 quam de longè ueniunt, frigidi sunt: frigoris autem opera
 fulgur gignitur, coeuntibus siquidem nubibus, excerni as-
 solet. Quocirca & ex his ipsis nonnulli grandinem affe-
 runt: citò enim in glaciem aquam uertunt. Procellæ autem
 (hoc est uenti, qui excussi nubibus sæuiunt, Ecnephias Græ-
 ci uocant) autumnò maximè, mox uerè: & præcipuè Se-
 ptentrio, Thrascias, & Corus fieri solent. Causa uerò,
 quòd procellæ potissimum fiunt: cum alijs flantibus uentis
 alij ingruunt: id quod isti maximè facere solent. Causa
 etiam huiusce rei antea dicta est. Porro flatus Anniuer-

Epist. Sarii (qui uocantur à Græcis Etesia) transire apud Occidentalis plagæ incolas ex Septentrionibus in Thrascias, Coros, & Fauonios (Septentrio nanq; Fauonius est) consuevere, incipientes ab ursa, desinentes autem in eos, qui longè absunt. Apud Orientaleis, ad Subsolanum usque ambire solent. Sed de uentis, & primaria eorum generatione, & essentia, atq; affectibus tam priuatis, quàm communibus, hæcenus.

De Terræ motu opiniones tres. *De Mete. VII.*

Hic Arist. de terræ motu opiniones refert.

DE concussione autè, ac motu terræ, post hæc agendum: Nam huius affectionis causa, huic eidem generi hæret. Quæ autem de eo ad hoc usq; temporis tradita sunt, tria numero sunt, & à totidem auctoribus prodita. Nam Anaxagoras Clazomenius, & ante eum Anaximenes Milesius, & post utrunq; Democritus Abderita, de terræ motu disseruere. Anaxagoras igitur ætherè, qui sursum ferri aptissimus est, dum se in uenas & cauernas terræ condit motitare terram affirmat. Nam superas telluris partes, coalescere imbrum beneficio, asserit: quandoquidem, natura totam similiter fungosam, laxamq; esse terram prædicat. perinde quasi totius pile pars altera supera, altera infera sit: ac supera, in qua habitamus: infera, altera. Verùm aduersus hanc causam tanquam parum admodum consideratè dictam, nihil dicere fortasse congruit. Nam stultum est arbitrari sursum, ac deorsum ita habere, ut non corpora grauius ad terram undiq; ferantur: & leuia, ac ignis, in superum concedant locum: idq; , cum cernamus circulum, quo pars orbis terrarum habitata, quanta nobis cognita est, definitur, nobis locum ex loco mutantibus diuersum subinde fieri, quia terra gibbosa sit, & in sphaeræ faciem conglobetur. Dicere quoq; ratione magnitudinis suspensam librari
med

344

medio æris tellurem, quati uerò cum ab imo sursum uersus
 ui percussione, quæ per totam meet, impellitur. Præterea,
 nihil meminerunt eorum, quæ circa terræ motus contingere
 solent: non enim regiones quæuis, aut tēpora, id sentiunt
 affectionis. Democritus autem, terram cum aqua referta est,
 & multam insuper pluuialem aquam recipit, ab ea moueri
 dicit: nam ut quæ amplior aduenit, uim asserendo, propter
 ea quod cauernis capi non potest, terram quatere: ita quæ
 locum demutat, atq; aliò transfertur, irrumpendo terram
 agitare, quæ asiccetur, atq; è locis plenioribus in uacua tra
 hat, asserit. Anaximenes uerò, terrā tam cum madet, quā
 cum resiccatur rumpi, & ab hisce fragmentis ingentibus,
 quæ incidere solent, quati dicit. Ideoq; terræ motus per
 squalores, et rursum tempore pluuiæ fieri: nam tellurem (uti
 diximus) per squalores: siccentem rumpi, & per imbreis ab
 aquis præterea madefactam incidere affirmat. At si hoc ac
 cidat, humū refugere in sese plerisq; in locis cerni oportuit.
 Præterea quam ob causam hæc affectio quibusdam in locis
 sæpenumero fieri solet, quæ ab alijs nullo tali excessu dissi
 dent? Atqui, ea dissidere oportuit. Deniq; necesse est, ut qui
 ita existimant semper minus terræ motū fieri, tandemq; ali
 quando terram quati desituram dicant: quod enim decuti
 tur, talem obtinet naturam. Quare si id fieri nequeat: per
 spicuum est fieri non posse, ut terræ motus causa, eiusmodi
 habeatur.

e. s. l. o. i. s. t. r. u. g. i. d. e.

Cayr

Terræmotus causæ & generatio. Et quod ab exhalatione
 procedat, signa decem.

CAPVT VIII.

Verum cum constet necessarium esse, ut ab humido, & à secco halitus prodeat, id quod antea diximus, neces
 sariò fit, ut hisce in rerum natura existentibus terra intre
 miscat. Nam terra per se quidem, arida existit: at ra
 tione declarat.

Hic Arist. ter
 ra motus, cau
 sas, & acciden
 tia, itemq; ex
 halationis signa

e E 5

tione

tione imbrum, multum in se continet humoris, adeò ut cum ipsa tam seruore Solis, quam suo incalescit, multum spiritus intrà, extràq; gignatur. Atq; is interdum quidem extrà totus continenter effluit, interdum autem intrò influit: nonnunquam uerò et in partem distribui solet. Itaq; si hoc aliter habere nequeat, quod consequens est, considerandum fuerit, nempe qualemnam ex omni corporum numero uim mouendi præcipuam obtineat. Necesse est enim, ut id, quod longissime progredi natum est, atq; uehementissimum existit, potissimum tale sit. Quod igitur celerrime fertur, id necessario uehementissimum existit: quippe cum præ celeritate maxime percutiat. Quod uerò transire per totum maxime potest, id longius progredi aptum est: cuiusmodi autem est, quod tenuissimum est. Quare si natura spiritus talis sit omnium corporum maxime spiritus facultatem obtinet mouendi. Etenim ignis, ubi spiritui admiscetur, fit flamma, atq; celeriter fertur. Igitur neq; aqua, neq; terra, causa tremoris esse potest, sed spiritus, ubi scilicet, quod extrà exhalat, intrò influit. Vnde fit, ut plurimi maximiq; terræ motus, cælo trāquillo fiant, nam exhalatio, quæ continens, ac perpetua existit, ut plurimum initij motum sectari solet. Quare tota simul aut intrò, aut extrà contendit. Quod autem aliqui terræ motus flante etiam uento fiant, nihil absurdum (nam interdum pluribus uentos simul flare uidemus, quorum ubi alter terram subierit, terræ motus spirante uento accidet) minores tamen euadunt hi, propterea quod eorum causa, atq; principium diuisum, distractumq; sit. Porro noctu sæpius, ualidiusq; terra quatitur. Cum autem interdiu, id circa meridiem accidere solet: nam ut plurimum meridies partium diei tranquillissima existit: quippe Sol cum maxime euincit, exhalationem in terram dissoluere solitus

*Terra nocte
sed p̄p̄uati die
quati*

348

litus est: euincit autem maximè circa meridiem. Item noctes, diebus tranquilliores, propter Solis absentiam, existunt. Quare rursum, intrò spiritus influit: quomodo aquarum influxus in contrariam atq; effluxus partem fieri assolet. Et propinqua luce creberrimè: etenim spiritus tunc incipere flare nati sunt. Si ergo flatuum initium intrò Euripi more commigret, propter copiam, ualidissimum excitat terræ motum. Præterea ualidissimi terræ motus circa ea loca fiunt, ubi mare fluidū est, aut regio fungosa est, atq; subterraneis cauernis abundat. Quamobrem & circa Hellespontum, Achaïam, Siciliam, & Eubœeam tellus uehementissimè quatitur: nam circa ea loca, mare terram fistulis ueluti quibusdam subire uidetur. Quocirca & calidæ balneæ, quæ circa Aedepsū positæ sunt, à tali causa prouenire. Circa prædicta autem loca, terræ motus maximè fiunt, ob angustiam. Nam spiritus uehementior factus, qui profectò è terra efflare natus erat, in terram rursum propelli, ob occurrentis maris copiam, assolet. Atq; regiones omnes, quæ subterraneas partes inaneis, atq; fistulosas obtinent: cum magnam spiritus copiam admittant, crebrius mouentur. Et autumnio, ac uere maximè: item per imbreis, & squalores haud alia de causa fiunt. Hæc enim inter anni tempora flatuosissima sunt. Nam æstas, & hyems, aëris immobilitatem (hæc rigoris causa, illa æstus) aduehant: etenim hyems, per quam algida est: æstas impendit arida. Atq; per squalores, aër spirantior est: nam tum demum squalor est, cum siccus terræ anhelitus humido copiosior exultat. Tempore autem pluuio terra quatitur, tum quia exhalatio in terra amplior reddi solet, tum quia talis secretio ut loco angustiore capitur, ita minorem in locum protrudi, repletis nimirum aqua terræ cauernis, assolet.

*Turisy**Hellipontum
Achaia.
Sicilia
Eubœa**Bathus
Aedepsus*

let. Cum enim uincere coeperit, propterea quod licet ampla sit, in exiguum tamen locum impacta est. tum uentus fluens, ac terrae sese applicans, eam ualide motitat. Nosse enim oportet, ut nostro in corpore flatus inclusi uis tam tremorū, quam pulsuum causa existit, ita & in ipsa quoque terra flatum similes praestare effectus, atque à terrae motibus, alium esse ueluti tremorem, alium ueluti pulsuum. Et qualia per corpus saepe contingere reddita urina solent (sit enim ueluti tremor quidam, nimirum uniuerso spiritu extrinsecus intro sese condente) talia etiam circa terram fieri. Sed quantas spiritus uircis habeat, non solum ex hisce, quae in aëre sunt, contemplari oportet (nam hic spiritum suam magnitudine talia committere posse, existimauerit quispiam) uerum etiam ex hisce, quae in corporibus animantium fieri solent. Nam & conuulsiones, & distentiones neruorum, spiritus motiones sunt: tantum autem roboris habent, ut etiam si multi simul conantur allata ui reprimere aegrotantium motum, tamen euincere nequeant. Idem in terra quoque ipsa fieri (ut rem magnam paruae conferam) intelligendum est. Harum autem rerum indicia, uel ad oculum ple-risque in locis facta fuere. Iam enim motus terrae quibusdam in locis factus, non antè desijt, quam uentus ille, qui permouerat, facta eruptione in locum terra sublimiorem apertae procellae modò exierit. Id quod etiam circa Heraclēam Pontici nuper accidit, & prius circa Hieran insulam, quae una

Harum
Saepe
est
ex
his
quae
in
hisce
locis
facta
fuere.

Quoniam

Italia

est ex ijs, quas Aeolias insulas appellant: in hac enim pars terrae intumescerebat, assurgebatque cum sono in tumuli speciem quo tandem disrupto multum spiritus prodijt, qui scintillam, cineremque sustulit, ac Liparæorum urbem, quae haud procul aberat, totam in cineres redegit, & ad quasdam Italiae urbes accessit, atque isto etiamnum tempore, ubi illa

ign

ignium euomitio contingit apertum est. Etenim hanc esse causam ignium, qui in terra fieri solent, arbitrandum est: nempe spiritus collisi in cusionem, discerpto prius in exigua frustra aëre. Quòd autem spiritus sub terram fluant, argumento uel id esse potest, quod circa hasce insulas fieri solet. Cum enim flaturus est Auster, prius quàm cœperit, denuntiat: nam loca ea, è quibus illæ flammæ eruptiones fiunt, resonare solent: quòd è longinquo propelliam mare cœperit, & ab eo id quod è terra efflaturum est, rursum intrò compellatur. Quà autem accedit, hanc sonum sine motu facit, tum propter locorum amplitudinem (nam intrò subiens in immensum diffunditur) tum propter aëris repulsi exiguïtatem. Præterea Solis caligo, & obscuritas sine nube proueniens, & uenti tranquillitas, atq; frigus acre, quæ nonnunquam ante matutinos terræ motus accidere solent: causæ prædictæ indicio sunt. Nam & Solem caliginosum, obscurumq; fieri, & cum dies instat, atq; diluculum appetit tranquillitatem, atq; frigus oboriri, incipiente condit in uenas terræ spiritu, qui uim dissoluendi, discernendiq; aërem obtinet, necessum est. Quandoquidem tranquillitas parte plurima (quemadmodum etiam prius diximus) accidit: quia spiritus intrò ueluti refluit. Et magis, ante maiusculos motus. Nam spiritu cum non partim intrò, partim extrà distrahitur, sed uniuersus conditur; necessario accidit ut plus roboris, ac uiriû habeat. Frigus uerò propterea quòd exhalatio, quæ per se suapte natura calida est, intrò conuertitur. Non uidentur autem uenti esse calidi perinde ut neq; spiritus ille, qui per os efflari solet: quoniam aërem mouent, qui uapore frigido, coq; multò resertus est. Is enim è propinquo quidem calidus est, qualis etiam est cum exhalamus, uerum propter exiguitatē non æquè percipi potest: è long

è longinquo uerò frigidus, eadem qua uenti causa. Deficiente igitur in terram tali uirtute, uapida effluxio humiditatis ratione coiens frigus importat, in quibus locis eiusmodi affectum fieri contingit. Hæc eadem etiam causa est, & eius signi, quod nonnunquam præcedere motu futuro consuevit: aut enim interdiu, aut paulò post occasum, sereno, ceu tenuis linea nubis in longum porrecta spaciū uisitur, nimirum languescente spiritu propter demigrationem. Nec absimile in ipso quoq; mari circa littora euenit: nam cum mare fluctuosum exundat, fluctus qui littore frangi solent, admodum crassi & obliqui redduntur: cum uerò sopitum est, propter exiguam secretionem tenues ac recti. Quod igitur mare circa terram, id status circa caliginem, quæ in aëre est efficit: adeò ut cum cœlum tranquillum fuerit, nubes quæ ueluti fluctus aëris existit, modis omnibus recta, tenuisq; relinquatur. Hac eadem etiam de causa nonnunquam accidit, ut circa lunæ defectus, terra quatiatur. Cum enim iam terræ obiectus instat, & nondum prorsus lumen deficit, nec calor à Sole profectus ab aëre recessit, sed iam emarcescere cœpit, tranquillitas oboritur, commigrante in terram spiritu, qui ante lunæ defectus motum terræ committit (nam uenti quoq; sæpe ante lunæ defectus excitantur) initio quidem noctis cum defectus medio incipit noctis, medio uerò cum manet. Id autem euenire propterea solet, quod calor lunæ hebetatur, cum cursus iam proximè est quo defectus exultet. Remisso itaq; calore, quo retentus aër quiescit, rursum moueri, ac spiritus reddi pro defectionis tarditate tardius incipit. Cum autem ualidus terræ extiterit motus, nec illico, nec funditus quaterere desinit: quinimo non ante quadraginta dies sistitur, plerunq; & tardius: utpote cum quidam annuo, & bieneij spacio circa eadem loca uigeat,

geat, duretq; Porro tam spiritus multitudo, quam forma cauernarum, uel cluniculi per quem meat, magnitudinis terræ motus causa existit. Quæ enim spiritus resultat, nec facile penetrare potest, & maxime quatit, et in specuum angustijs intercludatur aquæ modò, quæ pertransire non potest, necessarium existit. Quocirca ut in corpore pulsus non repente nec subito sedari, sed paulatim clanguescente affectione solent, ita nec origo ipsa, à qua exhalatio prodijt.

Quin in aperto quoq; est, spiritus delationem non protinus omnem absumpsisse materiam, ex qua uentum illum concreauit, quem σεισμός, hoc est terræ motum nuncupamus. Quod igitur quantum spirituum superest insumptum sit, terram quati, sed leuius, & eò usq; dum id quod exhalat minus sit, quam ut ingenuè mouere queat, necesse est. Porro spiritus sonos eos facit, qui sub terra fiunt, quique terræ motus præcedere solent. Quin & sine motu, iam alicubi sub terra factus est sonus: nam ut aër cum flagellatur uarios edit sonos, ita etiam cum ipse percutit, multiplices sonorum differentias affert: nihil enim interest, hoc, an illo afficiatur modo, quippe cum omne, quod percutit, simul & ipsum percuti soleat. Præcedit uerò motum sonus, quoniam subtilis est, atq; penetrare melius, quam spiritus potest. Cum autem minor est, quam ut terram mouere propter suam tenuitatem queat, quia facile percolatur, transmittiturq; mouere terram nequit: quia uerò feruet contra solida, cauâq; corpora, & uarias cauernarum figuras, uarias edere uoces assolet, adcò ut nonnunquam (id quod etiam portentorum scriptores aiunt) terra mugire uideatur. Iam uerò & aquæ eruperunt, dum terra quateretur. At nequaquam ob id aqua, motionis causa existit: sed siue in summa telluris parte sit, siue

Terra mugit.

ab imo ui spiritus effratur. spiritus id est, quod mouet: quomodo uenti, fluctuum: non fluctus, uentorum causæ sunt: quandoquidē uel sic quispiam terram esse huiusce affectionis causam dicere posset. Siquidem terra dum quatitur, aquæ modò subuerti solet: animum nanq; effluxio, non nisi subuersio quædam existit. Verùm ambo isthæc terra, inquam, & aqua, causæ ut materies sunt: patiuntur enim, non agunt: spiritus uerò, ut principium. Vbi autem inundatio simul, cū terræ motu accidit: spiritus ex aduerso flantes in causa sunt. Id uerò fit cū spiritus, qui terram quatit, mare ab alio spiritu delatum repellere nequit omnino, sed propellendo, ac in unum contrahendo, magnam uim maris colligit: tunc enim hoc spiritu cuius, uniuersum à contrario spiritu pulsum erumpere, ac diluuium facere necesse est. Id quod circa ipsam quoq; Achaiam accidit. Extrà nanq; flabat Auster, intrà Aquilo: cū autem facta fuit tranquillitas, et uentus intrò fluere cœpit, unà cum inundatione etiam terræ exitit motus: & eo præsertim, quòd mare nullum spiritui sub terra debacchanti respiraculum, nullamq; diffationē concedebat, imò obstipabat, intersepiebatq;: nam se mutuò oppugnando, spiritus motum terræ fecit, fluctus diluuium. Fiunt etiam particulares quidam terræ motus, et plerunq; non ultra paruum procedentes tractum: uenti uerò nulli. Particulares, inquam, cū exhalationes proprii, uiciniq; loci in unum coiērint, quomodo squalores, imbreisq; particulatim fieri diximus. Et quidem terræ motus ad hunc fieri modum solent, uenti minimè. Nam subterranea principatum obtinent, ut ad locum unum omnes contendant exhalationes. Sol uerò non æquè facere potest ut omnes, sed magis quæ suspensæ in acere sunt, cū iam principium sui cursus à Sole pro lacorum differentia cœperint, in unum fluant.

*Inundatio
causa est
terrae motu.*

*Admirationem
causa est
lunaria.*

351

fluant. Quoties igitur spiritus est multus, terram in latum tremoris instar mouet. Fit autē & quibusdā in locis terrae motus, sed raro, ueluti pulsus: cū assurgens intumescit, alternoq; motu residet. Quocirca & rariusculē ad hunc quatit modum: haud enim facīle fit, ut adeo multum coeat principium: quippe cū exhalatio in longum multo plus quā in crassitiem digeri soleat. Vbi autem motus terrae factus est eiusmodi, copia lapidū, eorū in morē, qui in cribris emergūt, per summa telluris iacet. Siquidē terrae motu ad hunc modū factō, Sipylus uocatus Phlegraeus ager, & regio Ligustica, euersa fuerūt. Porro insulae procul in alto posita, minus quā quae cōtinenti uicinae sunt quati solent. Nam maris copia exhalationes refrigerat: nec non suo pōdere obstat, quominus quatiantur, uimq; infert. Præterea mare flatibus cuiusmodi fluit: non quatitur. Item quia mare, magnū occupat locum, haud ad hoc, sed ex hoc ueniunt exhalationes, quas quae ē terra oriuntur, comitari assolent. Insulae autē illae, quae cōtinenti uicinae sunt, cōtinentis portio sunt, & proinde quati solent, quando mare, quod insulas illas, cōtinentemq; interiacet, prae sua exiguitate uircis nullas habet. At quae sunt in medio mari posita, nequaquam absq; toto mari, quo ambiuntur, moueri possunt. Igitur de terrae motibus, & quenam sit eorū natura, & quam ob causam fiant, item de ceteris, quae circa ipsos accidunt, ijsq; maximis, dictum est.

De Tonitru & Fulguratione ceterum opinionones.

CAP. IX.

DE Tonitru autem, & Fulgure, & insuper de Vortice, qui Typhon uocatur, id est uibratus, & Turbine accenso, quem Graeci Praeterea nuncupāt, & deniq; de Fulminibus, dicamus oportet: nam horū omnium idem esse

Hic refert Arist. ueterū de tonitru, & fulgure, opiniones.

quodammodo uelut F. princi

principium, existimandum est. Cum enim (uti diximus) duplex sit exhalatio, altera humida, altera sicca, cumq; ipsa concretio hæc ambo potentia habeat, & in nubem consistat (quemadmodum antea dictum est) & insuper cum nubium constitutio apud supremum finem densior euadat (quæ enim calor sequestratus superiorem in locum deficit) hanc constitutionem densiorem esse, frigidiorcmq; necesse est. Quocirca & Fulmina, & Procellæ, & omnia generis eiusdem, deorsum feruntur. Atqui calidum omne, in sublime, suapte natura scandit. Verum expressionem fieri in contrariam densitati partem, necessariū existit, quomodo nuclei, qui è digitis elabuntur, exprimi solent: hi enim quavis pondus habeant, tamen sursum, plerunq; feruntur, calor profecto qui excernitur, in superum spargi locum assolet: quantum autem aridæ exhalationis in mutatione frigescētis aeris intercipitur, id coeuntibus nubibus excernitur: quod cum ui feratur, & ambientibus nubibus incurrat, ictum facit, cuius sonitus tonitru nuncupari solet. Efficitur autem ictus, haud aliter (ut parvæ affectioni magnam conferam) quam qui in flamma fit sonus: quem alij Vulcani risum, alij Vestæ, nonnulli horum minas uocant. Fit autem cum exhalatio in flammam conuersa, disrumpentibus sese lignis, atq; siccentibus, exilit. Sic enim & spiritus secretio, quæ in ipsis nubibus fieri solet, cum nubium densitati ingruit, tonitru excitat. Varij autem, ac multiformes soni fiunt, tum propter nubium inæqualitatem, tum propter cauernas, quæ intermediae sunt: quæ densitatis continentia deficit. Tonitru igitur id est, atq; ex hac causa fit. Spiritus autem qui extinguatur, ferè cōflagrat tenui, & imbecilli ardore: atq; id est, quod uocamus fulgetrum, quo ceu tinctus uidens spiritus uideatur. Fit autem post ictum,

atq;

atq; tonitruum : sed prius cerni , quàm tonitruum audiri
 assolet : quoniam aspectus auditum antecertit. Id quod

remigatio triremiū declarat: cū enim iam rursus remos
 nautæ referunt , primus remigij sonus ad aureis peruenit.

Quanquàm quidam aiunt haudquaquam ignem intra nu-
 bes gigni. Hunc autē Empedocles quidem id esse inquit,

quod ē solis radijs intus circūuenitur, coërceturq; . Ana-

xagoras uerò, quod ē superno æthere, quem ille ignem uo-
 cat, deorsum ē sublimi descitur. Itaq; splendorcni huiusce
 ignis, fulgetrum: sonitum uerò, atq; stridorem, quem facit,
 cū intra nubes extinguitur, tonitru esse dicunt, tanquam

sicut prius fulgetrum fieri , quàm tonitruum uidetur . ita
 etiam prius fiat. At illa ignis interclusio , utroq; quidem

modo à ratione remota est : sed magis superni ætheris de-
 tractio. Nam dicenda causa est , cur quod sursum ferri

aptissimū est, deorsum firatur: & quàm ob rem id in cœ-
 lo fiat tantummodo, cū nubilum est, nec id tamen assidue

cū ita est affectum, cœlo uerò sereno non fiat: siquidē il-
 lud leuiter dictū modis omnibus uidetur. Pari modo & il-

lud quoq; dicere inquam radiorum solis calorem, qui in
 nubibus inhibetur, atq; detinetur, esse harum rerū causam

haudquaquam probabile existit : etenim hæc ratio osci-
 tanter admodum redditæst. Nam & à tonitru , & ful-

getro, & cæteris generis eiusdem, causam semper esse di-
 scretam, atq; distinctam, & sic illa fieri, necesse est. At il-

lud plurimum ab hoc discrepat: simile enim est atq; si quis
 putet aquam, niuem, & grandinem, cū antè in nubi-
 bus essent, postea excerni, & non fieri : quasi ad manum

ficiente semper concretionē unumquodq; egrum : nam
 pari ratione hæc, concretiones : illa, secretiones esse exi-
 stimandum est. Quare si ex hisce altera non fiant , sed

sint, utrisq; eadem accommodabitur ratio. Item cur caloris in nubibus interceptionē diuersiorem esse dixerit quispian, quam ut in hisce quæ densiuscula sunt? Atqui aqua à sole, & igni calefit, sed tamen cū rursū coit, & inalgescendo densescit, nullam talem fieri excidentiam cōtingit, qualem illi prædicant: quanquā eam fieri oportuit, pro magnitudinis ratione. Atq; spiritum, ignis opera in aqua genitum, seruiorem facere, qui ut insit prius, nec fieri potest: nec illi sonitū seruiorem esse statuunt, sed stridorem. At stridor, nō nisi paruus seruior est: quo enim id quod incidit dum extinguitur evincit, ac superat, hoc seruiendo sonitum edit. Sunt etiam qui fulgur, quemadmodū & Clidemus, haud esse dicant, sed apparere, per similitudinem dicentes, quasi affectio similis sit: ut mare cū uirga percutitur noctu, resplendere uidetur, sic humorē cū in nebula flagellatur, fulgoris apparentiam, quæ nō nisi fulgetrum est, ingerere. Verū hī nondum uersati fuerant in opinionibus, quæ de refractione sunt, quæ quidem eiusmodi affectionis causa esse uidetur. Nā aqua dum percutitur, fulgere uidetur, refractio ab ea ad quippiam lucidū aspectu. Quamobrem noctu magis, quā interdiu, fulgurat: nā interdiu nō apparet, propterea quod maius diei lumen illud offuscat, & habet. Igitur hæc sunt, quæ de tonitru, & fulgetro ab alijs dicuntur, alijs fulgetrū quidē esse refractionem, alijs fulgorē dicentibus: tonitru uerō extinctionē ignis, nō qui per singulas affectiones nubibus innascatur, sed qui insit. Nos autem super terram uentū, in terra terræ motū, in nubibus tonitru, eandem esse naturā dicimus. Nam hæc omnia, idem essentia sunt, nempe exhalatio arida, quæ cū modo quodam fluit, uentus existit: cū autem isto, motus terræ facere solet: cū autem in nubibus mutationem

tionem subiens excernitur, coëuntibus ipsis, & in aquam con crescentibus, tonitrua, & fulgura, & insuper cetera alia, quæ eiusdem cum hisce naturæ sunt. Atq; de tonitru, & fulgure, dictum iam est.

ARISTOTELIS

METEOROLOGICORVM

LIBER

III.

Ecnephiæ & Typhonis causæ: eorū generatio & differentia: & fulminum species.

CAPVT I.



DE reliquis autē secretionis huiusce operibus, modo quo iam ceptum est, dicamus oportet. Nam flatus iste, qui excerni solet, cū in parteis exiguas, sparsimq; diffunditur, & sæpe fit, ac perflat, necnon subtilior est, tonitrua, & fulgura edit. At si uniuersus & densior, minus autem subtilis expressus fuerit, Procellā gignit, quæ uocatur à Græcis Ecnephas. Quo fit, ut etiam uehemens existat: nam excretionis celeritas, robur aduehit. Cū igitur magna, & continens secretio fuerit consecuta, tum profectò idem accidit, quod cū rursum aduersam in partem halituum copia tetēderit, euenire assolet: tum enim pluuia iugis, multa q; fit. Itaq; hæc ambo in materia, potentia insunt: & quidem cū utriuslibet facultatis principium factū est, quod ē materia coëxcernitur, cuiuscunq; copia maior fuerit abundantius subsequi assolet: fitq; huius exhalationis pars altera, imber: illius altera, Ecnephas. Cū autem flatus, qui in nube erat excretus, alteri incurrando repercutitur, perinde ut cū ex lato in angustam adigitur uentus in portis, uisq;

Hic Arist. de ecnephia, & typhonis causis, eorūq; generatione, & differentijs, atq; de fulminum speciebus determinat.

f F 3 (nam

(nam repulsa prima corporis ad hunc modū fluentis, parte, propter eā quod illa nequaquam cedāt, aut ob loci angustias, aut quod in frontem aliquis alius afflet spiritus, in istiusmodi locis flatus circulum, uertiginemq; fieri saepenumcro accidit: siquidem aliud ne ulterius procedat arceat, aliud à tergo impellit. Quare cogitur in latus, quā nimirum parte nō prohibetur, sese uertere: atq; ita semper quod proximum, continuumq; est, quousq; unus euadat. Hoc autem, circulus est: cui enim figuræ unica latitudo competit, eam ipsam circulum esse necesse est) ob id proflēt uertigines in terra, & in nubibus similiter iuxta principium fiunt. Nisi quod quemadmodū cūm Procella fit, semper nubes excernitur, atq; continuus cooritur uentus, ita hīc semper nubis continuū subsequi solet. At ob nubis densitatem impotēs ab ipsa flatus secerni, in orbem primò cōuertitur, ob eam quam diximus causam. In præceps autem fertur, quia continuē nubes densantur qua parte calor excidit. Quare hæc affectio, si coloris expers fuerit, uocatur Typhon, qui quidem uētus est, ueluti Ecnephias, inconcoctus. Non fit autem Aquilonijs Typhon: nec niue iacente Ecnephias, propter eā quod hæc omnia flatus existunt. Flatus uerò, non nisi calida, siccaq; exhalatio est. Igitur gelu, atq; frigus quia euincunt, principium ipsum cūm adhuc fit, statim extinguunt. Quod autem euincant, dominanturq; palam est: nō enim esset nix, neq; partes ad Aquilonē posite humerent: quippe cūm hæc uincente frigore, accidāt. Fit itaq; Typhon, cūm Ecnephias statim ab ortu excerni è nube non potest. Est autem ob uertiginis obliuionem, cūm ad terrā conuolutio ipsa delabitur, quæ secum aliquid abreptum è nube defert, à quo absolui non potest: Quā autē tramite directo procedit, eā flatu agitatur:

atq;

356

atq; motu in circulum facto cuiusq; rei impetu uiolento ingruerit, eam contorquet, sorbetq; in excelsum. At spiritus, qui è nube detrahitur, ardens, accensusq; dum fuerit, quod quidem accidit, si tenuior efficiatur, Præster uocatur, hoc est incensio: incendit enim simul aërem, adeò ut ardore ipsum inficiat. Quòd si ex ipsa nube multus, ac tenuis expressus fuerit flatus, is fulmen exultat: quod si admodum tenuè fuerit, sed præ tenuitate non adurat, illud est quod Poëtæ Arges (id est clarum) uocant: si uerò minus adurat, quod Psoloën, quasi dicas si midum. Nam illud ob essentiae tenuitatem, fertur: at ob motus celeritatē antè penetrat, quàm ut adurat, & mora facta infuscet: hoc autem cum sit tardius, inficit quidem, non autem adurit, sed penetrare anticipat. Quocirca & quæ obsistunt, quippiam pati solent: quæ minime, nihil. Verbi causa, iam æs, quo scutū integebatur, liquatum fuit: lignū uerò nihil sustinuit: nam propter ligni raritatem, præ spiritus percolatus fuit, atq; transmissus, quàm ut lignū affici ullo pacto quinerit. Per uesteis quoq; pari modo transiuit, quas nō adusit, sed protriuit. Quare hæc omnia flatus esse, uel ex talibus constat. Licet autem oculis quoq; ipsis interdum contēplari: id quod nuper fecimus in templi Ephesini conflagratione. Tunc enim flamma seorsim reuulsa, multas in partibus continua ferebatur. Fumum, spiritum esse, ac ardere, apertum est, & alio loco antea dictum. Eam autem uniuersim abscedit, tum esse flatus apertè uidetur. Quod igitur in paruis rogis fieri uidemus, hoc idē uel tūc, multa nimirum ardēte materia lōgè ualidius, sicbat. Ruptis itaq; lignis, unde spiritus origo, atq; initium erat, multus: quæ parte efflabat uniuersim secedebat, & ardens in sublimē ferebatur. Quare, flāma ipsa ferri, & incidere in domos

*Templ' ephesini
conflagrante*

uidebatur. Semper enim spiritum fulmina præcedere, comitariq; putandum est: sed non cerni, quia coloris expers sit. Ideoq; quati prius omne, & afflari, quàm percuti: ut pote cùm spiritus ocior fulmine sit. Quinetiam tonitrua findunt, dissipantq; non sono, sed spiritu. Nam spiritus tam sonum, quàm ictum efficiens, unà cum illis excernitur: qui si percutiat, findere, non urere solet. Verùm de tonitru, fulgure, & Ecnephia, tum etiam de Præstere, Typhone, & fulmine, & quòd omnia idem sint, & quænam ipsorum omnium inter se differentia sit, dictum est.

per Area sine Corona, & Bacillis, & V. & G.
Halonis causæ, generatio, & accidentia.

CAP. II.

Hic Arist. de halonis sine area generatione, causa, & accidentibus deter-

DE Area autè, siue corona, & Arcu cœlesti, & quid utrinq; sit, & quàm ob causam fiat, item de Parelijs, & Bacillis, dicamus: nam hæc omnia, eisdem de causis evenire solent. Primùm autem sumamus oportere affectiones, & quæ circa unūquodq; ipsorum accidunt. Area igitur plerūq; cōpleta circuli forma cernitur, sitq; circa solem, lunāq; & splēdida astra. Præterea non minus noctu, quàm interdiu: & horis antemeridianis, quàm postmeridianis: mane uerò, & circa solis obitū, rarius. At arcus cœlestis, nec unquā circulus euadit, nec maior, quàm dimidia circuli forma sectio. Et occidente, & oriente, minimi circuli maximus ambitus: cùm autem eleuatur magis, circuli maioris minor ambitus. Item post autumni æquinoctiū, die decrescente, quacunq; hora sit: æstate uerò per meridiem non cernitur. Nec unquam plures simul quàm duo, fiunt. Horū autem, quamuis uterq; tricolor sit, atq; eosdem, pariq; numero ac reliquis colores habeat, tamen qui in exteriore sunt, obscuriores habentur, atq; ordine cōtrario positi. Nam arcus interior primā, quæ maxima est, circumferentiam, puniceam gestat: exterior ultimam, quæ minima est,

*† Jovis solis. 7
4 Cap. 5.*

est, sed illi proxima: atq; reliquas proportionabiliter. Cæterum colores hi sunt, quos Jovis solos facere pictores nequcunt: hi enim quosdam aliorum mistura faciunt. At puniceus viridis, & purpureus, nequaquam hoc pacto fiunt: hos autem colores arcus habet. Qui autem puniceum, & viridem interiacet, is plerumq; flauus apparet. Parelly autem, atq; Virgæ, ex obliquo semper effici solent: & nec supra solem, nec infra prope terram, nec è regione, nec etiã noctu, sed semper circa solem. Propterea aut ascendente, aut descendente: occidente, frequenter: coeli umbilicũ per reptante, rarò: id quod in Bosphoro aliquando accidit. Nã coorti duo Parelly, ab matutino tempore durauerunt in occasum. Quæ igitur circa eorum quodq; accidunt, hæc sunt. Horum autem omnium una, eademq; causa est: nam hæc omnia, refractione sunt: differunt tamen modis quibus fiant, & in hoc, nempe à quibus, & quomodo refractione solem uersus, aut aliquid aliud lucidum fiat. Item arcus inter diu quidem fit: noctu uerò, à luna scilicet, ueterum quidem sententia minimè fiebat. Hoc autem illis accidit, propter raritatem: eos enim latebat. Fit tamen, sed rarò. Causa, quòd colores in tenebris lateant, quodq; alia multa concurrere, eaq; omnia una die mensis, oporteat: nam plenilunio fiat, si futurus sit, necesse est: atq; tunc, oriente, aut occidente luna. Quam ob rem in annis supra quinquaginta, bis tantum in eum incidimus. Quòd igitur ut ab aqua, ita etiam ab aëre, cæterisq; omnibus, quæ superficie leki constant, refrangatur aspectus, ex hisce quæ circa aspectum demonstrantur, sumenda fides est, quodq; in quibusdam speculis non modò colores, uerum etiam figuræ appareant, in quibusdam uerò colores solum. Eiusmodi autem sunt, quæcunq; exigua sunt, & sensilem diuisionẽ

sionem nullam habent. Nam fieri non potest, ut in hisce figura appareat, uideretur enim esse diuisibilis: nam figura omnis simul & esse figura, & omni ex parte diuidi posse uidetur. At cum quippiam in alijs apparere sit necessum, figuram autem impossibile sit, reliquum est profectò ut color solum appareat. Porro splendorum color interdum splendidus apparet: interdum uerò, aut quia cum speculi colore permiscetur, aut quia respectus infirmus est, alterius coloris ingerit phantasiam. Sed de his in hisce, quæ de sensibus demonstrantur, sit à nobis consideratum. Proinde ex hisce alia dicamus, alijs uti ueris utamur.

Halonem esse circulum: & quid denuntiet.

CAP. III.

Hic ostendit Arist. arcam esse circulum, quidque denunciet exponit.

Primam autem de Arcæ figura, & cur circulus euadat, & cur circa solem, lunamque, & cōsimiliter circa aliquod aliud astrum cerni soleat, dicamus: nam omnibus eadem accommodabitur ratio. Fit igitur aspectus refractio, cum uapidus aer in nubem concresecit, dummodo consistens æquabilis sit, ac partibus cōstet exiguis. Quamobrem cum uapor consistit, aquæ signum datur: cum uerò dissipatur, aut emarcescit, minimè. Nam cum dissipatur, flatum: cum uerò emarcescit, serenum indicat. Si enim uapor nec emarcescat, nec dissipetur, sed suam sortiri naturam sinatur, merito aquæ signum existit: quando iam talem fieri consistentiam indicat, ex qua ad aquam uenire densatione continentiam accipiente, necessum sit. Vnde etiam fit, ut hi uapores omnium maximè colore atro sint. At cum dissipatur, flatum portendit. Nam uaporis diductio à flatu fit, qui iam quidem est, nondum tamen apud nos excurrit. Cuius rei indicium est: quòd unde præcipua dissipatio fit, hinc flatu, accedit. Cum uerò emarcescit, serenitatem: nam si aer nullo pacto ita sese habeat, ut quem in se continet calorem

calorem euincat, & in pluuiam densitatem ueniat, constat exhalationis partem humentem, ac frigidam ab arida, & ignea nondum esse sequestratam: quod serenitatis causa existit. Itaq; quo pacto habente aëre refraction fiat, dictum est. Refrangitur autem aspectus à caligine, quæ circa solem, lunam uel consistit. Quocirca Arca non è regione, perinde ut Arcus, apparet. Cùm autem æquo undiq; modo refrangitur aspectus, circulum exultare, aut certè circuli partem necesse est. Nam lineæ æquales ab eodem puncto ad idem punctum ductæ, semper supra circuli lineam frangentur. Sit enim à puncto A, uersus punctum B, fracta linea ACB, & linea AFB, & linea ADB: sintq; æquales inter se hæ, AC; AF, AD: & quæ ad B se conferunt, nempe CB, FB, DB, itidem inter se æquales, atque producatæ linea AEB. Quare trianguli æquales, similesq; sunt: quippe qui super æqualem lineam AEB, consistunt. Ducantur autem ex angulis ad lineam AEB, perpendiculares: ab angulo C, perpendicularis CE: ab angulo F, perpendicularis FE: ab angulo D, perpendicularis DE. Hæ itaq; inter se æquales sunt. Nā in æqualibus



bus triāgulis, & uno in plano, omnes cōstant: omnes enim sese ad rectos angulos lineæ A E B, in uno puncto scilicet E, iungunt. Igitur descripta lineæ, circulus erit: centrū uerò, E. Sit autem punctum B, sol: punctum A, aspectus: circumferentia C F D, nubes, à qua solem uersus refrangitur aspectus. Specula etiam continua intelligere oportet. Verum singula ob paruitatem inuisibilia sunt: quod autem ex omnibus constat, unum esse uidetur, quia ita digesta sunt, ut unum deinceps post alterum sit collocatum. Quod autem cernitur album, sol est, qui in unoquoque speculo per circumlum continenter apparet, nec ullam, quæ sensui peruia sit, recipit diuisionem. Huic autem proxima, continuaque ora nigricat, ob illius alborem atrior apparens. Sed circa terram magis, quod locus terræ uicinior magis uento careat. Nam fieri non potest, ut flante uento, statio certa fiat. Porro circa lunam Arcæ sæpiuscule fiunt: quia sol cum sit calidior, ocyus aëris constitutiones dissoluit. Circa astra autem, fiunt quidem eisdem de causis, non tamen ex æquo portendunt, quod constitutiones prorsus exiguas, & non dum fecundas significent.

De Iridis accidentibus tum cæteris, tum coloribus: & de eius ad Halonem differentiis.

CAP. IIII.

Hic Arist. de Iridis accidentibus, coloribusque, quos inter Iridis & arcæ differentia sunt determinat.

QUOD autem Arcus refractionis quid sit, iam diximus: qualis autem, & quo pacto, quaque de causa singula, quæ illi accidunt, fieri soleant, in præsentia dicendum. Igitur ab omnibus leuibus refrangi aspectus uidetur, de quorum numero est tam aër, quam aqua. Fit autem refractionis ab aëre, cum densescit. At ob uisus imbecillitatem, frequenter uel sine inspissatione uisum refringere idem assolet. Id quod cuidam molliter, non acutè uidenti, aliquando accidit: dum enim ambulabat, semper simulacrum aduersa fronte

fronte præcedere uidebatur: quod illi contingebat, quoniã
 uisio ad ipsum reflectebatur: nam præ languore adeò imbe
 cilla, tenuisq; modis omnibus erat, ut & propinquus aër
 speculi uicem illi perinde ut qui remotus, densusq; esset,
 præstaret, & ab illâ repelli nequiret. Quocirca & pro-
 montoria in mari, reuulsa: ~~& Euro spirante omnia maiora~~
 uidentur. Item quæ in caligine posita sunt, ut sol, & astra,
 dum oriuntur, & occidunt potius, quàm cùm cœli mediam
 tenent. Ab aqua autem maximè uisus refrangitur, & ad
 huc ab ea, quæ fieri incipit melius, quàm ab aère. Etenim
 quanlibet partium, è quibus consistentibus roratio fit po-
 tius quàm caliginem, speculum esse necesse est. Cùm au-
 tem & apertum sit, & iam dictum in huiusmodi speculis
 colorem duntaxat, non etiam figuram apparere: necessa-
 riò accidit cùm pluere incipit, & iam quidem nubium aër
 in mollem pluuiam concreuit: nondum tamen pluit, si è re-
 gione sit sol, aut quippiam aliud, quod adeò lucidum sit,
 ut nubes speculum reddi queat: & refractione in corpus lu-
 cidum ex aduerso fiat, coloris, non figuræ apparitionem
 fieri, cùm speculum quodq; paruum sit, atq; inuisibile. At
 cùm magnitudinis cōtinētia, quæ ex illis omnibus exultat,
 uideri queat, magnitudinem perpetuam eundem præten-
 dere colorem necesse est: nam speculum quodq; ei, quod ex
 omnibus coalescit, suum colorem tribuit. Quare cùm
 hæc accidere possint quoties sol, & nubes sese ad hunc mo-
 dum habebunt, & nos solcm inter & nubem erimus, ap-
 paritio quædam ob refractionem fiet. Quinimo & tunc,
 & non aliter habentibus illis, Arcus in cœlo cernitur. Pa-
 tet igitur Arcum esse refractionem uisionis in solem. Quã
 obrem & Arcus, nisi sole aduerso: Area uerò, nisi circa
 solem non fit. Et quidem ambo, refractiones sunt: uerùm
 colorum


colorum uarietas alteram à reliqua discriminat : nam altera ab aqua, atroq; & è longinquo fieri solet: altera ab aëre, qui suapte natura cādidior est, & è propinquo. Quod autem fulgidum est, per atrum, aut in atro (nihil enim refert) puniceum apparet. Cōtueri autem possumus ignem, qui è uirentibus lignis fit, rubram flammam habere : propterea quòd ignis, qui fulgidus, albusq; est, multo fumo admistus est. Quinetiam sol ipse per caliginem, & fumum puniceus apparet. Quocirca Arcus refractio prima, cuiusmodi colorem habere uidetur: quippe cū ea refractio à paruis asperginibus fiat. At Arcæ refractio, minimè. De cæteris autem coloribus postea sumus dicturi. Præterea talis constitutio circa solem ipsum permanere diu non potest, sed aut pluit, aut dissoluitur: dum tamen è contrarijs aqua gignitur, tempus quoddam interuenit. Si enim illud eueneret, Arcæ modo Arcus tinctæ forent : nunc autem integra quidem, aut circularia nulla fiunt, quæ talem habeant apparitionem: sed exigua, & per parteis, nempe qui uocantur Bacilli, seu Virgæ. Quando si caligo talis consisteret, qualis esset aquæ, aut cuiuspiam alius atri, sicuti iam diximus, Arcus cœlestis integer perinde, ut qui circa lucernas fit, appareret. Nam frequenter per hyemem flante Austro circa lucernas fit iris, quam maximè uident, qui oculos habent humidos: quoniā eorū aspectus præ imbecillitate celeriter refrangitur. Fit autem tam ab aëris humiditate, quàm à fuligine illa, quæ à flāma defluit, atq; cū aëre misceatur: tunc enim speculum uel propter nigrorem fieri asselet. Nam fuligo, fumida existit. At lucernæ lumen non album, sed purpureum, & flori Ireos simile, non autem puniceū, circulo apparet: nā & aspectus qui refringitur, exiguus est : & speculum, atrum. At Iris illa, quæ à renis fieri solet,

*Inj. circularis
corus.*

let, qui è mari referuntur, situ quidem eodem sit modo, quo quæ in cælo cernitur, colore tamen similiior ei est, quæ circa lucernas apparet: non enim puniceum habere colorem uidetur, sed purpureum. Ipsa autem refractione à minutissimis quidem, sed continuis asperginibus fit, quæ non nisi aqua sunt, quæ iam prorsus discreta est. Fit autem etiam Iris si quis talē locum, qui soli oppositus sit, & hæc quidem sol faciem suam ostendet: illac uerò umbram faciat, tenuibus conspergat rationibus. Nam in tali loco, si quis intra irrorret, ei qui foris stat, quæ solis radij permutantur, atq; umbram efficiunt, Iris apparere solet. Hæc autem modo locoq; consimili fit, & causa eadem, qua quæ à remis efficitur: nam qui irrorat, manu uice remi, uti solet. Quod autem Iris color talis sit, simul & de cæterorum colorum apparitione, ex hisce patebit. Intellexisse enim oportet, uti iam diximus, atque supposuisse, primò quidem rem lucidam in nigro, aut per nigrum, colorem efficere puniceum. Secundò aspectum qui se longè deducit, imbecilliorē, minoremq; reddi. Tertiò, atrum esse ueluti abnegationem: nam quia uisus deficit, atrū apparere solet. Quocirca quæ longè absunt, nigriora omnia apparent: quia uisus ea minus assequatur. Sed ista ex hisce, quæ circa sensus accidunt, considerantur: nam quæ de hisce rebus dicuntur, ad illa pertinent: nunc autem de ipsis dicamus, quantum nobis opus est. Hæc igitur de causa, tam quæ remota sunt, quàm quæ in speculis, nigriora, minoraq; ac leuiora apparent. Quinetiam nubes hisce, qui in aquam, quàm qui in ipsas afficiunt, nigriores esse uidentur, idq; admodum insigniter: nam aspectu exiguo, propter refractionem, spectantur. Nihil autem interest, conspectus dimoueat, an res conspectui

etui obuia: fit enim ratio utralibet, ut idē eueniat. Ad hæc, nec id nos latere oportet: accidit enim ut cū nubes prope solem, si fuerit, si quis in eam dirigat pupillæ aciem, nullo infecta colore, sed alba appareat: at si in aqua eandem spectet, colorem quēdam Arcus cœlestis habere uideatur. Patet igitur, quod conspectus fractus ut præ imbecillitate quod nigrum est magis nigrum, ita quod album est minus album apparere facit, atq; ad nigrorem adducit. Validior igitur aspectus, colorem album in puniceum, proximus ab illo in uiridē, qui prætereā imbecillior est in purpureum, mutare assolet. Ultra hos autem colores, nullus prætereā apparet, sed ut plurima quoq; alia, ita & hi ternario definiti sunt. Aliorum autem colorum mutatio, insensibilis est. Quocirca & Arcus tricolor, uterq; quidem sed opposito modo apparet. Primus igitur extimam: supremamq; circūferentiam, puniceam habet: nā aspectus à maxima circumferentia soli plurimus incurrit: extima autem, maxima est. Proxima uerò, & tertia, iuxta proportionem sese habent. Quare si quæ de colorum apparitione disseruimus, probè dicta sunt, Irim & tricolorē esse, & hisce solis coloribus tingi necesse est. Flauus autem color iccirco apparet, quia iuxta positi colores spectantur. Nam color puniceus iuxta uiridem, albus apparet. Cuius rei signum est. Nam in rube nigerrima, Iris maximè pura, sinceraq; fieri assolet: tunc enim accidit, ut color puniceus flauior esse uideatur. Flauum autem illud, quod in Arcu apparet, color est inter puniceum, & uiridem medius. Igitur ob nubis circumstantis nigrorem, quicquid eius puniceum est, album apparet, nam puniceum, ad illa, album est. Et rursum emarcescente proxime terram Iride, cū dissoluitur puniceum, nebula alba iuxta uiridem sese applicans, in fla-

num transire solet. Hæc autem, maximè indicat lunæ Arcus, quippe qui albus omnino appareat: quod accidit, quia & in nube atra, & noctu spectari solet. Ergo ut ignis igni adiectus, sic nigrum iuxta nigrum positum, quod remissè album est, quale est puniceum, prorsus album apparere facit. Hæc autem affectio, uel in floribus perspicua est. Nam in texturis, & uariegaturis, colores quidam iuxta alios, & alios positi, apparitione suprâ quàm dici queat, differunt: ut purpurei in albis, nigris uel lanis. Præterea in splendore tali, aut tali. Quocirca & qui uarijs filorum coloribus flores concinnant, cùm ad lucernam operantur, sese frequenter errare, & imprudenter alios pro alijs accipere aiunt. Quòd igitur Iris sit tricolor, quodq; hosce colores tantummodo præferat, dictum est. Quæ autem ambit, secunda & coloribus languidioribus est: quos item situ diuerso, atq; prima, hæc ipsa de causa habet. Nam aspectus longius procurrens, ut quod remotius est, ita quod hic est, uidet. A superiori igitur Iride refractione imbecillior exultat: quia remotiore in loco sit. Quare cùm minor inuadat, colores apparere languidiores efficit. Item ordine conuerso, propterea quòd sese à minori, ac interiori circumferentia ad solem maior trudit. Nam quæ uisio minus distat, à propinquisima primæ Iridi circumferentia refrangitur: minima autem exterioris Iridis circumferentia, propinquisima est. Itaq; ea puniceum colorem habebit: illi autem proxima, & tertia, iuxta proportionem. Exterior Iris, B: interior, A: Colores, C punicus, D uiridis, E purpureus. Pars autem illa, quæ est F, flaua appareat. *Tunc autem ad hunc finem non peruenit, quia si sit languidior, non est uelut si sit purpureus* G Ceterum



Ceterum tres Arcus, aut plures facti ad hoc usq; cui nunquam fuerunt: quia secundus obscurior euadat, adeò ut tertia refractio admodum infirma reddatur, nec ad solem peruenire queat.

Cap. 4

Iridis proprietates aliquot. ~~quod si in circulo~~ CAP. V.

Hic aliquot
iridis propieta
tes Arist. po
nit.


Porro Arcum cœlestem nec in circulum euadere posse, nec in portionem semicirculo maiorem, atq; de cæteris, quæ illi accidunt, ex descriptione fiet considerare uolentibus apertum. Nam hemisphærio supra terminantem circulum A existente, centro autem K, atq; puncto quodam alio ceu G exoriente, si lineæ quæ à K in turbinis speciem procidunt, uelut axem lineam G K faciant, & lineæ à K ad M productæ ab hemisphærio ad G super angulum maiorem refrangantur, lineæ profectò quæ à K egrediuntur, sese circuli oræ applicabunt. Atq; si in astri exortu, abitu'ue fiat refractio, diuidia circuli portio, quæ supra terram sit, excipi ab horizonte consuevit. Si uerò dam astrum superà in parte cœli exiit, refran

refrangatur aspectus, semper arcus minor dimidia circuli forma assumitur. Minimus autem, dum illud circulum attingit meridianum. Sit enim primum in oriente G, & linea K M in G refrangatur: atq; planum E, quod à tergo trianguli G K M existit, educatur: nihil enim referet, si quodlibet planum ex hisce, quæ supra lineam G K, iuxta triangulum K M G consistunt, eductum sit. Orbis itaq; sectura, circulus crit, maximus sit E. Lineæ igitur à punctis G K hac ratione ductæ, haudquaquam in alio, & alio quàm semicirculi illius in quo E, puncto concurrerent. Nam cum & puncta G, K data sint, & linea K M, data utriq; erit & linea M G. Quare & ratio lineæ M G ad lineam M K. Datam igitur circumferentiam, punctum M attinget. Sit itaq; ea, N M. Quare circumferentiarum sectio data est. Ad aliam enim quàm N M circumferentiam, ab eisdem punctis eadem ratio in eodem plano minimè consistit. Extra descriptam igitur figuram, linea quadam nempe D B, scorsim iaceat, seceturq; ad hunc modum, ut quomodo linea M G ad lineam M K sese habet, ita linea D ad lineam B sese habeat. Maior autem est linea M G, quàm linea M K: quandoquidem turbinis refractio super maiorem angulum fit: sub maiori enim angulo trianguli M K G, porrigitur: maior ergo est linea D lineam B. Accedat igitur ad lineam B, linea F, ut quod est linea D ad lineam B, id linea B F ad lineam D sit: deinde quod est linea E, ad lineam K G, id linea B ad aliam, puta K Q fiat: atq; à puncto Q ad punctum M, producaturs linea Q M. Igitur punctum Q, circuli cui lineæ à K profluentes ingruunt, uertex erit. Nam ut linea F sese habet ad lineam K G: & linea B ad lineam K Q, ita &

2 G 2 linea

linea D ad lineam Q M sese habebit. Ponamus enim non ita habere, sed aut ad minorem, aut ad maiorem lineam Q M. Nihil enim refert, utram dicamus: sit ad lineam Q R. Eandem igitur rationem lineae G K, et K Q, et Q R inter se habebunt: quam lineae F, B, D, habent. At lineae F, B, D, rationum similitudinem subeunt: nam quod est linea D ad lineam B, id linea F B ad lineam D. Quare sicut se habet linea G Q ad Q R, sic linea Q R ad Q K. Si igitur à punctis G, K, ad punctum R protrahantur lineae G R, et K R, hæ protractæ eandem servabunt rationem, quam linea G Q ad lineam Q R. Nam lineae trianguli G Q R, et trianguli K R Q circa eundem angulum Q, rationum similitudinem subeunt. Quare et linea G R, ad lineam K R eandem habebit rationem, quam linea G Q ad lineam Q R sortita est. Eandem autem rationem habet linea M G, ad lineam M K: quam linea D, ad lineam B. Quare quæ à punctis G, K, ducuntur: ambæ non modò apud circumferentiam M N concurrent, tametsi eandem habeant rationem, verum etià alibi: quod sanè fieri nequit. Cùm igitur linea D, nec cum maiori, nec cum minori quàm Q M (utrunq; enim similiter ostendetur) communem obtineat rationem, patet idem illi cùm ipsa linea Q M euenire. Quare quod est linea M Q, ad lineam Q K, id erit linea G Q, ad lineam Q M. Igitur si circulus descriptus sit, qui uertice Q, et intervallo Q M utatur: angulos omneis attinget, quos refractæ lineæ, quæ à punctis K G prodeunt, efficere solent. Quòd si non attinget: quæ alibi, quàm in semicirculo coeunt, eandem habere rationem consimiliter ostendentur: quod fieri non posse, iam diximus. Si ergo semicirculum E circa diametrum G K Q circumagas, quæ à punctis G K ad punct

¶ Quædam M refrangi solent, omnibus in planis consimiliter sese habebunt, efficiantq; angulum æqualem, nempe $K M G$: & quem angulum lineæ $K Q$, & $Q M$, super lineam $G Q$ committent, semper equalis erit. Igitur trianguli super lineam $G Q$ constituti, triangulo $G M Q$ æquales sunt: horum autem perpendiculara, in idem punctum lineæ $G Q$ cadent, atq; æqualia inter se erunt. Cadant in O , igitur O , circuli centrum existit: cuius partem alteram, nempe eam, quæ circa $M N$ horizon abstulit.




D B F

Rursum, sit horizon AC , supra quem iam subiectum sit punctum G : sitq; nunc axis: GQ . Reliqua omnia, haud secus atq; prius ostendentur. Circuli enim uertex Q , sub horizonte AC , eleuato puncto G , erit. Vertex autem circuli, & centrum tam circuli, quam eius, qui nunc puncti eleuationem terminat (is enim est GQ) in eadem linea sunt. Cum uero puncta KG , supra diametrum AC sint, circuli centrum scilicet O sub priori terminante, nempe AC , in linea KQ erit. Quare portio, quæ supra horizontem existit, ut ST sole supra eandem eleuato, minor semicirculo erit: nam RST , semicirculus erat, nube autem à terminante AC intersectus est: portio itaq; RS , minime apparebit.

GG ;

At cuna



At cum idem in meridie existit, minima. Nam quò punctū G superius fuerit, eò circuli centrum, & uertex inferius erunt. Cur autē ab æquinoctio autumnali die decrescēte quacūq; hora fiat Iris, & eo rursus crescēte ab æquinoctio uerno usq; ad alterum per meridiem non cernatur, ratio est, quòd circularum sectiones, quæ ab æquinoctiali ad septentrionem uergere solent, omnes semicirculo maiores sunt, atq; subinde semper maiores euadūt: quod uerò dissaret, paruum. Contrà quæ ab eodem ad meridiem spectant, minores (nam quæ supra terrā extat, parua est: quæ autem infra, magna:) & quæ longius absunt, semper minores sunt. Vnde fit ut diebus solstitio æstiuo utrinq; proximis, ob sectionis magnitudinem priusquā punctum

G ad

Q ad sectionis medium, meridianamq; lineam perueniat,
T prorsus deorsum existat: propterea quod meridies à
terra procul ob sectionis magnitudinem abest. At die-
bus solstitium hybernum stipantibus, propterea quod cir-
culorum sectiones non admodum supra terram sunt, con-
trà accidere necessum est: nam paululum elcuaio puncto
G sol in meridie consistit.

Virgarum & Pareliorum causa & generatio. CAP. VI.

D E gennato autem sole (quem Græci Parelium uo-
cant) & Virgis, siue Eacillis, easdem cum ijs, quas
diximus, causis esse existimandum est. Nam tum Parelius
fieri assolet, cum solem uersus refrangitur aspectus. Virgæ
autem propterea quod aspectus talis, qualem semper fieri
diximus, quoties nubibus prope solem consistentibus ab
aliquo humido refrangitur, ad nubem sese applicat. Nam
nubes cum per directum spectantur, coloris expertes esse
uidentur: cum uero in aqua, plenæ Virgarum apparent.
Verum tunc, nempe cum in aqua spectantur, color esse
nubis uidetur: ac cum Virgæ in cælo fiunt, idē in ipsa nu-
be apparet. Hoc autem fit, cum nubis constitutio inæqua-
bilis est, & nubes partim densa, partim rara, & una in
parte aquosa magis, in altera minus existit: nam refracto
in solē aspectu, solis figura nō cernitur, sed color. At quia
sol lucidus, & albus existens, quē uersus refrangitur aspe-
ctus, in re apparet inæquabili aliud puniceum, aliud uiri-
de, aut flauū apparet. Nihil enim refert per talia uidere,
an à talibus refringi aspectum dicamus, utroq; enim modo
colore simili apparet. Quare si illo modo puniceū, & hoc
quoq; tale apparebit. Virgæ igitur, propter speculi in-
æquabilitatē, nō figura, sed colore fiunt. Parelius autē fit,
cum aēr quàm maximè æquabilis, & ex æquo densus est.

*Hic Arist. uir-
garum, & pa-
reliorū causas
ac generationē
declarat.*

Et proinde albus apparet. Nam speculi æquabilitas, apparitionis colorem, unum reddit. At aspectus uniuersi refractionis, quod à caligine, quæ densa est, et necdum quidem aqua est, sed prope est ut aqua sit, ad solem concurrat, colorem qui in sole est apparere perinde facit, ut cum ab ære leui ob eius densitatem frangitur aspectus. Quare cum solis color albus sit, Parelus quoque albus apparet. Ob id ipsum autem Parelus, quam Virga certior aquæ futuræ index existit: quippe qui aërem gignendis imbribus procliuem esse magis indicat. Et cum in Austrina cæli regione cõstitit, magis quam cum in Aquilonia: quoniam austrinus aër, quam septentrionalis melius in aquam mutari solet. Fiunt etiam tam Parelus, quam Virga, uti diximus, in oriente, et occidente, et nec supra solem, nec infra, sed ex lateribus, nec prope admodum, nec procul omnino. Nam si illa aëris concrecentis soliditas prope sit, resoluetur à sole: si procul, aspectus refrangi non poterit: cum enim longè de paruo speculo remeet, imbecillus redditur. Quamobrem Aræ quoque fieri non possunt è regione. Quod si supra, et in propinquo inchoetur, à solis feruore dissoluetur: si procul, aspectus minor, quam ut refractione facere queat, solem haudquaquam inuadet. Sed in latere fieri potest, ut speculum ita distet, ut nec solis feruore absumi possit, et aspectus uniuersus recurat: nam si in terram, quasi per immensum sparsus feratur, deuenire ad solem non potest. Sub sole etiam fieri non potest, quia si prope terram extiterit, cõsumetur feruore: si autem supra cælo in medio, aspectus distrahetur, et euanesceat. Denique nec è latere quidè effici illa potest, cum sol cæli umbilicū perreptat: nam aspectus nequaquam fertur in terram. Itaque exiguus ad speculum uenit, et refractus omnino imbecillus recedit. Quæ igitur

igitur opera in locis, quæ supra terram sunt, secretionem exhibere contingat, tot serè numero, taliaq; sunt. Quæ autem in terra ipsa, eadē in terræ partibus occlusa efficiat, dicendum. Duas enim corporum differentias, quoniam & ipsa quoq; duplex est, ibi perinde ut in sublimi, efficere assolet. Nā ut halitus duo sunt (ut diximus) alter uapidus, alter fumidus, ita & eorum quæ in terra fieri solent, genera duo sunt: etenim alia fossilia sunt, alia metallica. Igitur exhalatio arida, suo calore fossilia omnia, uerbi causa tam illiquabilia lapidum genera, quàm sandaracam, ochram, minium, sulfur, cæteraq; generis eiusdem efficit. Plurima autem fossilium, partim coloratus puluis sunt, partim lapis ē tali consistentia factus, ut cinnabari. At quæcunq; metallica sunt, & aut fusilia sunt, aut ductilia, ut ferrum, æs, aurum, ad uapidam pertinent exhalationem. Vapida autem exhalatio, cum in terra includitur, & in lapidibus potissimum ob eorum siccitatem constringitur in arctius, densescitq; roris, aut pruinæ modò cum excernitur, ea omnia committit: sed inibi ea prius, quàm illa excernatur, gigni solent. Vnde fit, ut partim aqua sint, partim minimè: nam eorum materies potentia quidem aquæ erat, nondum tamē est. Nec ex aqua, quæ per affectionem quampiā saporum in morem fiat, constant: non enim ad hunc modum hoc æs, illud aurum euadit: sed horum singula concreta prius exhalatione, quàm ortum subeant, fiunt. Quocirca & terrā continent in se, & uruntur omnia, quòd siccam exhalationem habeant. At aurum, unum omnium nequaquam uri solet. Sed de his omnibus, communiter quidem à nobis dictū est: propriè autem ij considerare oportet, qui generis cuiusq; determinationem suscipiunt.

mutatio quæ ab hisce fit potentijs, ubi ex subiecta materia ad quamque naturam rationem obtinent: ea autem sunt passivæ illæ potentie, quas diximus. Porro tum calor, et frigus gignere solent, cum materiam cuincunt. Cum uero non cuincunt, particulariter quidē inquinatio, et inconcoctio effici solet. Simplici autem generationi contrarium maxime commune, putrefactio est. Omnis enim corruptio, quæ natura fit, seu senectus, et arefactio, ad eam ducit. Nam horum omnium finis, marcor est: nisi quid ex hisce, quæ natura constant, ui corrumpatur. Nam et carnē, et os, et quod uis eorum cremare licet, quorum finis eius, quæ natura fit corruptionis, putrefactio existit. Idcirco quæ putrem, primo humida, postea tandem sicca euadunt. Nam ex hisce facta sunt, definitumque est humido siccum: operantibus hisce quibus agēdi facultas est tributa. Corruptio autem fit, cum id quod definitur, ob id quod ambit, contineturque dominantius eo fuerit quod definit. Verum putrefactio, de hisce quæ particulatim corruptionem subeunt, cum à sua recesserunt natura peculiariter dici solet. Quocirca et reliqua omnia, præter ignem, putrent: etenim terra, et aqua, et aer, putrescunt: nam hæc omnia, igni materia sunt. Est autem putrefactio proprii, naturalisque caloris in unoquoque humido existentis ab extraria caliditate corruptio: hæc autem est, quæ in eo quod circumfunditur, ac continet, existit. Quare cum caloris defectu patitur frigidum onine quatenus eiusmodi potentiam desiderat, ambo utique putrefactionis cause crunt, et putrefactio frigiditatis propriæ, et caliditatis peregrinæ communis affectio. Ob id enim et quæ putrescunt sicciora redduntur omnia, et tandem finis, ac terra fieri assolēt. Abeunte siquidem calore proprio, naturalis humiditas unā cū illo diffatur, atque euaporat, nec amplius

Corruptio

Putrefactio

plius id quod humorem inuehere solet in ratione rerum existit. Nam calor proprius trahendo, humorem inuehit, adducitq; . Atq; in frigore minus, quam tempore, res putrescunt. Nam tempore hyberno circundans aer, et aqua parum caloris retinent, et ideo nullas uires habet: astate uero plus. Itē nec id putredinē sentit, quod cōcretum est. Nā magis frigidū est, quam calidus sit, aer: non euincitur igitur. At id quod mouet, uincit: nec id quod seruet, aut calidum est: calor enim qui in aere est, minor eo est, qui in re ipsa existit. Quare nec dominatur, nec mutationem ullam committit. Simili modo et illud, quod motu ciatur, ac fluit, minus eo quod quietem agit, immotumq; manet, putrilagine t̄gitur. Nā motus ille, qui ab aeris calore prouenit, imbecillior eo efficitur, qui in re ipsa etiā antē inerat. Quare facere non potest, ut quicquā mutetur. Eadē autē causa est, et cur multū minus, quam paucum putrescere soleat. Nam in re maiore, maior est caliditas propria, atq; frigiditas, quam ut intētia, quæ in circumfuso aere sunt, euincāt. Vnde etiam fit, ut mare in partem quidem distractum, celeriter putreat: sed integrum, ac totum, haudquaquam. Et reliquæ aquæ, pari modo. Quinetiam in hisce quæ putrescunt, animalia gigni solent: quod calor qui naturalis est, dum educitur, quæ segregata sunt consistere faciat. Igitur quid sit generatio, et quid corruptio, dictum est.

Quid sit Concoctio: & quid, quæ huic opponitur, cruditas. *Q. Juncos*

CAP. II.

hic de speciebus digestionis et indigestionis determinat Aristot.

Restat iam dicamus cōsequentes species, quas ex subiectis, quæ natura constant, dictæ uires efficiunt. Est itaq; caloris quidem, concoctio: et concoctionis, maturatio, elixatio, assatio. Frigoris uero, inconcoctio: et huius, cruditas inquinatio, excaldatio. Hæc autem nomina, haudquaquam

quaquam propriè dici existimandum est: non enim in uniuersum, rebus similibus nomina posita sunt. Quare non has, sed tales esse species, quas diximus, putare oportet: sed quid ipsarum quæq; sit dicamus. Concoctio igitur, perfectio est, quæ à naturali, proprioq; calore ex oppositis fit passuis, quæ sua cuiq; materies existunt. Nam cum quid cōcoctum est, perfectum est, ac genitum. Atq; perfectionis exordium à natiuo calore prouenit, quamuis aliquo exteriorum adminiculo ad calcē usq; perducī soleat: quomodo alimentum per balnea, & id genus alia concoquitur: uerum principij uicem internus calor occupat. Porro concoctionis finis, alijs natura existit: natura autē est, quam ueluti formam, essentiamq; dicimus. Alijs, ad quandam subiectam formam contendit: ubi scilicet humor, qui torrebatur uel elixabatur, uel putrescebat, uel alio quouis modo incalecebat, talis tantusq; euasit: tunc enim & utilis est, & concoctionem recepisse dicitur, ut mustum, & quæ in tuberculis collecta sunt, cū ad suppurationē peruenire, & lachrymæ cum sordes in oculis oborta sunt, & cetera simili modo. Hoc autē omnibus obtingit, cum materies, atq; humiditas ipsa uicta fuerit: hæc autē est, quæ ab ea caliditate, quæ in ipsa natura est, definiri solet: nā hoc tandiu natura est, dū in ea, ratio ipsa insit. Quocirca & eiusmodi, & urinae, & alui sedimenta, & omnino corporis excrementa, sanitatis indicia sunt: & concocta dicuntur, quod humorē à calore uinci significet. Quæ uerò concoquuntur crassiora euadāt, atq; calidiora, est necesse. Nā ei quod cōcoquitur ampliorē molē calor tribuit, & crassius illud, aridiusq; reddit. Igitur concoctio, hoc existit. At inconcoctio, imperfectio est, quæ proprii caloris penuria, accidit: caloris uerò penuria, frigus est. Atq; imperfectio, ad opposita passua pertinet

*Sanitas
dicitur
quæ*

Imperfectio

pertinet, quæ perfectio naturæ cuiq; materies existunt. Hoc igitur pacto concoctio, atq; inconcoctio, definite sint.

Concoctionis species tres sunt, maturatio, elixatio, assatio: & quid sit harum unaquæq;. Itidem cruditatis totidem species sint, & definitionis.

CAP. III.

Cap 4
Hic Arist. de
maturatiōe, eli-
xatione, assatio-
ne, & contra-
rijs determinat.

Maturatio uerò, concoctio quædā existit. Nam eius alimonia, quæ in arborū fructibus est, concoctio, maturatio nuncupatur. Cum autē cōcoctio, perfectio quædam sit, tūc maturatio perfecta est, cum semina, quæ in fructuū genere sunt, aliud eiusmodi quale ipsum est, efficere ualēt. Nam & in cæteris, perfectum ita dicimus. Hæc igitur maturatio, fructus arborum est. At multa quoq; alia ex hisce, quæ cōcocta sunt, eadem quidem forma, sed tralatione maturata dicuntur, propterea quod nomina (quemadmodum etiam prius dictum est) cuiq; perfectioni circa ea, quæ à nativo calore, ac frigore definiri solēt, haudquaquam indita sunt. Tuberculorum autem pituitæ, & cæterorū id genus maturatio, contenti humoris concoctio, quā nativus calor efficere assolet, existit: nihil enim nisi præualeat, ac superet, determinare quicquā potest. Quæ igitur maturescūt, omnia ex aërijs aquea, ex aqueis terrea cōsistendo fiūt, & è tenuibus subinde crassiora reddi assolent, atq; hoc pacto natura quædam ad maturationem adducit, quædam ab ea submouet repellitq;. Dictū est igitur, quid sit maturatio. Huic autem, cruditas aduersatur. Maturationis uerò contraria est, eiusce alimenti quod in arborum fructu continetur, inconcoctio: hoc autem est humor non defixitus. Quæ obrem cruditas, uel aërea, uel aquea, uel eorum, quæ ex utrisq; constant, existit. Cum autem maturatio, perfectio quædam sit: cruditas, imperfectio erit. Imperfectio uerò ob caloris naturalis defectum, atq; commensum humori ad
matur

maturitatem pergenti minimè respondentem, fieri assolet. Porro nullum humidum per se, sine arido maturū fit. Etenim aqua, ex humidis sola, non crassefcit: quod ideo euenire solet, quia uel exiguum calorem, uel magnam humoris qui definitur, copiam habeat. Et proinde, crudorum succus prætenuis est, & gelidus potius, quàm tepidus, & esu, ac potu inutilis. Caterum ipsa quoq; cruditas perinde ut maturatio, multifariam dicitur. Vnde & distillationes, & urine, & alui sedimina, cruda dici eadem de causa solent: ex eo nanq; cruda nuncupantur omnia, quòd à calore nec uincantur, nec consistant. Quòd si longius progredi uelimus, & fictile, & lac, & multa alia cruda dicuntur. si cùm à calore transmutari, ac consistere possint, in affecta permaneant. Quare elixa dicitur aqua, sed cruda minimè, quòd crassa non euadat. Quid igitur sit maturatio, atq; cruditas, & cur utraq; sit, dictum est. Elixatio autē in uniuersum quidem, est indefiniti in humore existentis concoctio, ab humido calore facta. Sed uocabulum, de elixis solum propriè dici solet. Hoc autem nempe quod indefinitū est, acereum, uti diximus, uel aqueum esse potest. Fit autem elixatio ab igni, qui in humore est. Quod enim in sartagine igni admouetur, torreri assolet: nam ab extremo calore patitur. Humorem autem illum, in quo est, plenius aridū ad se trahendo reddit. Quod autē elixatur, contrā efficit: nam calor quem externus humor habet, ab eo humorem foras pellit. Quam ob rem elixa absis aridiora sunt: non enim quæ elixantur, ad se humorem attrahunt, quādo externus calor internum uincit. Quòd si praualeret internus, humorem ad se traheret profectò. Porro non omne corpus elixabile est: nam neq; id, in quo nihil est humoris, ceu lapis: neq; id, in quo humor quidem inest, sed densita-

tis ratione uinci non potest, ut lignum, elixari potest. Sed
 ē corporibus ea duntaxat elixari solent, quæ humiditatem
 habent eiusmodi, ut ab igni, qui in humore existit, pati
 queant. At aurum, lignum, & pleraq; alia, elixari dicun-
 tur: forma quidem eadem, sed translatione: nō enim differen-
 tijs propria indita sunt uocabula. Liquida quoq;, ceu lac,
 atq; mustum, elixari diximus: ubi circumdās, & forinsecus
 excalescens ignis saporem, qui in humore consistit, in
 aliam quandam saporis speciem transmutat. Quare modo
 quodam simile quippiam dictæ elixationi committit. Finē
 autem non eundem nacta sunt omnia, nec quæ elixantur,
 nec quæ concoquantur: sed aliorum finis in esitatione, alio-
 rum in sorbitione, aliorum in alio usu consistit: quandoqui-
 dem uel medicamenta ipsa elixari dicimus. Quare elixabi-
 lia omnia sunt, quæcunq; crassiora, uel minora, uel graui-
 ora: aut eorū quædam eiusmodi, quædam diuersa fieri pos-
 sunt: propterea quod eorum quæ disgregantur, alia cras-
 sa sunt, alia tenuia: quomodo lac in serum, atq; caseum di-
 stribui assolet. Oleum autem ipsum per se non elixatur,
 quod horum nihil subeat. Igitur cōcoctio ea, quæ elixatio
 nuncupatur, id est: nihilq; interest, instrumentis arte, an na-
 tura paratis fiat: eadem enim de causa, fient omnia. Inqui-
 natio autem; inconcoctio quidem, at elixationi aduersa
 existit. Fuerit autē, cū ei, qua de priore loco differuimus,
 aduersari ducatur, inconcoctio infiniti in corpore existen-
 tis, quam caloris humoris circumfusi penuria committit.
 Quod autem caloris penuria frigus habeat ammistum, di-
 ctum est: per alium tamen quam frigus, motum, fieri solet:
 nam calor ille, cui coquendi officium delegatum est, depel-
 litur, ac offuscatur. Atq; penuria illa, copia frigoris in hu-
 more circumiacente, uel eo quod elixatur existētis, proue-
 nire

nire solet. Tunc enim euenit, ut calor, qui est in humore, amplior sit, quàm ut nō moueat, sed minor quàm ut æquabilitatem asserre, atq; cōcoquere possit. Vnde fit ut inquinata, elixis duriora sint: & humida, siccētibz magis definita. Quid igitur, & cur elixatio sit, atq; inquinatio, dictū est. Assatio uerò concoctio est, quæ ab arido, & alieno calore efficitur. Ea de causa cum quis elixare quippiā nititur, si id non ab humoris caliditate, sed ab igneo calore mutari, ac cōcoqui faciat, ubi perfectum est, assumpsit, nō elixum, & exuperantia insuper adustū esse dicitur. Vbi autem perfectum, siccius euadit, à calore sicco fit. Quo fit ut partes extimæ, intimis fiant aridiores: id quod in elixis contrā euenit. Atq; in hisce, quæ manuum beneficio confici solēt, plus assatio negocij, quàm elixatio inuhere solet: quippe cum summas, & internas rei partes æquabiliter ex cal facere, per arduū sit: nam quæ igni uiciniōres sunt, semper ocyus siccant, quare & impēsus. Cum igitur foramina illa, quæ extra prominēt coeunt, adductāturq; contentus humor exprimi non potest, sed intercluditur ubi meatus cōniūct. Igitur assatio, & elixatio, arte quidē efficiuntur: sed & natura quoq; sicut dicimus, species uniuersaliter eadem fiunt. Nam affectus, qui fieri assolent, tamen si nomine careant, haudquaquàm tamen dissimiles existūt, cum ars naturæ amula sit. Quandoquidem & cibi in corpore cōcoctio, elixationi persimilis habetur: quippe cum in calido, & humido à corporis calore fiat. Et incōcoctio, inquinatio. Nec in ipsa concoctione nascuntur uermes, sicuti quidam aiunt: sed in excrementis, quæ in aluo putrent inferiore geniti, in sublime postea sese attollunt. Nam in superiore uentriculo, concoctio effici solita est: at quod secreuit natura, id in inferiore putrescit: quam autē

h H ob cau

ob causam, dictum aliàs est. Inquinatio igitur, elixationi aduersatur. At ei concoctioni, quæ assatio uocitatur, quippiam oppositum pari modo existit: sed eiusmodi, ut difficilius sibi, quàm illa nomenclaturam inueniat. Fucrit autem perinde, ut si excoctio fiat, non assatio, propter caloris indigentia: quæ sanè aut exterioris ignis paucitate, aut in re assanda humoris diluti copia accidere potest.

Nam calor tum maior est, quàm ut motum non excitet: minor, quàm ut concoquere queat. Quid igitur sit concoctio, & inconcoctio: maturatio, & cruditas: elixatio, & assatio: & hisce contraria, dictum est.

Summa 2^a Cap De Passionibus, qualitates passiuas in corporibus mixtorum consequentibus. *Sic utale humidum, & sic utale aridum.*

Hic Arist. de speciebus passionū humidorum, & siccorum determinat.

PAssiuorum autem aridi inquā, & humidi, species, dicamus oportet: sunt autem passiuia corporū primordium, humidū, atq; siccū: cætera uerò ex hisce temperata quidem sunt, sed magis huius per naturā sunt, ex quo largius: uerbi gratia, alia magis sicci: alia, humidi. Hæc autē omnia partim actu erūt, partim potētia, quæ actu aduersatur: quo pacto eliquatio, & eliquabile sese habēt. Cum autem humidum facile, & siccum ægrè definiantur: haud aliter sese quàm obsonium, & condimenta, uicissim habēt. Nam humidum, arido ut definiatur causa est, & alterutrū alteri glutinis instar existit: id quod & ipse quoq; Empedocles in naturalibus asseruit, farinā aqua agglutinās. Et ea de causa, definitum corpus utroq; constat. Porro ex omni elementorū genere peculiariissimè terræ quidem siccum, aquæ autē humidū tribuitur. Eam ob rem omnia ista definita corpora, nō sine terra, & aqua consistunt: sed potentia quoq; huius esse uidetur, cuius plus habuerit. Quintiam animantes in terra, & aqua solū sunt, in aëre autem,

tem, & igni minimè: propterea quòd terra, & aqua, corporū materies existunt. Ex corporeis autem affectibus hi, duritia inquam, aut mollities, primi definitæ rei cōpetant, est necesse. Nam quod ex arido constat, & humido, durum, aut molle necessariò euadit. Est autem durū, quod per summa in sese non refugit. Molle uerò quod in sese non obluendo refugit: aqua nanq; haudquaquam mollis est, quippe cuius pars summa, compressu intrò minimè cedat, sed circumobstet. Igitur absolutè durum aut molle est, quod absolutè est eiusmodi: ad aliud uerò durum, aut molle, quod respectu illius tale est. Hæc ergo inter sese uicissim collata inde finita sunt: quòd magis, atq; minus dura, molia'ue sint. Sed cū sensibilia cuncta sensu dijudicentur, nos tam durum, quàm molle simpliciter tactu, eodem ueluti mediocritate quadam utentes, definiuisse constat. Quocirca rem omnem, quæ tactum edomat, duram: quæ uerò subterfugit, mollem esse dicimus.

Quòd corpus terminatum omne, durum aut molle esse necesse sit; & de coagulatione determinatio, eiusq; causæ. *de hysq; Arist. de sensu.* CAP. V.

CORpus autem omne suo definitum termino, durū sit, aut molle necesse est: nā aut in sese cedit, aut nequaquam. Ad hæc concretū sit oportet: hæc enim re definitur. Quare cū res omnis definita, atq; consistens, uel mollis, uel dura sit, concretionisq; opera euadat eiusmodi: nulla profectò cōposita, definitaq; corpora, sine cōcretionē esse queunt. Ergo de concretionē differendum. Dux itaq; sunt causæ illæ, quæ circa materiā uersari solēt: id inquā quod agendi facultatem obtinet, & affectus ipse: hic ut species, ac forma: illud, ut id à quo proficiscitur, pendetq; motus. Quare & cōcretionis, & dissolutionis, & asiccationis, &

Hic Arist. de corpore determinato, alijsq; determinat.

humectationis causæ, totidē erunt. Porro ipsum agēs, duplici potentia agit: & patiens, duabus itidē patitur affectionibus, uti dictū est. Nam agens, calore agit, atq; frigore: at caloris, frigoris uē præsētia, aut absētia, passionē fieri constat. Sed cū concretio, fermē assiccatio sit, de hac prius dicamus. Quod itaq; patitur, aut humidum, aut aridū, aut ex utroq; cōflatum existit. Atq; aquam, humidit: terrā, sicci corpus esse statuimus: quippe quæ inter humida, & sicca, maximē passiua sint. Quocirca frigus, passiuorū magis existit, in his enim est: quandoquidē & terram, & aquam, frigere supponimus. At frigus, actiuum est quatenus corrūpere, aut aliud quippiam per accidēs efficere potest: quemadmodū antea est dictum. Nam interdum & urere, & excalescere dicitur: non tamen perinde ut calor, sed quia calorem cogit, & in uinum contrahit, aut eidem circum obsistit. Quæ autem aqua, & aquæ species sunt, aut aquam siue aduentitiā, siue insitam habent siccescunt. Aduentitiā eam, uoco quæ in lanam sese insinuat. Insitam, quam lacteus humor habet. Aquæ uerò species sunt huiusmodi, uinum, urina, serum, & omnino quæcūq; nullū, aut certē paucum sedimen, nec id tenacitatis ratione habent: nam tenacitas in causa est, ut quibusdam nihil subsideat: id quod oleo, & pici accidit. Siccent autem omnia, dum aut calefiunt, aut refrigerantur, utrūq; tamen calor uel internus, uel externus committere assolet. Etenim quæ frigore siccent, perinde ut uestis, si cū humida est seorsim ipsa per se maneat: ab interiori calore humorem secum educente resiccari solent, si humor exiguus sit, calore ob circumfusum frigus egrediente. Siccent igitur uniuersa, dum uel calefiunt, uel refrigerantur: quæ omnia calore uel interno, uel externo humorem secū educēte

cente fiunt: externo, ut elixa: interno, ut cū humor à calore, quem in sese continet, respirante eximitur, absumiturq;. Dictum est igitur de assiccatione.

Coagulabiliū alia esse aquam, aut species aquæ, alia aquæ & terræ. Et de modis differentibus coagulandi, soluendiq; res.

CAP. VI.

AT humectatio uno quidem modo accidere solet, cū *Hic Ari. co-* quid in aquam cōsistit. Altero, cū id eliquatur, quod *gulabiliū alia* prius cōcreuerat. Horum autem est spiritus, qui in aquam *esse aquam, aut* frigore densatur. De eliquatione autem, pariter atq; cō- *aquæ species ex* cretione, perspicuum euadet. Quæcunq; autē concrescūt, *ponit, alia a-* cū aut ad aquam, aut ad terrā, & aquam spectent con- *qua & terra.* creescere, idq; uel frigore, uel calore sicco, assolēt. Quocir- ca & quæcūq; calore, uel frigore concreta soluuntur, cō- trarijs solui solent. Nam quæ calore sicco cōcreuere, aqua soluuntur, quæ humor algidus est: quæ uerò frigore, igni, qui calidus existit. At nōnulla aquæ beneficio cōcreescere uidentur, quod genus est mel decoctum: uerū id nō ab aqua, sed à frigore aquæ indito prouenit. Quæ igitur ad aquā spectant, seruire ignis cōcreescere nequeunt: nam ab igni soluūtur. Idem autē eidem secundū idē cōtrarij causa non est. Ad hæc quia calor egreditur, res concreescere so- lent. Vnde fit ut quia ingreditur, resolutionem fore con- stet. Quare, agente frigore res concrescunt cogunturq;.

Quocirca eiusmodi omnia cū cōcrescunt, haudquaquā spissari solent. Nā cū partes humidæ euanesçūt, & siccæ coagmentantur, spissatio oboriri assolet: sola autē ex humi dorū genere aqua, nō spissatur. Atq; telluri, & aquæ cō- munia sunt tam igni, quā frigore concrescunt. At quæ ab utroq; spissantur: quod partim eodē modo, partim diuerso fieri solet. A calore quidem, qui humorē educit: nam eua-

porante humore, pars arida spissatur, atq; cōsistit. A' frigore uerò, quod calorē exprimit, discutitq;: quo cum dum euaporat, simul humor abit. Quæcunq; igitur mollia sunt, sed non liquida, abeunte humore non spissantur, sed concresecunt, ut fictile coctū. At è mistorū numero quæcunq; liquida sunt, ceu lac, spissantur. Pleraq; autem & humescunt prius, nimirum quæ frigus antè spissa, durā ue reddiderat: quemadmodū & fictile dum cogitur, primum euaporat, atq; molliusculum redditur. Ob idq; in furnis perueri assolet. Igitur ex hisce, quæ cū terræ, & aquæ communia sint, plus tamen terræ habeant, frigoris opera cōcrescunt: quæ ideo cōcrescere solent, quòd calor egrediatur: ea calore liquefieri, eodē scilicet rursum ingrediente, assolent: ueluti coenum, ubi in gelu concreuit.

Quæ autem ob refrigerationem, & quia simul uniuersus calor euaporauit, concresecunt, ea solui non nisi caloris exuperantia queunt, sed mollescere solent, ut cornu, atq; ferrum. Liquefit autem & ipsum quoq; elaboratū ferrum, adeò ut liquidum reddatur, & rursum concresecat.

Nec secus chalybem facere consueuere: ferri nanq; fax, subsidet, atq; inimū secernitur. Vbi autē sæpe defæcatum fuit, ac purū, mundumq; euasit, fit calybs. Sed id nequam sæpe agunt, propterea quòd dum repurgatur, substantiæ plurimum defluit, libramentumq; minus efficitur.

Ferrum
indur. At ferrum, eò præstantius est, quò minus habet excrementi. Item & lapillus ille, quem Pyrimachū uocant, intantum eliquari ut stillet, fluatq;: assolet. Quod autem concreuerat, ubi fluxerit, rursum durescere solet. Quinetiā lapides molares, adeò colliquefcunt ut diffuant. Caterū dum id, quod cōcreuerat fluit, tametsi colore est atro, calcis tamen in modum albicat. Porro tam tellus quàm cœ-

num liquefieri possunt. Eorum autem, quæ calore arido coguntur, quædam humoris ui solui nequeunt, quædam queunt. Fictile igitur, & nonnulla lapidum genera, qui terra feruore ignis deusta fiunt, ucluti mola, solutionem haudquaquam admittunt. At sal, atq; nitrum, humore soluuntur, non tamen quolibet, sed algido. Et ideo aqua, & aquæ generibus omnibus, præterquam oleo, eliquari cõsuevere: nam calori arido frigus humidum aduersatur. Ergo si alterum coëgit, resoluet alterum. Ita enim contrariorum affectuum contrariæ erunt causæ.

Sales alii aquæ, alii terræ plus habent. Et de proportionem horum in mixtis cæteris.

CAP. VII.

QUæ igitur plus aquæ habent, quam terræ, igni solummodo spissari possunt: quæ uerò terræ, concre- scere. Quocirca nitrum, sal, fictile, lapis, ad terram potius, quam ad aquam spectant. Olei autem natura, per quam ambigua existit. Nam si plus haberet aquæ, ut frigore glaci- ci modo cogeretur, oporteret: sin uerò terræ, ab igni perinde ut fictile: nunc autem à neutro cogi, sed è regione ab utroq; spissari uidetur. Cuius rei causa est, quòd aëre refertum sit. Quapropter & aquæ per summa insidet: etenim aër, quem continet, sursum uersus effertur. Frigus igitur dum è spiritu, qui inter oleum est, aquam elicit, oleum spissescere facit: semper enim ubi aqua, & oleum permista fuerint, quippiam utroq; spissius oriri assolet. Ab igni autem tractuq; temporis, albescit, crassescitq;: albescit quidem, aqueo humore si quis insit euaporante: crassescit uerò, quòd marcescente calore, aër in aquæ uicem transeat. Vtraq; igitur ex parte, atq; eandem ob causam, uerum non eodem modo, eadem oritur affectio. Ergo opera utriusq; spissari assolet, à neutro tamen assiccatur: siquidem neq;

Hic Arist. quòd salium aut aqua, aut terra plurimum communem declarat.

h H 4 solis

solis calor, neq; frigus oleum asiccare potest: non modò quòd tenax, lentumq; sit, sed etiam quòd aëreæ sortis existat. Aqua uerò ab igni nec asiccatur, nec decoquitur, quòd tenacitatis ratione in fumum euanescere nequeat.

• Quæ autē terra temperantur, & aqua, ea iuxta utriusq; copiam nūcupentur oportet: est enim uini genus quoddā, quod decoquitur, atq; concrescit, ceu mustū. Humor autē aqueus ab omnibus eiusmodi, dum inarescunt, exire solitus est. Quòd autem aqua insit, indicium est: nam uapor, in aquam consistit, si quis colligere uelit. Quare quibuscunq; quippiā remanet, id profectò terrenæ sortis existit. Porro ex hisce nonnulla frigoris etiam uehementia (uti diximus) crassescunt, asiccanturq;: frigus siquidē non modò cōgit, & desiccatur, uerū etiam incrassat: nam aquā quidē asiccatur, aërem autē cū aquā ex eo elicit, crassescere facit. Concretionem uerò, asiccationem quandā esse diximus. Quæ igitur frigore spissari nequeunt, sed cōcre-scere, ad aquam potius spectant: quod genus sunt, uinum, urina, acetū, lixiuium, serum. At eorum, quæ quāuis non euaporent, feruore tamen ignis crassescunt, spissanturq;, quædā terrena sunt, quædam communiter ad aërem, & aquā pertinent: mel quidē ad terrā: oleum uerò, ad aërem, & aquā. At lac, & sanguis utriq;, aquæ, & terræ cōmunia sunt: sed magna ex parte plus terræ cōtinent, perinde ut & humores illi, unde sal, atq; nitrū fiunt: ex quibusdā autem talibus, lapides constitui solent. Quocirca serū, nisi sequestratū sit, cū decoctionem subit, calore ignis deu-ritur: terrena uerò portio, si quis aliquantulū decoxerit, uti medici ingesto coagulo faciunt, uī quoq; coaguli in caseum densari consuevit: atq; ad hunc modum, à caseo serum sequestratur. Cū uerò sequestratum est, haudqua-quā

quàm præterea crassescit, sed aquæ modo deurit. Quod si lac aliquod nihil, aut parum habeat casci, ad aquam potius spectat, atq; nullatenus alit. Sanguis quoq; haud secus habere sese uidetur: nam quod frigore sicceat, cogitur. At qui cogi nequit, ut ceruorum, is ad aquam magis pertinet, atq; oppidò quàm frigidus habetur. Et iccirco fibras nullas habet: quippe cum fibræ ad terram spectent, atq; quod stabile, ac firmum existit. Quare si etià illæ adimantur, sanguis cōcrescere non potest: quod ideo accidit, quia nō siccet: quod enim superest, id perinde atq; lac caseo iam exēpto, aqua existit. Signū autem est. Nam sanguis uitiat, cōcrescere non solet: quippe qui saniem præ se ferat, quæ nō nisi pituitosus humor, & aqueus est, quod cruda, incoctaq; & à natura nō uicta sit. Præterea quædam solubilia sunt, ut nitrum: quædam insolubilia, ut fictile: atq; ex hisce alia mollescunt, ceu cornu: alia minimè, ueluti fictile, atq; lapis. Causa autē est, quia contrariorū cōtrariæ causæ sunt. Quare si res duobus, frigore, ac siccitate concrecant, coganturq; calore, & humore soluantur est necesse. Vnde fit ut igni, & aqua soluatur: ea enim cōtraria sunt. Aqua quidē, quæ igni solo: igni uerò, quæ frigore. Quare si quæ ab ambobus cogi contingat, ea maximè insolubilia sunt. Talia autē euadunt, quæcūq; cōcalfacta prius, frigore postea coguntur: usu enim euenit, ut ubi calor exēdo exhaustus est, rursum humoris plurimum frigoris opera inculcetur, adeò ut ne humori quidem transitum frigus concedat. Atq; eam ob causam, nec calor ea soluit: quæ enim frigore solo concrecant, hæc calor soluit. Nec itidē aqua soluere potest. Nam quæ frigus cogit, aqua soluere non potest: sed quæ ui caloris aridi solummodo concreuere, potest. At ferrum caloris seruore colliquatū, frigore concrescit. Quare,

hH 5 utroq;

utroq; ut concreseat indigere conspicitur. Vnde fit, ut solui nequeat. Ligna uerò, terræ sunt, & aëris. Quare colligari, aut mollescere nequeunt, uri queunt. Item super aqua innatant omnia præterquam ebenus, quæ minimè inuehitur. Nam cætera, aëris plurimum continent: at aër ex ebena atra respirauit, in qua & terræ maior, quàm aëris portio inest. Fictile uerò, ad terram solummodo spectat: quòd siccando paulatim concreuerit. Quare nec aqua illud soluit: non enim aqua ingredi per foramina illa ualet, per quæ spiritus solum exiuit. Nec itidem ignis: nam eius opera concretio illius prouenit. Quid igitur concretio, & eliquatio, quotq; ob causus cueniant, & quibus competere possint, dictum est.

Sama 3a Crisostomus Mixtorum perfectorum passionibus, earumq; enumerationatio.

CAP. VIII.

Hic Ari. passionibus mixtorum perfectorum enumerationat.

EX his autem per calorem, ac frigus consistere corpus omne, in aperto est: hec autem spissando, & cogendo, suo fungi munere solent. Atq; propterea quòd ab hisce cætera consciuntur, omnibus in rebus calor inest: in quibusdam etiam frigus, quatenus ille deficit. Quare cum calor, ac frigus quòd agant: & humor, atq; ariditas quòd patiantur, corporibus insint: quæ communia sunt, hæc omnia participat. Similaria igitur corpora tam in plantis, quàm animantibus, terra, & aqua constant. Item metallica, ceu aurum, argentum, & cætera id genus: tum ipsis, tum exhalatione, quæ ab utroq; dimanat interclusa, ut aliàs diximus, constant. Porro hæc omnia, & peculiari affectione, quæ ad sensus pertineat, & agendi quippiam facultate, inter se discrepant. Nam candidum, odorum, sonorum, dulce, calidum, & frigidum, quòd sensum mouere, ac irritare queant, in ratione rerum sunt. Quæ uerò ex eo nomen sortita sunt, quòd

quod patiantur, ceu eliquabile, concretile, flexile, & reli-
qua id genus omnia, per alias magis peculiaris affectio-
nes existunt: cuncta namq; eiusmodi perinde atq; humidū,
aridūq; passiva sunt. Itaq; os, caro, nervus, lignum, cor-
tex, lapis, & cetera alia corpora simularia quidem: sed na-
turalia, hisce discrimen subeunt. Primò autem dicamus nu-
merum eorum quæ iuxta potentiam, & potentie privatio-
nem dici solent. Sunt autem hæc: Concretile, Inconcretile;
Eliquabile, Ineliquabile: Mollificabile, Immollificabile:
Humectatile, Inhumectatile: Flexile, Inflexile: Fractile,
Infractile: Friabile, Infriabile: Impresile, Inimpresile:
Formatile, Informatile: Pressatile, Impressatile: Tractile,
Intractile: Ductile, Inductile: Fissile, Infissile: Sectile, Inse-
ctile: Tenax, Remittēs: Desatile, Indesatile: Cōbustile, In-
cōbustile: Exhalabile, Inexhalabile. Plurima igitur corpo-
rū, his ferme differūt affectibus: quā autē quodq; horū vim
habeat, edisseramus. Igitur de cōcretili & incōcretili, &
eliquabili, & ineliquabili, tametsi prius generatim dictū
est, tamē & nūc quoq; dicere aggrediamur. Nā ex corpo-
ribus, quæ cōcrescūt, atq; durent, quædam seruire caloris,
quædā frigore: illo quidē humorē assiccāte, hoc uerò calo-
rē extrudēte, ita affici solēt. Quare alia humoris absentia,
alia caloris, hocce patiūtur: aquea quidē, caloris: terre a ue-
rò, humoris. Quæ igitur humoris absentia, ea liquefacere
humor potest: nisi adeò sese collegerint, coiērintq;: ut mi-
nora partibus aque, foramina relicta sint: id quod fictili
accidit. Quæcunq; autē non ita coiērunt, humore liquan-
tur: ceu nitrum, sal, terra ē cæno orta. At quæ caloris pri-
uatione, calore deliquescent: ut crystallus, plumbum, æs.
Quæ ergo sint cōcretilia, & eliquabilia, & quæ ineliqua-
bilia, dictum est. Incōcretilia autem sunt, quæcunq; nec hu-
morem

272

*Passionum Spec**Cap 2 Smith
de Naturæ & Passio-
nis generibus*

morem habent aquosum, nec aquæ sortis sunt, sed terreæ plus, calorisq; continent: uti mel, atq; uinū passum, quippe quæ ueluti feruentia sint. Item quæcunq; aquæa quidem sunt, sed aëris plus continent: perinde ut oleum, argētum uiuum, & si quid tenax, lētumq; est, ueluti uiscū, atq; pix.

Passionum reliquarum enumeratio.

CAP. IX.

*Hic de reliquis
passionibus
aristot. determi-
nat.*

MOLLIFICABILIA autem sunt, quæcunq; concreta non ex aqua constant, ut glacies (omnis enim glacies, aquæ est) sed quæcunq; ad terram potius spectant, & nec eorū humor uniuersus perinde ut in sale, nitro uē asiccatus est, nec inequabiliter, ut in fistili, sese habet, sed tractilia sunt, & non humectatilia: aut ductilia, & non aquæa, atq; ignis opera, ac feruore mollificabilia ut ferrum, cornu, lignum. Et eliquabilem, & ineliquabilem, quædam humectatilia sunt, quædam inhumectatilia: Verbi causa: æs inhumectatile est, cū eliquabile sit: lana uerò & terra, humectatilis: nam ma defieri assolet. Et quidem æs collicabile est, non tamen ab aqua colliquari potest. Sed & eorum, quæ aqua liquari queunt, nonnulla inhumectatilia sunt, cū nitrum, atq; sal: nec enim quicquam humectatile est, quod cū aqua inspergitur, molliusculum nō fiat. Nonnulla autem, cū humectatilia sint, eliquabilia non sunt: ut lana, atq; fructus. Cæterum humectatilia quidem sunt, quæ cū terrena sint, & aqua duriora existant, meatus ampliores, quā partium aquæ moles, continent. Liquabilia uerò aqua, quæcunq; illos per totum commeantes possident. Cur igitur terra humore eliquari, atq; humectari, nitrum uerò eliquari, non humectari potest? Nimirum quod in nitro foramina continuata totum penetrāt: unde fit ut aqua partes continuò dispescāt. At in terra, foramina cuariant, nec inter sese respondent: quare quoquo pacto aquam ex-
ceperit

Ceperit, diuersa oritur affectio. Porro corporum alia flexilia, atq; directilia sunt, ut arundo, ac uimen: alia inflexilia, ut fictile, atq; lapis. Flexilia autem atq; directilia corpora sunt: quorum longitudo ex ambitu in rectum, & contrà è recto in ambitum permutari ualet. Atq; flecti, & dirigi, in rectum, aut ambitum migrare, atq; transire existit: etenim tam quod reflectitur, quàm quod inflectitur, flectitur, curuaturq;. Flexio igitur est ad deucexitatem aut concauitatem, seruata longitudine motio. Si enim flexio ad rectitudinem quoq; transitio esset, idem simul flexum rectumq; foret: quod profectò, rectum inquã flexu esse, fieri nequit. Quòd si omnino uel reflexu, uel inflexu res flecti soleant, quorum alterum ad conuexu, alteru ad concauum migratio est: flexio sanè ad rectu profectio esse nõ potest, sed aliud flexio, aliud directio existit. Atq; hæc sunt, flexilia & directilia, & inflexilia, & indirectilia. Item, alia, fractilia, & friabilia, simul & seorsim existunt: uerbi causa, lignum fractile est, nõ friabile: glacies autem, & lapis, friabilis, non fractilis: at fictile, & fractile, & friabile.

Differunt tamen, nam fractio, in magnas parteis diuisio, atq; distractio existit: friatio uerò, in quasuis sine discrimine, & quæ duabus plures sint. Quæcunq; igitur ita concreuere, ut multis scateant foraminibus, quæ directim posita non sint, friabilia sunt: hac enim fini, inter sese distant.

Quæ uerò lōge porrecta habuerint foramina, fractilia. Quibus autem utrunq; cōpetit, ea tam friabilia, quàm fractilia sunt. Porro alia impressilia sunt, ut æs, cera: alia minime, ut fictile, aqua. Est autem impressio, partis eius, quæ per summa residet, introrsum migratio: quæ pulsioe, aut ictu, sed in totum tactu accidit. Sunt autem eiusmodi, tam mollia, ceu cera, quã alia superficiici parte immota partim

partim suffugit:quàm dura,ut æs. Item quæ impressionem defugiunt,tum dura sunt, ut fictile (non enim superficies refugit) tum liquida, uelut aqua, quæ cedit, at non secundum partem, sed ad rei prementis latera resilit. Impresilium uerò, quæcunq; facile manu imprimi queunt, manentq; impressa, ea quidem formatilia sunt. At quæ difficile (lapiæis more, uel ligni) imprimuntur: aut facîle quidem sed impressio, ceu lana, aut spongiæ non remanet, hæc formatilia non sunt, sed pressatilia. Pressatilia autem sunt, quæ pulsa colligere sese possunt, intro recedente superficie, non distracta, nec aliò demigrante parte alia, id quod in aqua facit: quippe quæ in sublime resilire soleat. Pulsio autem motio est ab eo, quod mouet orta, quæ per tactum efficitur. Ictus uerò quæ per delationem. Pressantur autem, quæcunq; cognati corporis uacuos meatus obtinēt. Atq; pressatilia ea sunt, quæ in sua coire uacua, foramināue possunt (interdum enim foramina in quæ coeant, inania non sunt) id quod in madefacta spongia euenit, nam sua foramina imbibito humore distenduntur. At ea, quorum meatus corpore molliori, quàm id ipsum quod suapte natura in eos coire potest, repleti fuerint, pressatilia quidem sunt: ut spongia, lana, cera, caro. Impressatilia uerò, quæ pulsione in sua coire foramina per naturam nequeunt, quòd uel nulla habeant, uel re duriore oppleta gerant. Ferrum namq; lapis, aqua, & liquidū quodcunq; impressatilia sunt. Tractilia uerò sunt, quorum superficies in latum porrigi potest. Trahi autē, est superficiem perpetuam existentem uersus id ipsum porrigi, quod facultatē mouendi obtinet. Sunt autem quædam tractilia: ut pilus, lorum, neruus, massa triticea, uiscum: quædam intractilia, ut lapis, atq; aqua. Igitur quædam tractilia, & pressatilia

lia eadem sunt, ut lana: quædam non sunt, uerbi causa, pituita pressatilis non est, sed tractilis: et sponsia pressatilis, sed non tractilis. Sunt porrò etiam quædam non ductilia, ut es: quædam non ductilia, ut lapis, atq; lignum. Ductilia autem sunt quorū superficies nō tota in latum, pariter atq; profundū migrare eodē ictu potest: nō ductilia uerò, quorū non potest. Porrò ductilia omnia, etiam impressilia sunt: at nō omnia impressilia, ductilia, ceu lignum: quod tamen, ut in uniuersum dixerim, recurrit. Sed pressatiliū, quædā ductilia sunt, quædā minime: cera quidē, atq; cœnum, ductilia sunt: lana autē, atq; aqua, haud quaquā. Sūt et quædā fissilia, ceu lignū: quædā infissilia, ut fissile. Est autem fissile, quod ampliorem, quā quæ ab eo quod diuidit fiat, diuisionē subire potest. Nam tum quippiam finditur, cum diuisionē, quā corpus diuidens adferat, maiore admittit: atq; diuisio ipsa, quod facultatē obtinet diuidēdi, antecuerit: id quod in sectione minime euenit. Infissilia uerò sunt, quæcunq; istud pati nequeūt. Porrò fissile nullum, molle existit: de hisce autem loquor, quæ absolute, et non ad alia, mollia sunt: ad hunc enim modū, uel ferrum ipsum molle foret. Nec dura omnia, fissilia sunt. Sed, quæcunq; nec liquida, nec impressilia, nec friabilia existunt. Talia autem sunt, quæcunq; meatus, quibus inter se partes coherent, in longum porrectos, sed non in latum habent. Sectilia autem sunt ex hisce, quæ dura constant, mollia uerò sunt, quæcunq; nec diuisionem necessariò anticipare, nec comminui cum diuiduntur, possunt. Insectilia uerò, quæcunq; aut eiusmodi, aut liquida sunt. Nonnulla autem et sectilia, et fissilia eadem sunt, ueluti lignum: uerū parte plurima quod per longitudinem fissile est, per latitudinē sectile existit. Cum enim in plura quodq; diuidatur, quo longitudo

gitudines multæ una sunt, eo fissile est: sed quo plures latitudines in unam conflantur, eo sectile existit. Tenacia autem, siue lenta sunt, quæ cum liquida, mollia uel sint, protrahi possunt. Talia autem permutatione fiunt, quæcunq; corpora catenarum modo componuntur: ea enim distendi multum, et rursum contrahi queunt. Quæ uerò non sunt eiusmodi remittentia existunt. At densatilia sunt, quæcunq; pressatiliū stabilem, fixamq; habent pressationem. Indensatilia uerò, quæcunq; uel impressatilia sunt, aut pressationem obtinent inconstantem. Quinetiam quædam combustilia sunt, quædam incombustilia: uerbi causa, lignum, ossa, lana, combustilia sunt: lapis, atq; glacies, minimè. Combustilia autem sunt, quæcunque meatus habent eiusmodi, ut ignem introrsum admittant, atq; in hisce meatibus, qui per rectum dispositi sunt, minus ualentem, quàm ignem, continent humorem. At quæ nullum habent, aut ualentiorē, ceu glacies: et quæ uehementer uirent, incōbustilia sunt. Exhalabilia autem sunt, quæcunq; corpora humorem habent, sic tamen habent, ut euaporare nisi ignitis addantur, non possint. Est enim uapor, ab humido in spiritum, aëremq; uel caloris urentis facta secretio, quæ madefacere queat. Ea autem, in aërem tēporis spacio discernuntur: atq; euanesendo, alia arida, alia terra fiunt. Sed hæc secretio in hoc discrimē nacta est, quòd neq; madefacit, neq; spiritus efficitur. Est autem spiritus, fluxus aëris in longitudinē continuus. Exhalatio uerò, communis sicci, et humidi secretio, quæ uniuersim caloris ustiui opera fieri solet. Proindeq; nō madefacit, sed colorē potius admouet. Est autem lignosi quidem corporis exhalatio, fumus. Eodem nomine et ossa, et pilos, et quicquid est eiusmodi, appellito: nam tametsi commune nomen inditum non est, omnia tamen sub

sub eadem proportionis lege comprehenduntur: quemadmodum & Empedocles inquit. Ista, pili, squamæ, frondes, & densa uolucrum pluma solent fieri, quæ uiuida membra tegantur. Pinguis autem, fuligo: oleosi uerò, nidor. Ea de causa oleum nec decoquitur, nec crassescit, quòd exhalabile, non euaporabile sit: at aqua, haudquam exhalabilis est, sed euaporabilis. Vinum autem passum, utpote quod pingue sit, exhalat, atque idem quòd oleum facit: nam frigore cogi nequit, atque deuri assolet. Est autem uoce uinum, re nequaquam: etenim eius sapor, uini saporem non refert. Quocirca nec homines reddere ebrios assolet, uinum autem quodcunq; assolet. Sed exhalationem habet exigua. Vnde fit, ut etiam flammam emittere queat. Combustibilia autem esse uidentur, quæcunque corpora in cinerem resoluuntur: id quod omnibus obuenit, quæ uel calore, uel utroq; calore & frigore coguntur: nam hæc ab igni euinci conspiciuntur: at è lapillis, gemma illa, quem Carbunculum nuncupamus, minimè cum sentire uidetur. Porro combustilium, alia quidem flammabilia sunt, alia uerò inflammabilia: atq; horum, nonnulla carbonatilia. Flammabilia igitur sunt, quæ flammam emittere queunt. Inflammabilia uerò, quæ nequeunt. Quæ autem cum liquida non sint, exhalare possunt, ea flammabilia sunt: pix tamen, & oleum, & cera, flammabilia sunt, sed magis cum alijs quàm per se: maximè uerò cum hisce, quæ fumum ei aculantur. Carbonatilia autem sunt, quæcunq; eiusmodi, terræ plus, quàm fumi continent. Frætèr à nonnulla cum liquabilia sint flammabilia non sunt, ueluti æs: nonnulla item flammabilia, non liquabilia, cæcilignum: alia, utraq; ut thus. Cuius rei causa est: Nam ligna compactum, & ubiq; continuum ita ut deuratur, humorè gerunt.

Aes, per singulas partes dispersum, non continuū, & pauciorē quā ut queat flammam producere. Thus, partim hoc pacto, partim illo habet. Planē exhalabiliū flāmatilia ea sunt, quæ idcirco colliquefere nequeūt, quòd ad terrā magis spectent: partem enim aridam cum igni habent communem: hac igitur pars arida, si calefiat, ignis oriri solet. Eam ob rem flamma, spiritus, uel fumus ardens existit. Verū lignorū exhalatio, fumus dicitur. Cera uerò, thuris, picis, cæterorumq; id genus, & quæ picē continent, aut quipiam eiusmodi, fuligo. At olei, & corū, quæ proximē ad olei naturam accedunt, quæq; sola ideo minime ardent, quòd aridi parum habeant, per quod fit in ignem migratio, sed cum alio celerrimē (hoc enim est, siccum pingue, aut oleosum) nidor, Ergo è liquidis, quæ exhalare queunt, ad humiditatem magis pertinent: quæ uerò ardere, ad siccitatem.

De Homœomeris, huc simularibus partibus. CAP. X.

Hic Arist. de
homœomeris,
sue simularibus
partibus deter-
minat.

His autem affectionibus, atq; differentiis simularia corpora secundum tactum, uti diximus, & insuper odore, sapore, & calore, inter se distant. Simularia dico, ut metalla, aurum inquam, æs, argentum, stannum, ferrum, lapides, & cætera id genus, & quæ per secretionē ex hisce fiunt: nec non quæ in animantibus insunt, ut carnem, ossa, neruos, cutem, uiscus, pilos, fibras, uenas, ex quibus tandem dissimularia constant, ceu facies, manus, pes, cæteraq; generis eiusdem: item quæ in plantis, ut lignum, corticem, frondes, radicem, & quæcunq; sunt istiusmodi. Cum autem simularia alia ratione, ac uia, quā quæ dissimilium sunt partium constitui soleant, & ex quibus ea fiant, sint materies quidem aridum, & humidum, & proinde terra, & aqua (horum enim utrunq; utrisq; potentiam habet euidētissimam) agentia uerò calor, atq; frigus (hæc enim ex illis simul

376

Similaria corpora constituunt, compinguntq; ex simularibus quæ terre, quæ aquæ, quæ deniq; utriusq; communes sint species, sumamus. Itaq; è concretis corporibus, alia liquida sunt, alia mollia, alia dura. Horum autem quæ mollia, aut dura concretionis ratione existant, dictū est prius. Liquidorum igitur quæcunq; euaporare queunt, ad aquā spectant. Quæ nequeunt, uel ad terram, & aquam cōmuniter spectant, ceu lac: uel ad terram, & aërem, ut mel: uel ad aquam, & aërem, ut oleum. Et quæ quidem seruire caloris spissantur, communia sunt. At inter ea, quæ liquida sunt, de uino quispiam ambigat. Nam & euaporare potest & spissari assolet, ut quod recens est. Causa autē est, quòd uini plures sunt species, & aliud alio habet modo: nam quod recens est, magis quàm quod uetus, terrosus existit. Quo fit etiam ut calore potissimum crassescat, & frigore minus cogatur, quoniam caloris multum, ac terræ contineat: uelut Arcadicum, quod...tribus inditum fumo a deo aspicari solet, ut cūm depromitur concreseat. Quòd si uinum omne faciem habeat, profecis copia utriuslibet uel terre, uel aquæ existit. Quæ autem frigore crassescunt, terræ. Quæ uerò utroq; plurimum communia sunt: ut oleum, mel prædulce uinum. Sed ex hisce, quæ consistunt, quæ frigore concreuere, aquæ: ut glacies, nix, grando, pruina. Quæ calore, terræ: ut fictile, caseus, nitrum, sal. Quæ utraq; (cuiusmodi sunt, quæ refrigeratione coagulata sunt: hæc autem sunt, quæ priuatione utriusq;, caloris inquā, atq; humoris, unā cum calore abeuntis concreuere. Nam sal, & quæ terra sincera constant, solius humoris: glacies autem solius caloris priuatione concrescunt) ea profecit utriusq; sunt. Quocirca ut utrunq; sortita sunt, ita ab utroq; cogi assolent. Quorum igitur nniuersas humor exauduit, ea omnia

vinum.

terrenæ sortis existunt, ceu fictile, atq; succinum: etenim
 succinum, & quæcunq; sibi lachrymæ nomen usurparunt,
 uti myrrha, thus, gummi, refrigeratione fieri solent. Huius
 autem generis succinum quoq; uidetur esse, concrescitq;
 nam occlusa in eo animalia conspiciuntur. Fluminis autem
 rigore calor succini perinde egrediens ut decocti mellis
 cum in aquam fuerit demissum euaporare humorem facit.
 Quinetiam quædam illiquabilia sunt, & immollificabilia,
 ueluti succinum, & lapides nonnulli, ceu pori, qui in spe-
 luncis gigni solent: etenim hi non secus ortum, ac illa sube-
 unt, nec caloris facultate efficiuntur, sed frigoris: nam cum
 calor dimanat, humor pariter cum calore, qui à se disce-
 dit, egreditur: alijs autem in rebus, calor externus humo-
 rem discutit. At quorum non uniuersus humor exudauit,
 ea terræ potius sunt, sed mollescere ualent: ut ferrum, atq;
 cornu. Thus tamen & eiusmodi, perinde ut ligna euapo-
 rant. Cum igitur liquabilia poni oporteat, quæ igni colli-
 quantur, aquosiora sunt: nonnulla etiam communia, ut ce-
 ra. Quæ aqua, terræ. Quæ neutro, aut terræ, aut ex utro
 que conflata. Si igitur uel liquida, uel concreta sint omnia,
 & quæ dictis affectibus obnoxia sunt, de eorum numero
 sint, nec inter ea quippiam interueniat, dicta sunt uniuersa:
 quibus terræ ne, an aquæ, uel plurium quippiam commune
 sit, & an igni, an frigore, an utroq; constitit, diiudice-
 mus. Itaq; aurum, argentum, æs, stannum, plumbum, nitrū,
 & lapides multi nomine uacantes, aquæ sortis sunt: quip-
 pe cum ea omnia feruore calor deliquescere solita sunt:
 nonnulla præterea uini genera, urina, acetum, lixiuium,
 serum, sanies: nam frigore cuncta gelant. At ferrū, cornu,
 unguis, ossa, nerui, pili, lignum, cortex, folia, potius terræ
 sunt: adhæc succinum, myrrha, thus, omnia quæ lachrymæ
 nomen

nomen nacta sunt, & porus, id est totus lapis, nec non fructus, ut legumina frumentumq;: nā ex hisce, quæ talia sunt, tametsi quædam magis, quædam minus, omnia tamen terrena existunt: eorum enim alia mollificabilia sunt, alia exhalabilia, atq; frigore genita, in super sal, nitrum, & ea lapidum genera, quæ neq; rigore fiunt, neq; eliquari queunt. Sanguis uerò, ac genitura, ad terram, aquam, & aërem cōmuniter spectant. Nam sanguis, qui quasdam ueluti fibras habet, magis terrenus existit: & proinde ut refrigeratione cogitur, sic humore deliquescit. Qui uerò nullas habet, aqueus: ideoq; concreescere nescit. At genitura, quod unā cum tempore humor decedat, refrigeratione coagulatur.

De temperamentis mixtorum, quæ frigida sint, quæ calida
plerunq; & quo pacto,

CAP.

XI.

EX concretis autem, liquidis uē, quænam tepida, aut frigida sint, ex hisce, quæ iam diximus, persequi decet. Quæ igitur ad aquam pertinent, magna ex parte frigida sunt, nisi calorem externum habeant, ceu lixiuium, urina, uinum. Quæ ad terram, magna ex parte calida, ob uim teporis effectricem, ut calx, atq; cinis. Porro quædam, quantum ad materiam attinet, perquam algida esse sumamus oportet. Nam cum siccum, & humidū sint materia (pastua enim sunt) atq; horum corpora maximè terra, & aqua, hæc autem frigore definita sint: palam est quod corpora omnia, quæ utriuslibet elementi absolute fuerint, frigida magis sunt: nisi calorem externum habeant, ueluti aqua, quæ effluet, aut quæ per cinerem transmussa, atq; percolata fuit: etenim ea à cinere teporem contraxit: nam in omnibus quæ ignem sensere largius, parcius uē tepor ineſt.

Quocirca & in marcidis uermes innasceſſunt: nam in eis tepor quidam ineſt, qui suum cuiusq; calorem disper-

11 3

dat,

244

Cap 2 - ad 40
Sunt ex plura
genia ad fr.

Hic Aristot.
Aqua plerum
queſſe frigida:
ut terra calida
oſtendit.

Cap 2 - ad 40
Sunt ex plura
genia ad fr.

eminino hisce, quæ ut instrumenta sunt, & alicuius gratia. Nam quod emortuus homo equiuocè homo sit, constat magis. Perinde ergo emortui hominis manus æquiuocè manus dicitur, atq; si uel lapideæ tibiæ, tibiæ dicantur: nam & hæ quoq; uelut instrumenta quædam esse uidentur. At eiusmodi in carne, & osse minus aperta sunt: & adhuc in igne & aqua minus. Nam ubi materiæ plurimum existit, ibi id gratia cuius quippiam factum sit, nunimè constat. Perinde enim euenit, atq; si extrema sumantur: nam materies nihil aliud est, quàm materies: essentia, quàm ratio: quæ inter hæc media sunt, ut quodq; propè est, quando & horum quodlibet, alicuius gratia existit. Quinetiam non quouis modo habet aqua, aut ignis: sicuti nec caro, nec uiscera: adhuc autem magis, manus, & facies. Sed suo munere, ac officio definita sunt: uniuersa: nam quæ suo fungi munere queunt, singula uerè sunt: ut oculus si cernat: quæ uerò nequeunt, æquiuocè: ut emortuus, lapideus uel oculus: non enim serra lignea, præterquàm serræ imago, ac effigies existit. Sic & caro, uerum eius officium minus quam lingue, dilucidum est. Sic & ignis: sed adhuc forsitan minus eius, quàm carnis officium naturaliter innotescit. Sic & plantarum partes, & inanima, ut æs, atq; argentum. Cuncta namq; facultate quadam aut agendi, aut patiendi sunt, uti caro, ac neruus: sed rationes eorum nequaquam ad unguem perspectæ sunt. Quare quando sint, & quando non sint, non est facile discernere: nisi admodum deprauata sint, & figura sola reliqua sit. Cuiusmodi sunt uetusta illa cadauera, quæ in capsulis adseruata in cinerem subito uertuntur: necnon fructus admodum inueterati, qui figura tantummodo, non etiam sensu fructus esse uidentur: item quæ lacte coacto constant. Tales igitur partes calore

ac frigore, & eorum motionibus fieri contingit, cum caloris ui, atque frigoris cogantur: eas autem intelligo, quæ similes sunt, ut carnem, ossa, pilos, nervos, & quæcunque sunt eiusmodi: omnes enim differentiis hisce, quæ prius diximus, tensione scilicet, tractione, commutatione, duritia, mollietie, & cæteris id genus distant. Tales inquam partes calore, frigore, & mistis motibus fiunt. At dissimiles, quale est caput, aut manus, aut pes: ex illis constitutæ nemini uidebuntur: sed sicuti frigoris, & caloris motio ut æs, argentum uel fiat, causa est, ut uerò serra, aut phiala, aut arca, non item: sed hic ars, illæ autem natura, aut alia quædam causa est: sic & ut illæ fiant, in causa esse putabitur.

Cum igitur iam sit ostensum cuius simularium quodque generis sit, de unoquoque quid sit, uerbi causa, quid sanguis, aut caro, aut genitale semen, & aliorum quoque summus oportet. Tunc enim cur quodque sit, & quid sit scimus, cum materiam, aut rationem, sed maxime cum utranque, & unde sit motionis exordium, cognoscimus. Quibus elucidatis, pari modo de dissimilaribus, & denique hisce quæ ex eis constant, ut homine, planta, & cæteris id genus, contemplan- dum uide- tur.

FINIS LIB. IIII. METEO-
ROLOGICORVM.